



6  
6-e  
51

Q HW



6.6.e.51



D, E  
PERSCRIBENDIS  
EPISTOLIS  
LIBELLVS.



*Domus. Romane.*  
*J. & M. Magdalen*

*S. Ry. M. in Inf. m. p.*



Superiorum Permissu.

NEAPOLI, Apud Iosephum Cacchium.  
M. D. LXXXXI.

1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900

1901  
1902  
1903  
1904  
1905  
1906  
1907  
1908  
1909  
1910  
1911  
1912  
1913  
1914  
1915  
1916  
1917  
1918  
1919  
1920

1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940

1941  
1942  
1943  
1944  
1945  
1946  
1947  
1948  
1949  
1950





A LOISIVS ANT.  
SANCTORELLVS  
IVRECONSULTVS.

ILLVSTRISS. VIRO IOANNI  
BAPTISTAE LOFFREDO MONTIS  
FORTIS MARCHIONI. S. P. D.




*V*M superioribus annis Rhetoricae, alijsq; humanioribus disciplinis operam dare, ILLVSTRIS-  
SIME MAR-  
CHIO, compendium hoc exercitationis tantum gratia, de perscribendis epistolis composuisse memini: Quod postea grauioribus iuris civilis studijs à me intermissum, derelictum quasi iacebat, iacuisseq; semper, nisi nonnullorum nuper amicorum, quibus ego illud uidendi olim copiam feceram, assidua interpellatio fecisset, ut illud idem ad communem studiosorum commodum in lucem edere vellem. Quorum auctoritas (et si iuris, alijsq; forensibus negotijs essem alioqui impeditus) me ad illius castigationem compul-  
\* 2 lit.



lit. Quod quidem quaecunq; sit tibi viro Illustrissimo,  
ut meae fidei, promptaeq; seruitutis exiguum in te ali-  
quod extaret testimonium, dicandum duxi. Debeo e-  
nim tibi quantum debere possum ob summa tua in me,  
patrisq; tui Caesaris viri praeclarissimi in patrem me-  
um Gratianum, qui illi operam suam nauauit semper  
diligentem, merita, atq; officia. Accipe igitur hilari  
fronte has ingenioli mei primitias, ILLVSTRIS-  
SIME MARCHIO tibi optimo iure dicatas:  
quas si videro non ingratas fore, & à detractorum  
mordacibus linguis abs te defendi, dabo operam, ut  
maiora quodie à me accipias, quae ad legum, iurisq;  
scientiam, gubernandiq; munus pertinere videntur.  
Vale diutissimè, Aloisiumq; tuum natura, & affectio-  
ne seruum fouere non desinas. Ex Monte forti tuo  
Idibus Ianuar. 1590.

THOMAS ANELLVS  
SCLAVS IVRECONSVL.  
NEAPOLITANVS.  
CANDIDO LECTORI. S.



VONIAM tota ferè ars dicendi uerum nunc traducta esse uidetur ad sacras declamationes, & conciones ad populum, meritò elucet illa potissimum hodie in scribendis epistolis: hinc recentiores omnes in hoc dicendi genere maximè elaborare uoluerunt. Politianus, Gregorius, Cortesius, Cardinalis, Longolius, Bembus, Sadolerus, Manutius, & alii innumeri, epistolae quorum ut doctissimae, & elegatissimae cunctorum manibus iterantur. Quapropter ut breuiter, atq; facillè quisq; hanc scribendi rationem assequi posset, & ad manum quasi habere exempla, & genera epistolarum, earumq; componendum artem: Aloisius Antonius Sanctorellus Iureconsultus ornatisimus meus cognatus, cum in iuuentute collegisset compendium de hac scribendi ratione, rogatus à multis, & à me potissimum, ut illud ad communem omnium utilitatem euulgaret, diu quidem recusauit: uictus uerò tandem amicorum, & meis precibus nunc edere constituit. Perlege igitur candide lector libenti animo presens opusculum,

culum ; spero enim multum te inde utilitatis reportaturum :  
nec uerò mireris si in fine capitum adiunxit testimonia , &  
auctoritates veterum scriptorum , & potissimùm iurecon-  
sultorum : nam cùm sui muneris sit leges , & iura quotidie  
peruolutare , uoluit hæc illorum testimoniis de industria  
illustrare , atq. confirmare , cùm non dubitet hoc suum con-  
siliū non nullis saltem placiturum . vale candide lector , &  
uoluntatem Auctoris cunctis prodesse cupientem acqui , bo-  
niq. consule. Neap. Kal. Ianuar. 1590.

FRANCISCI VERIERII EX SOCIETATE IESV, in librum de perscribendis epistolis Aloisij Antonij Sanctorelli  
Epigramma.

**S**I forte absentem certis de rebus amicum  
Siue docere cupis; siue monere tuum:  
Erigere afflictum; consolariq; dolentem;  
Cum patris, aut cari concidit ex obitu:  
Sedare iratum: fræno cohibere furentem:  
Aversumq; iterum conciliare tibi:  
Orare, hortari; nunc huc impellere; nunc huc:  
Quid multa? arbitrio flectere posse tuo:  
Ne te poeniteat paruum legisse libellum;  
Hinc tibi, qua facias, suppeditatur ope.

Τοῦ αὐτοῦ πρὸς τὸ αὐτό.


Μὴ με, τριβὸν τίμων, τρεβλῆς στί' ὀμμασεβλή-  
βιδιον, δωατὸν τοῖς μεγαλοῖς ἐπίσης.  
Εἰπὲ, θίλεις πότερον μικρὸν χρυσοῖο νόμισμα,  
ἢ ὃν ὀπκρῦν γὰρ μολιβδον ὄλον.

# CAPITVM ELEN CVS.

|  |          |
|--|----------|
| <b>D</b> E definitione epistolae, Vnde dicatur, Quare fuerit inuenta<br>cuius fine, & quoruplex sit. | Pagina 1 |
| De genere demonstratiuo.   | 2        |
| De epistola Nunciatoria.   | 7        |
| De epistola Laudatoria.  | 8        |
| De epistola Iocosa.  | 10       |
| De epistola Gratulatoria.  | 12       |
| De epistola Eucharistica, siue de gratiarum actione.   | 16       |
| De genere deliberatiuo.  | 21       |
| De epistola Suatoria, & Diffuasoria.   | 27       |
| De epistola Hortatoria.  | 36       |
| De epistola Commendatitia.   | 71       |
| De epistola Consolatoria.  | 75       |
| De epistola Petitoria.   | 91       |
| De epistola Conciliatoria.   | 97       |
| De epistola Amatoria.  | 99       |
| De epistola Monitoria.   | 102      |
| De epistola Narratoria.  | 107      |
| De genere Iudiciali.   | 113      |
| De epistola Criminatoria.  | 113      |
| De epistola Expostulatoria.  | 114      |
| De epistola Exprobratoria.   | 116      |
| De epistola Conquestoria.  | 116      |
| De Elocutione.   | 120      |
| De Iunctura.   | 121      |
| De Numero.   | 123      |
| De Ordine.   | 124      |
| De seruando Compositionis ordine.  | 132      |
| De non commutandis dictionibus.  | 136      |
| De superscriptione epithetorum.  | 137      |
| De kalendis, Nonis, & Idibus.  | 141      |

D E

DEFINITIONE EPISTOLAE.  
 VNDE DICATUR, QVARE  
 FVERIT INVENTA, EIVS FINE,  
 ET QVOTVPLEX SIT.



**EPISTOLA** est fida nostrae  
 mentis interpres, et quasi rerum  
 nostrarum, siue alienarum certa  
 nuncia. Dicitur epistola ab *ἐπιστολά*  
*ἐπὶ τῇ ἐπιστολῇ* idest à mittendo, eo  
 quòd ad absentes destinetur: scri-

bens enim praesenti fatuus<sup>a</sup> est. Fuit inuenta, ut  
 certiores faceremus absentes<sup>b</sup>, ut Cicero ad Cu-  
 rionem: nam ut idem ad Q. Fratrem lib. 1. epi-  
 stolae proprium est, ut is ad quem scribitur de his  
 rebus, quas ignorat, certior fiat. Finis epistolae  
 est docere, et mouere. Epistolarum autem genera  
 tria esse supponimus Demonstratiuum, Delibera-  
 tiuum, et Iudiciale: Quorum species, cum infini-  
 tae dicantur consilij haud puto omnes uelle recen-  
 sere. Quid enim est, quod litteris non committa-  
 tur? In his amamus, odimus, miramur, deli-  
 beramus. In his laetamur, stomachamur, quae-

A rimus



rimus, expostulamus, blandimur, iurgamur, in gratiam redimus, consolamur, consulimus, minamur, deterremus, excitamus, conciliamus, com-  
pescimus, bellum indicimus, contrahimus, laudamus, vituperamus, narramus, describimus, operam nostram offerimus, deniq; quid non? Quare species cum infinitae sint, & innumerabiles, persequi infinitum Anticyram<sup>c</sup> navigare opus esset. Nos eas, quae, & utiles, & necessariae maxime videntur, colligemus: ceteras, quarum inuentio facilis erit scribentium ingenijs relinque-  
mus. Nunc pro viribus suas cuiq; generi species subiiciemus, et ordine de unaquaq; dicemus.

a Ange. in l. 1. C. de contrah., & committ. stipul.

b Abientes dicuntur, qui inuicem exaudiri nequeunt. glō.  
in §. Item verborum in Inst. de inutil. stipul.

c Anticyra est insula propè sinum Meleacum, cuius meminit, Strabo lib. IX. & ibi Pli. auctore tutissimè sumitur el-  
leborū. Ouid. lib. IV. de Pont. Purgantes pectora succos,  
Quicquid, & in tota nascitur Anticyra.

Et hominem insanum cum dicere volumus, Anticyra egeredimus. Horat. Tribus Anticyris caput insana-  
bile.

#### D E GENERE DEMONSTRATIVO.

**G**ENVS demonstratiuum graecè *ἡ ἀντιτικτὴ*  
appellatum est, quod alicuius certae perso-  
nae, vel rei laudem, vel vituperationem continet.

Sed



*Sed quoniam potior est laudandi pars, et ex laudis contrarijs locis vituperatio constat<sup>a</sup>, de ea potissimum dicemus. Laus igitur est expositio bonorum, quae alicui accidunt personae, uel communiter, uel priuatim. Communiter, ut laus hominis, priuatim, ut laus Platonis. Laus autem aut à personis, aut à rebus sumitur<sup>b</sup>. Personam (ut ex Buccoldiano cognouimus) tripliciter laudabimus à bonis fortunae, corporis, & animi.*

*Bona fortunae sunt, quae secunda, uel aduersa fortuna hominibus accidere solent<sup>c</sup>, ut genus, edu-*

Bona fortunae.

*catio, diuitiae, potestates, gloria<sup>d</sup>, ciuitates, amicitiae, & alia huiusmodi. Bona corporis sunt commoda, uel incommoda, quae natura corpori attribuit, ut vires, uelocitas, uenustas, uale-*

Bona corporis.

*tudo, & quae his sunt contraria. Animi bona sunt, quae consilio, et cogitatione nostra prius, de-*

Bona animi.

*inde in actione consistunt, ut prudentia, iustitia,*

*temperantia, et fortitudo, et quae his sunt contra-*

*ria. Rem laudabimus, aut uti diuinam, ut sunt res*

*sacrae, et religiosae<sup>e</sup>, aut uti humanam, quae uel pu-*

*blica erit, uel priuata. Rem item laudabimus, aut*

*ut communem uniuersitatis, aut ut communem sin-*

*gulorum<sup>f</sup>. Rem etiam laudabimus uel ut corpore-*

*am, uel ut incorpoream: Corporeae<sup>g</sup> res sunt, quae*

*uel à natura sunt institutae, & sui natura tangi*

Res corporeae.

A 2 possunt

possunt, qualia sunt elementa, plantae, metalla, geminae: vel hominum industria sunt confectae, ut urbes, templa, uestis, domus, & huiusmodi.

Incorporeae.

Incorporeae res sunt, quae in iure consistunt, sicut haereditas, ususfructus, obligationes, artes, scientiae, virtutes, & similes. Personam etiã describendo laudabimus, si totius corporis habitum, figuram, gestum, motumq̃, tamquã pictura exprimemus. Rem laudabimus, si utilem, necessariam, iustam, honestam, excelsam, omnibusq̃ emolumentofore aperiemus.

In hoc quoq̃ genere demonstratiuo versantur descriptiones personarum, regionum, praediorum, arcium, fontium, hortorum, montium, monstrorum, tempestatum, itinerum, conuiuiorum, aedificiorum, pomparum; & (ut ait Priscianus) est oratio colligens, & repraesentans oculis, quod demonstrat. Nam si hominum genus describimus, à corporum descriptione exordiemur, deinde ad vestium genus, ad animorum habitus veniemus. Postremò viuendi ritum omnem ante oculos ponemus.

Hominum generis descriptio.

Loci descriptio.

Si locum describimus eius faciem, & situm describemus nũ in humili, vel excelsò, in plano, cliuo, an in monte, nemoroso, uel secus: quo monte, flumine, mari, aut lacu alluatur, aut cingatur, qua longi-

tudi.

tudine, latitudine, ambitu contineatur: quem prospectum, quas vrbes, quos fontes in unaquaq; parte habeat, quo sole illustretur, quibus tradatur ventis, cuius coeli portioni subiaceat, cuiusmodi coelum habeat salubre, an pestilens, amoenum, an secus, exponemus. Deinde tamquam propius accedentes singula accuratius ostendemus. In hoc genere plura praecipere, exemplaq; ponere superfluum esset, cum eius perspicuitas magnam exemplorum vim suggerat.

Poteris tamen plura descriptionum exempla apud varios scriptores inuenire. videlicet. Personae, apud Vir. in I. Aeneid. Urbis, in eodem urbs antiqua fuit. Temporis, in IV. ibi Nox erat. Domus, in VI. Rei vel naualis, ut apud Liuium lib. VI. secundi belli punici. vel pedestris, ut apud eundem lib. I. & II. belli punici, & equestris lib. III. Veris<sup>h</sup>, & aestatis, apud Horatium Odarum V. od. VII. Diffugere nives, & Petrar. in II. lib. son. XXXII. Zefiro torna. Arcis apud Solinum cap. XLI. Ammianum Marcellum in lib. XXIV. & Plutarchum in Alexandro<sup>i</sup>, & Annibale. Cliui, apud Rodolphum Agricola lib. I. cap. XXIII. Pyramidis, apud Solinum cap. XLI. Stadij, apud Plinium in lib. II. cap. XXXIII. Aedificij, apud

apud eundem lib. III. epistolarum, epist. ad Gal-  
 lum. Tempestatis, apud Vir. in I. Aeneid. Ariost.  
 in can. XIX, & XLI. et Ouid. lib. XI. meta-  
 morphosis. Inuidiae, apud eundem in II. eiusdem.  
 Diluuij, in I. Aulæ solis, in II. Inferorum, in IV.  
 Tumultus, in V. Finis diei, in VI. Pestilentiae, in  
 VII. Famis, temporis, Apparatus, & Mensæ  
 rustici pauperis, Sylvae, Animipietate affecti,  
 et Speluncae Fluuij, in VIII. Puellæ amore ar-  
 dētis, in X. Somnij, in XI. Domus famæ, in XII.  
 Siciliae, in XIII. Aetnae, apud Gellij lib. XVII.  
 cap. X. Iustitiæ, apud eundem in XIV. cap. IV.  
 Apud Demosthenem in oratione contra Aristog.  
 Apud Senecam in Octauia. Et apud eundem de  
 forma honestæ vitæ in cap. de iustitia. Nævis,  
 apud Plutar. in Antonio. Habitationis Sancti  
 Antonij, apud D. Hieronymum in Hilarione. Sa-  
 pientum, apud Lucanum lib. IX. Huic deniq; ge-  
 neri demonstratiuo has species commodè supponi ui-  
 sum fuit nempe. Nunciatoriam, laudatoriam, io-  
 cosam, gratulatoriam, & gratiarum actionem, de  
 quibus ordine pertractabimus.

a Argum. S. videamus in Inst. de his, qui sunt sui, uel ali.  
 iu. & glo. in S. actionum in ver. bonæ fidei de act.

b Priscia. ex Hermogene.

c Cic. in III. ad Heren.

d Gloria est frequens de aliquo fama cum laude. Cic. lib. II  
 rhet.

rhēt. Et in oratione pro M. Marcello ait. Gloria est illustri, ac peruagata multorum, & magnorum vel in suos ciuēs, vel in patriam, uel in omne genus hominum, fama meritorum.

e l. I. ff. de rer. diuis.

f l. II. ff. eod.

g In institut. de reb. corpor., & incorpor.

h Ver incipit VII. id. febu. Aestas VII. id. Maij. Autumnus VII. Sextil. Hiens IV. id. Nouembris. Varro lib. I. de re rustica.

i Alexander dictus est ab auxilio, ut Ouid. in epist. ad Helenam inquit.

Penē puer caesis abducta armenta recepi

Hostibus, & causam nominis inde tulit.

k Inuidia est dolor ex aliena felicitate suboriens.

# DE EPISTOLA NVNCIATORIA.

**N**VNCIATORIA, epistola est, qua nouum aliquid, aut publicum, aut priuatum, aut domesticum cuiuspiam denunciamus.

Haec epistola ob eius varietatem dubia est, simplex idcirco, (ut in genere dicam) dilucida, breuis, et distincta esse debet, gratulationis praeterea, & consolationis particeps erit. Narratione constat, de qua infra. Huius epistolae exemplum optimum, & concinnum est illud S. Sulpitij ad Ciceronem in IV. lib. epist. famil., cū Marcelli mortem obnunciet, ac describat: & in XI. epist. I., & in complurimis alijs locis cetera exempla apud eundem diffusius offendes.

**L**AVDATORIA epistola, graecè Εἰς τιμωρίαν  
 appellata est, qua filium, filiamue, uel alios,  
 in quos ius habemus, uel non, ut officio functos lau-  
 damus. Differt autem ab hymno, & Epaeo;  
 nam hymnus Deorum est, Encomium uerò morta-  
 lium. Epaeus paucis fit uerbis, encomium uerò  
 longioribus profertur. Hac epistola, uel uiuentes,  
 uel mortuos laudabimus. Viuentes laudabimus  
 triplici modo, a bonis naturae, fortunae, & ani-  
 mi: ita tamen laudabimus, ut omnino adulationis  
 suspicio cesset: ut si dicamus nostram susceptam  
 esse epistolam, non ut eum, ad quem scribimus, uel  
 quempiam laudaremus, cum eius uirtutes nemi-  
 ni non pateant, sed ut nostrum indicaremus, ac  
 testaremur amorem. Mortuos<sup>a</sup> laudabimus, si  
 primum eius, ad quem scribimus dolorem esse iu-  
 flissimum, nostrumq; cum eo communem esse pate-  
 faciamus: deinde si mortuorum memoria, uirtu-  
 tibus, rebus benè gestis, gloria, felicitate eos conso-  
 temur. In hac epistola praeterea laudabimus por-  
 tus, ut apud Vir. in I. Aene. Syluas, ut apud eun-  
 dem in II. Georgic. Hortos, apud Iuuenalem in Sa-  
 ty. X. Plantas apud Plinium lib. XIX. cap. III.  
 Agros, apud eundem lib. I. epistolarum, epist. ad  
 Faustum. Montes, in III. hist. cap. VIII. Flu-  
 mina

Cuiusmo-  
di laus esse  
debeat.

Qualis mor-  
tuorum la-  
us.



mina, apud eundem lib. V. cap. IX. et Virg. in *Iliad.* ibi Leni fuit agmine Thybris<sup>b</sup>: ecce à cursu Tyberim laudat. Illud autem in hac epistola animaduertendum erit, quòd turpius est frigidè laudare, quàm acerbius vituperare, et ideo proprias cuiq. laudes tribuamus, neq. omnes eadem ratione laudemus: aliter enim sacerdotes, aliter milites, aliter Imperatores, aliter Duces, aliter magistratus, aliter priuatos, aliter ecclesiasticos, aliter seculares, aliter patrem, & aliter filium laudare oportet. Filium pater laudabit hoc modo. Incundius ex omni rerum genere nihil obnunciari potuit, quàm te nobis digna istic agere. Filium te modo meum fateor, cùm te in virtutes incumbere audiam: cessatorum consuetudinem fugere: parcere rei paternae, id si non falsò mihi est denunciatum. Tu perge in officio mi fili, hocq. pro comperito habeas, si te qualem uolo praesliteris filium, me benigniorem etiàm, quàm uoles. habebis patrem. Plura exempla inuenies apud Ciceronem in epist. famil. praesertim in lib. XV. epist. Laetus sum laudari. Apud Plinium lib. I. epist. Si quando Vrbs nostra. In eodem, epist. Amabam Pompeium. In II. epist. Post aliquot annos. In III. epist. Nescio an ullum incundius. in VI. epist. Sum ex his: in IX. epist. Unicè probo. in XVI. epist. Denticone mi

Turpius est  
frigidè lau-  
dare, quàm  
acrius uitu-  
perare.

Quomodo  
pater lau-  
dabit filiū.

*Marce. Huic epistolae optimè responderi censeo, ut per Cic. in epist. paullo ante allegata. Vnicè probo.*

- a Qualis mortuorum laus esse debeat, vide Andre. de Iser. intir. qualiter olim po. feu. al. in ver. diuac memoriae. Et an filius, vel alius ex mortui genere laudes tantum decantet: & quae caeremoniae apud Scythas, Aegyptios, Romanosq; fiebant: & quinam mores in summorum virorum funeribus obseruari solebant: vide collecta per Petrum Vanderanum in tract. de Priuilegijs creditorum in cap. I II. & Alexandrum Sardum in lib. I. de moribus gentium.
- b Thybris fluuius est Italiae, qui ab Apennino diffuens Romam ab Ianiculo separat, dictus autem prius albula ab alba aqua, exinde Thybris ab immani rege, qui Thybris appellaretur. ait enim Vir. lib. VIII.

Tum reges, asperq; immani corpore Thybris,

A quo post Itali fluuium cognomine Thybrim.

Diximus amisit verum verus albula nomen.

Postremò Tyberis dictus est à Tyberi Thuscorum rege, uel à Tyberino rege albanorum, ut putat Festus.

Vnde & Ouid. lib. II. fast. inquit.

Albula, quem Tyberim merfus Tyberinus in vndis.

Reddidit, hibernis fortè tumebat aquis.

- c Rationem refert Gellius lib. XIX. cap. III. & ita sensit Cic. in vltima actione in Verrem. ibi. Qui non haberet ex tota Sicilia nisi vnus ciuitatis laudatores, cum decem requirantur, & ideo honestius est ei nullum dare, qui decem laudatores dare non potest.

#### DE EPISTOLA IOCOSA.

**I**OCOSA epistola est, qua cuiuspiam animi festiua urbanitate delectamus. Iocum in unaquaq; epistola, si res postulet, admiscere poterimus



terimus: Hoc utemur quotiescumq; iocosè, et familiariter de rebus nostris, uel alienis cum amico cauillamur, atq; iocamur. Praetereundum autem non opinor hanc epistolam mixtae potius, quàm simplicis esse speciei, cum inter ceteras epistolarum rationes iocum magis permisceamus, quàm simpliciter eam iocosam omnem scribamus. Perpendenda sunt praeterea duo, ut primum iocus in reposita tempestiuus sit, uerus, et uerissimilis demonstratus, amicumq; uel ad quem scribimus, in risum incitet: deinde, ut illico ab huiusmodi iocis ad seria veniamus, ne nimium iocosi scurrae, atq; histrioines habeamur. Quo quidem si aptè utemur, plus quàm si seria esset epistola, operabitur. Latius de huius ioci qualitate Cicero in lib. II. de oratore, et de offic. I., simul & Quintilianus in capite de risu, demonstrauit. Exempla quidem apud Cic. leges in epist. famil. lib. I. epist. fin. In VI. ad Trebatium epist. Legi tuas litteras. In eodem, epist. Nisi ante Roma. Eodem, epist. Mirabar quid esset. Eodem, epist. Adeo ne me iniustum esse existimasti. Eodem, epist. Chrysippus Vettius. Eodem, epist. In equo Troiano. Eodem, epist. Accepi à te aliquot epistolas. lib. IX. ad Varronem, epist. *rept. diuina*, me scito *rept. diuina* Hoc est de ijs, quae fieri possunt

Duo in ioco animaduertenda.

me scito ex Diodori sententia iudicare. In eodem, epist. Non sum ausus. Eodem, epist. Non tu homo ridiculus es? Eodem. Tamen à malitia non discedis. Eodem, epist. Dupliciter delectatus sum tuis litteris. Eodem, epist. Summum me ducem. Eodem, epist. Accubueram. Eodem, epist. Delectauerunt me litterae tuae. Plura exempla inuenies apud Macrobiū in Saturnalijs. lib. II., cap. II. vsq; ad cap. VII. Et apud Gellium lib. V. cap. V. In XVI. & XIX. cap. XI.

- 2 Iocus est in verbo, ludus in facto, nonnunquàm tamen indifferèter ponuntur. Quintilianus verò sic ait lib. VI. Iocum accipimus, quod contrarium serio: nam fingere, & terrere, & promittere interim iocus est. ludus in facto est, cum aliquid facimus exercitationis causa, & relaxationis animorum. Plato in IV. de repub. sic ait. Pueri statim à primis annis in honestis ludis assuefaciendi sunt. Nam si minus decentibus assuescant nunquàm probi viri euadere poterunt.

#### DE EPISTOLA GRATVLATORIA.

**G**RATVLATORIA epistola est, qua amicorum felicitatem nobis incundam esse testamur. In hac epistola duo potissimùm animaduertemus, personam nempe, & ipsam rem. Persona uel maior, uel nobis aequalis erit. Si maior, ueluti si sit persona principis, cui gratulemur, gra-  
uiter

Persona  
uel maior,  
uel aequa-  
lis.

uiter, artificiosèq; cum eo agemus, ut se à nobis magnifieri, coliq; intelligat. Sin autem erit aequalis, ac familiaris, cum eo breuiter, & familiariter agemus: id etià curabimus, ne quid fictum, fucatum, dataq; opexa factum appareat, sed ut nos verè amicè gratulari intelligat: ut si ostendamus ipsum meritis, & uirtute sua dignitatem, uel aliud quidpiam, de quo congratulamur, fuisse consecutum. Res uel magna, uel parua erit. Si magna res erit, dignum ea re fuisse hominem dicemus: neq; alium, cui tantopore res ea conueniret, facile inuentum iri. Sin minus, eum quidem multò maiora, atq; ampliora meruisse: hunc tantum esse gradum ad maiora, si modò uelit fortuna hominis uirtutibus respondere. His omnibus modis animi nostri uoluptatè amplificabimus, quam ex amici successu cepimus, cuius omnia commoda, uel incòmoda pro nostris ducamus: Immodò cuius rebus pro incredibili quadam erga illum beneuolentia, magis etià commoueamur, quàm nostris ipsorum. Deinde dignitatem, aut siquid aliud obtigit, uarijs rationibus attollemus: siue quòd per se sit eximia: siue quòd à multis frustra ambita: siue quòd ultro ambienti delata sit: siue quòd bonorum iudicio contigerit, non caeco fauore fortunae, Siue quòd eiusmodi principis fauore, qui non solet

Res uel magna uel parua.

nisi

nisi spectatos magnis honoribus ornare: siue quòd totum hoc quidquid est boni, nulli ferat acceptum, nisi suae ipsius industriae, ut hinc nihil laudis possit sibi fortuna vindicare. Postremò benè ominabimur, benèq; precabimur, ut quod obtigit bonis aui bus sit ipsi, amicis, ac Reipub. perpetuò faustum, ac felix. Aliquando huius epistolae modus minime congruit, ueluti cum amico gratulemur, qui domum ex itinere longinquo incolumis redijt, vel cum amico gratulemur filium natum, nisi fortè dicemus hoc Reipub. interesse, ut optimi quiq; viri, & probissimae quaeq; matronae, quàm maxime sint foecundae, quòd ex bonis ferè nascantur boni. Porro felicitatem ciuitatis non hinc pendere, si quàm plurimos habeat ciues, sed si quàm optimos.

2. Fortuna est causa per accidens in his, quae per electionem alicuius gratia fiunt. Arist. I l. physicorum. Quam stulti Deam fecerunt. Vnde Iuuen.

Sed nos te facimus fortuna deam, coeloq; locamus.

Cicero autem in parad. eam temerariam uocat, atq; caecam, cum gaudeat omnia commiscere.

#### EXEMPLVM.

ALOYS. ANT. SANCT. PERILLVSTRI  
ac reuerendiis. Ioanni Francisco Orificio Acer-  
nensium praefuli. S. P. D.

**I**NCREDIBLEM animo cepi laetiti-  
am, cum te superiorum consensu miro populi  
Acernen-

*Acernensis applausu episcopum creatum fuisse, intelligam. Gaudeo eum tibi ultro aliquando fuisse delatum honorem, quo tu te semper dignissimum praestitisti. Nec tibi tantum gratulor, qui honore isto (quamquam tuis moribus, uirtutibus, tuaeq; eruditioni debito) non multum delectaris, sed multo magis illi patriae gratulor, quae talem sit pastorem habitura, qualem antehac habuit nunquam. Gratulor tuis omnibus, et praecipue per illustribus Antonio patri, sacriq; Senatus Neapolitani Praesidi amplissimo, atq; Ioanni germano tuo, quos cum semper morum innocentia decoraris, nunc etiam honoris claritate, & muneris auctoritate in dies amplius illustrabis. Gratulor mihi ipse meum patronum amplissimis esse honoribus auctum, cuius omnes fortunas semper meas esse duxi. Sacerdotio quidem isto in his locis neq; honestius aliud, neq; utilius, neq; tuis rebus commodius contingere poterat. Quae res precor, ut primum tibi, deinde gregituo, deniq; & nobis omnibus bene vertat. Me totum quantus, quantusq; sum tibi trado, atq; committo Vale.*

A persona  
mea.

A re ipsa.

*Plura huiusce epistolae exempla inuenies in epist. fam. Cic. in lib. II. epist. Haec negotia. In eodem epist. Scra gratulatio. Eod. epist. Primum tibi, ut debeo. In III. epist. Gratulor tibi prius.*

*Eodem*

*Eodem, epist. Quasi diuinarem. In VI. epist. Gratulor tibi mi Balde. In eod., epist. Tibi gratulor. In IX. epist. Gratulor Baijs nostris. In XI. epist. Si vales bene est: ego quidem valeo. Cum Reip. uel salute. In XV. epist. Te, & pietatis in tuos, cum tribus sequentibus proximis. Apud Plinium etiã huiusmodi exempla inuenies in lib. IV. epist. Magnam cepi voluptatem. In V. epist. Concesseram in municipium. In eod., epist. Bene est mihi. In IX. epist. Magna me sollicitudine. Huic autẽ gratulationi respondebimus, ut Cicero in epist. famil. Gratulatio tua etsi mihi probatissima, quod ab optimo sit animo, tamen hoc mihi multo iucundius est, et gratius, quod in summa paucitate amicorum, propinquorum, ac necessariorum, qui verè meae saluti fuerunt, te cupidissimum mei, singularemq; mihi beneuolentiam praestitisse cognoui.*

Gratulatio  
ni quomo-  
do respon-  
debimus.

DE EPISTOLA EVCHARISTICA,  
SIVE DE GRATIARVM ACTIONE.

**G**RATIARVM actio<sup>2</sup> est, qua benemere-  
ntis officium nobis gratum fuisse declara-  
mus. In hac epistola tria praestari est necesse. Pri-  
mum laudando ab eius persona, cui gratias agi-  
mus, beneuolentiã captabimus, deinde à nostra, po-  
stremo



stremò à re ipsa. Ab eius persona, cui gratias agimus beneuolentiam captabimus, si prius videamus an fuerit rogatus, uel secus, uel nostris fuerit beneficijs lacesitus. Si fuerit rogatus, eum citius spe, atq; opinionione fecisse, aut etià plusquàm rogatus, et pollicitus fuerit, dedisse, dicemus. Eius hic praeterea in re praestanda sedulitatē, fidem, studium, laborem, industriā, operam, diligentiam, beneuolentiam, aut horum aliquid commendabimus: si eum etià dicemus nostrī causa aliquorum potentium simultatē contempsisse. Sin minus fuerit rogatus, beneficium laudando, illum non rogatum, non coactum, non debentem, uerū utrò, libenter, liberaliter, incunctanter, citò contulisse, aperiemus. Bis enim dat, qui citò dat. Si in tempore quoq; si uerius, quàm alter ausus sit petere: si nihil pro merito: sine expectanti quidem: si ab eo, cui libenter debemus. Nam optimum est, & scire quantum debeas, & debere libenter; & cui debeas, eidem plurimum uelle debere. Aut si in eum collatum est, cui magis ex animo volumus, quàm nobis ipsis. Si uerò nostris beneficijs lacesitus, & prouocatus gratiam retulerit, eum plus accepti, uel maius, uel melius, uel celerius, quàm debuerit, reddidisse demonstrabimus. Secundo principaliter est sciendum, quòd à

A persona eius, adque scribimus.

A persona nostra.

C

sitatem

A re ipsa.

sitatem nostram, aut calamitatem prae oculis quasi adducamus: et si verecundè commemorabimus, nos fortunae, uel naturae, uel animi bona sine ipso beneficio, seruare, aut retinere, aut exercere non potuisse. Vel si ijs praelati fuerimus, quibus ille ob affinitatem, cognationem, patriam, amicitiam, ordinem, studium, professionem, mores, uel ob alia huiusmodi, erat obnoxius. Tertio principaliter à re ipsa beneuolentiam captabimus, si eam magnam, insignem, incredibilem, perpetuam, opportunam, utilem, honestam, laudabilem, necessariam, iucundam, tum loco, tum tempore fuisse ostendamus, ita ut non facilè debitas ei gratias agere valeamus. Postremò si res postulet mercedè pollicebimur, siue in eadem, siue in maiore, nunquam in minore, nisi fortè aut rerum numerus, aut indignitas, aut labor beneficium augeat. Si nulla facultas referendae gratiae erit, nos ei perpetuò de uinctos fore; animū praeterea memorem pollicebimur; et nostram erga illum voluntatem optimam tacitè aperiemus: precabimurque, ut superi cumulatè benemerito gratiam referant, quod nobis obagnarum tenuitatem non licet. Si animum nequaquam ostendere possumus, nos eius beneficia simul, et laudes quouis loco, et tempore praedicaturos ostendemus. Hac epistola duobus aliquandò uti-

mur



*inur modis, rectè ut supra, & oblique, ut quando non agendo gratias, maximè gratias agamus, cum ostendamus beneficium esse maius, quàm, ut vulgari more verbis oporteat gratias agere: aut amicitiam nostram esse maiorem, quàm, ut alterum alteri oporteat gratias agere.*

## EXEMPLVM.

ALOYS. ANT. SANCT. ILLVSTRI ET  
Doctifs. Iurisconsulto Annibali Pisciotiae.

S. P. D.

**Q**UOD in lite mea te rogari non es passus, sed ultro studium tuum, operam, diligentiam, & obtulisti, & praestitisti, ueterem tuam in me, meosq; humanitatē libens agnosco. Et facis tu quidem non meis meritis, quae haecenus in te nulla extiterunt, sed tua uirtute dignū, qui nullis à me promouatus officijs, tam prompto in meis animo, ut beneficium accepisse uidearis, cum praestiteris. Quare cum tuo officio plurimum adiumenti meis rebus attuleris, tum isto animo ita delector, ut dictu sit incredibile. Verè negant referre quantum beneficium, sed quàm amico animo praestiteris. Ex eius modo potius, quàm rei officium est metiendum. Meum erit, quod referre nequeo, perpetuò meminisse. Nam

quid ego multis tibi verbis gratias agam? an hoc passurus es, qui ne moneri quidem passus es? Vinam eam mihi facultatem aliquandò concedant superi, ut possim hunc animum tui ardentissimum, repotius, quàm verbis declarare. Interea si quid erit, in quo mea vicissim opera utendum putabis, caue rogaueris, sed libenter praecipito: inuenies ad quid vis promptum, et alacrem. Vale.

Quàm plurima apud Cic. inuenies exempla in epist. famil. in lib. X. epist. Immortales ago tibi gratias. In XV. epist. Quanta et tibi curae. Apud eundem ad Atticum lib. XIII. epist. Et si libenter. Apud Plinium lib. V. epist. Accepi pulcherri-  
mos. Apud Pelitianum lib. I. epist. Tu verò Hermolae, In XI. epist. Ain' uerò. In eodem epist. Ago tibi gratias. Huic epistolae respondetur, ut per Cic. in epist. famil. lib. X. epist. Quamquam gratiarum actionem.

Gratias a-  
genti quo-  
modo res-  
pondebi-  
mus.

- a In referenda gratia, si modò Hesiodo credimus, debemus imitari agros fertiles, qui plus multò afferunt, quàm acceperunt. Etenim si in eos, quos speramus nobis profuturos, non dubitamus officia conferre, quales in eos esse debemus, qui iam profuerunt? Cic. in l. de offic. Et alibi in eodem lib. ait. Acceptorum beneficiorum sunt delectus habendi, & imprimis quo quisq; studio, uel beneuolentia fecerit, ponderandum est. Multi enim multa faciunt temeritate quadam sine iudicio, uel modo in omnes, vel repentinò quodam impetu animi, quasi vento in

citati

citati: quae beneficia aequè magna non sunt habenda, atq; ea, quae iudicio, consideratè, constanterq; delata sunt. Et idem de Claris Orat. inquit. Hesiodium illud laudatur à doctis, quòd eadem mensura reddere iubet, qua acceperis, aut etià cumulatiorè, si possis.

b Cic. lib. II. epist. famil., epist. Non dùm erat auditum.

c Beneficium est beneuola actio tribuens, captansq; gaudium, tribuendo id, quod agit D. August. de definitionibus.

## DE GENERE DELIBERATIVO.

**G**ENVS deliberatiuum graecè *συμβουλευτικόν* appellatum est, quo aliquid fieri, vel non fieri suademus. Huius generis duae sunt species<sup>a</sup> suasio. & dissuasio. Suasio<sup>b</sup> est oratio deliberatiua, qua alicui suademus aliquid fieri debere. Dissuasio est oratio deliberatiua, qua aliter ac in suasionè fieri conamur. Huic generi has species re-  
tè etià accommodari posse putauì: nempe suasio-  
riam, dissuasoriam, hortatoriam, commendati-  
tià, consolatoriam, petitoriam, conciliatoriam,  
amatoriam, monitoriam, et narratoriam: de qui-  
bus separatim, & ordine tractabimus. In hoc de  
liberatiuo genere aduertendum erit, quòd si res po-  
tulerit paucis beneuolentiam captabimus, quod  
quemadmodum fieri debet à rhetoribus satis abun-  
dè fuit praeceptum. Secundo narrationem subi-  
ciemus, in qua omnia breuiter, dilucidè, ac pro-  
babiler ad suadendum accommodabimus. Ter-  
tio

Narratio.

Divisio.

*tio si res, de qua sumus deliberaturi partes continebit, eas diuidendo proponemus. Quod si simplex erit ipsi ingenio nostro diuisionem faciemus, et rationū capita, à quibus potissimum sumus suaseri sub distributione enumerabimus. Postremo quoq; de singulis rationibus uariè, copiosèq; agemus.*

Confutatio.

*Pariter si quid nostrae uidetur obflare, atq; offere rationi, principio id statim destruemus, & confutabimus. Sed de rationum inuentione prius, postea, de earum tractatione agemus. Sumuntur autem rationes ab his potissimum partibus,*

Enumeratio partium à quibus consistet.

Partes à quibus suadetur.

*honesto, utili, tuto, iucundo, facili, & necessario. Honestum diuiditur in rectum, & laudabile. Rectum in virtutem, & officium. Virtus in prudentiam, iustitiam, fortitudinem. Prudentia in intelligentiam, memoriam, & providentiam. Iustitia in naturam, consuetudinem, & legem. Natura in religionem, pietatem, gratiam, uindicationem, obseruationem, ueritatem, pactū, par, & iudicatum. Fortitudo in patientiam magnificentiam, fidentiam, & modestiam. Honestum<sup>e</sup> est, quod propter se est expetendum, & laudandum. Rectum<sup>d</sup> est, quod cum uirtute fit, et officio. Virtus<sup>e</sup> est animi habitus rationi consentaneus. Vele<sup>e</sup> est habitus electiuus in mediocritate consistens: quoad nos ratione terminata, et ut sapiens*

Honestum

Rectum.

Virtus.

terminat

terminat. Officium est uirtutis ad unamquamque personam accommodatio. Id sumitur ab aetate, scientia, dignitate, professione, alijsque circumstantijs: ut aliud est militis, praeceptoris, discipuli, consulis, praetoris, nobilis, plebei, obscuri, senis, iuuenis, docti, indocti, uiri, foeminae, matrimonio iuncti coelibis officium, quod quidem pro loco, tempore, rerumque ratione uariatur. Prudentia<sup>1</sup> est rerum bonarum, et multarum memoria, et utrarumque scientia: uel est rerum expetendarum scientia. Memoria est, per quam animus repetit illa, quae fuerunt. Vel est signatarum rerum in mente uestigium<sup>h</sup>. Intelligentia<sup>1</sup> est, per quam ea perspicimus, quae sunt. Prouidentia est, per quam aliquid antequam factum sit, uidetur. Iustitia<sup>a</sup> est aequitas ius suum cuique tribuens. Natura ius est, quod non opinio genuit, sed quaedam innata vis inseruit. Religio est vis insita, quae superiorum metu curam, memoriamque affert. Pietas<sup>1</sup> est, per quam sanguine coniunctis, patriaeque beneuolis officium, et diligens tribuitur cultus. Gratia<sup>m</sup> est officiorum, honorum, et amicitiarum memoria, et remuneratio. Vindicatio<sup>a</sup> est, quae uim, contumeliamque defendendo, aut ulciscendo propulsat, et per quam peccata punimus. Observantia est, per quam aetate, aut sapientia

Officium.

Prudentia.

Memoria.

Intelligentia.

Prouidentia.

Iustitia.  
Natura.

Religio.

Pietas.

Gratia.

Vindicatio

- tia, aut aliqua dignitate antecedentes reueremur. Veritas<sup>o</sup> est quae breuiter & immutatè rei ueritatem, & scientiam producit. Consuetudo<sup>o</sup> est ius non scriptum, moribus, & usibus populi, vel à maiori parte ipsius, ratione initiatum, & continuatum, et introductum, habens vim legis. Pactum<sup>o</sup> est duorum, pluriumue in idem placitum, & consensus. Par est, quòd in omnes aequabile est. Iudicatum est, de quo alicuius, uel aliquorum sententijs constitutum est. Lex<sup>o</sup> est, quod uel à populo, uel ab Imperatore constitutum est: uel est civilis iniquorum directio, castigatioq; malorū, quae fortuna perpetravit<sup>r</sup>: uel est recti praeceptio, et prauidepulsio<sup>r</sup>. Fortitudo<sup>o</sup> est rerū magnarū appetitio, rerum humilium contemptio, et laboris cum utilitatis ratione perpersio. Vel est animi affectio, legi summae in perpetiendis rebus obtemperans<sup>r</sup>. Magnificētia<sup>o</sup> est rerum magnarum, et excelsarum cum animi ampla quadam, & splendida propositione agitatio, atq; administratio. Fidentia<sup>o</sup> est, per quam magnis, & honestis in rebus multum ipse animus in se fiduciae certa cum spe collocauit. Patientia est honestatis, aut utilitatis causa rerum arduarum, ac difficilium voluntaria, & diuturna perpersio. Perseuerantia<sup>o</sup> est in ratione benè considerata stabilis, & perpetua permansio.*



mansio. Temperantia<sup>a</sup> est rationis in libidinem, Temperan-  
 atq; in alios non rectos impetus animi firma, mo- tia.  
 derataq; dominatio. Continentia est, per quam Continen-  
 cupiditas consilij gubernatione regitur. Clemen- tia.  
 tia est, qua animi temerè in odium alicuius inuen- Clementia  
 tionis concitati comitate retinetur. Modestia<sup>b</sup> Modestia,  
 est, per quam pudor honestus claram, & stabile  
 comparat auctoritatem. Haec sunt, quae hone-  
 sta uocantur, propter se expetenda: his uerò con-  
 traria turpia sunt, & se propter euitanda. Cae-  
 terum cum virtutibus proxima sint vitia, quidli-  
 bet uel ad laudem, uel ad vituperationem re-  
 trahere minimè difficultas erit: Idq; uel à nomi-  
 nis deprauatione, uel ab aliqua circumstantia-  
 rum. De his autem (quoniam praepositae inser-  
 uendum est breuitati) luculenter à rhetoribus est  
 pertractatum. Laudabile est, quod conficit hone- Laudabile.  
 stam, & praesentem, et sequentem commemora-  
 tionem, idq; ex officio, et uirtute nascitur, neq; un-  
 quàm ab honesto separatur. Utilitas in conserva-  
 tione praesentium, & comparatione sequentium  
 commodorum, & in eorum, quae his sunt contra-  
 ria, euitatione consistit. Commodorum autem, Bona cor-  
 quae bona dicuntur, alia sunt corporis, ut forma, poris.  
 uelocitas, vires, dignitas in viro, uenustas in mu-  
 liere, valetudo, et quae his sunt contraria: Alia

Bona ani-  
mi.

*verò sunt animi, ut docilitas, celebritas ingenij, memoria felix, bonitas naturae, et indolis: Quaedam fortunae, ut honores, magistratus, opes, amici, & huiusmodi. Horum ut quicq; tractandum sit, ne sim prolixior à rhetoribus peti iubebo.*

a Cic. lib. I. ad Heren.

b Idem in I. de inuentione: & interpres Aristotelis in rhet. ad Alexandrum.

c Cic. in II., & III. de finib., & Archidiaconus in c. erit autem lex. IV. distinct.

d Idem in III. ad Heren.

e Idem: & Aristot. lib. II. ethyco.

f Idem Cic. in III. ad Heren., & in II. de inuent. Et Socrates nullam uirtutem absq; prudentia esse dicebat: & rectè, ut colligit Arist. lib. ethyco. VI. & quid differat à scientia, & sapientia vide Bartholum in trac. testimon. num. LXIX.

g Idem Cic. in I. de offic.

h Idem in II. de inuent., & in I. ad Heren., & Tuscul.

i Idem in II. ad Heren.

k L. antepen. ff. de iust., & iure., & Cic. in I. de offic. in cap. de iustitia.

l Idem pro Plancio, & in II. de Orat. inquit. Pietati summa tribuenda laus est. & in II. de Leg., & Deo. I. ait. Pietas grata est Deo.

m Idem in II. de inuent. in constitutione negotiali.

n Idem ibidem.

o Veritas quotuplex sit. vide Napoda. in prohem. consuet. Neapolit.

p L. de quibus, ubi Bar. de leg., & §. sine scripto in inst. de iu. nat., gent., & Ci.

q I. I. ff. de pactis.

(ponit.

r C. lex. II. distin., & Cic. lib. I. de leg. aliam definitionem

*Aphibo-*



f Aphthonius de communibus locis.

t Cic. de natu. Deorum.

u Idem in III. ad Heren.

x Idem in IV. Tuscul. ponit complures alias definitiones.

y Idem in II. de inuent.

z Idem in II. ad Heren., & II. de inuent.

a Idem in I. de finibus.

b Idem in II. ad Heren.

# DE EPIST. SVASORIA, ET DISSVASORIA.

**S**VASORIA epistola est, qua aliquid ali-  
cui persuademus. In hac quinque sunt adhi-  
benda. Primo à nostra persona beneuolentiam  
captando exordium sumemus, (quamuis non om-  
nino semper hoc sit exordium necessarium) si osten-  
demus quàm in ceteris rebus nostrum sit studium  
perspectum, & quàm benè ipsi cupiamus. Secun-  
do rem, de qua agendū erit honorificè proponemus,  
eamue omni ex parte laudabimus: aut si dissuade-  
bimus, vituperabimus. Si suadebimus, utilita-  
tem, honestatem, gloriamq;: si dissuadebimus, de-  
trimenta, turpitudinem, atq; ignominiam cum  
exemplis proferemus. Tertio si qua nostrae propo-  
sitioni, aut argumentis contraria uidebuntur, per  
confutationem destruemus. Quarto illum, cui per-  
suadere conamur, ad eam rem incitando inflam-  
mabimus, uel ab ea deterrendo auertemus. Po-  
stremò, si opus esse uidebimus, preces etiàm no-

A persona  
nostra.

A re ipsa.

*stras in utramq; partem interponemus: & quàm grata nobis ea res futura sit, omni ex parte declarabimus.*

# EXEMPLVM.

ALOYS. ANT. SANCT. PERILLVSTRI

Vincentio Caracciolo à Villamayna Equiti, Ma  
ieltatisq; catholicae militi strenuo.

S. P. D.

**A**VDIO Eques amplissime, tecum inire  
rationem, cui nam studiorum generi Vin  
centium nepotem tuum, velis tradere. Tu  
si meum consilium admittes, suadeo, ut ani  
mum illius ad iuris ciuilis scientiam adiungas.  
Iuris enim cognitio reliquis disciplinis antiqui  
or, magisq; humano generi necessaria est: Per  
scientiam namq; iuris illustratur mundus, & ad  
obediendum Deo, & ministris vita subiecto  
rum dirigitur. Quae namq; ars, scientiae iu  
risperitiae nedum praeferrri, sed comparari po  
test<sup>b</sup>? Quae quàm primum homo hanc lucem  
aspexit, à Deo Opt. Max. sumpsit exordium,  
cum praecepit Adam<sup>c</sup> ex omni ligno paradisi co  
mede, de ligno autem scientiae boni, & mali ne  
comedas: quo enim die comederis, ex eo morte

morieris<sup>d</sup>. Et ut à summo opifice<sup>e</sup> originem pri-  
 mum habuere, sic deinde à praeclarissimis he-  
 roibus iura sunt constituta: Moyses<sup>f</sup> namq;  
 à Deo leges acceptas inter Hebraeos primus pro-  
 mulgavit, Mercurius Trimegistus Egiptijs, Mi-  
 nos Cretensibus, Phoroneus Graecis, Solon<sup>g</sup> A-  
 theniensibus, Lycurgus Lacedemonijs, Numa  
 Pompilius Romanis leges tulerunt. Quae cum  
 immenso essent acervatae cumulo, & earum  
 quàmplurimae abrogatae, exoletae, contrariae,  
 eadem, confusaeq; extarent, Lutius Crassus sum-  
 mae eloquentiae uir prius, post hunc Iulius Cae-  
 sar dictator illas in certa genera, rectumq; ordi-  
 nem redigere, atq; ex immensa, diffusaq; copia,  
 optimas quasq; & necessarias in paucissimos con-  
 ferre libros destinarant: quod cum morte prae-  
 uenti, aliq; posteriores principes incuria, igna-  
 uiaq; executi non essent, Iustinianus<sup>h</sup> Augustis-  
 simus uniuerso Orbi leges omnes composuit, &  
 promulgavit. Quibus uiris nulli unquam nec  
 clariores, nec melius de humano genere meriti  
 extiterunt. Quis enim (cedo) uictus esset, si sine le-  
 gibus vitam degeremus. Nonne semper iniuriam  
 à potentioribus pati esset necesse? Quis domum<sup>i</sup>,  
 quis fortunas, quis uxorem<sup>k</sup>, quis liberos, quis pu-  
 dicitiam, quis libertatem<sup>l</sup>, quis uitam deniq; nostram  
 aduer-

aduersus potentiorum vim tueretur, ac defenderet, si legum firmissimo essemus praesidio destituti? Nonne bellarum uitae similis uita nostra amotis legibus esset? Quis igitur non summis extollat laudibus legum scientiam? per quam sancitum est, ut potentiores ab alienis manus abstineant, infirmi, & imbecilles unà cum uxore, & liberis, quietam domi uitam agere, bonisq; suo labore partis sine ullo metu securè frui possint. Quarum item beneficio factum est, ut plurimum inter belluam, et hominem intersit: Leges enim nos, plus Deo<sup>m</sup>, quàm hominibus deferre debere; et qua pietate eundem omnium auctorem, opificem, ac dominum colere debeamus, docent. Leges haereticos<sup>m</sup> malè de Deo sentientes poenis grauissimis persequuntur: Leges quid & quantum patriae<sup>o</sup>, quae nos genuit, et aluit praestandum à nobis sit, demonstrant: improbos<sup>p</sup>, ac perditos ciues à ciuitate expellunt, fortunis, uitaq; puniunt. Leges admonent filios, ut parentibus<sup>p</sup> parens gratiam referre studeant, eos colant, alant, & per totam uitam obsequantur. Leges magistratus<sup>p</sup>, quo studio bonos tueri, malos persequi debeant, edocent. Leges commonefaciunt subiectos<sup>p</sup>, ut principis dicto sint audientes, et aduersus illum coniurare, erigereq; se audientes, & in contumaces grauiter animaduertunt.

tunt. Leges pupillis<sup>a</sup>, minoribus, furiosis, qui parentum auxilio sunt destituti, tutores, curatoresq; constituunt. Leges effrenem malorum<sup>a</sup> libidinem grauissimis coercent poenis. Leges ritè iungunt nuptias<sup>a</sup>, recteq; iunctas illibatas sanctè custodiunt. Leges eos, qui alterius vitæ ferro<sup>a</sup>, uel ueneno<sup>a</sup> insidias struunt, qui famam bonorum famosis<sup>a</sup> libellis lacerant, fures<sup>b</sup>, foeneratores<sup>c</sup>, impostores ita puniunt, ut poenarum metu, uel inuiti desistant. Leges deniq; quemadmodum suborta controuersia quid ad unumquemq; perineat, diiudicare possimus, suumq; lata sententia singulis reddere valeamus, nos praeclarè instruunt. Laudant alij philosophiam<sup>a</sup>, & iure laudant, iracundiam enim temperat, libidinem sedat, auaritiam coercet, ceteros animi impetus indomitos, & effrenatos reprimat, rationiq; uel inuitos, & repugnantes obtemperare cogit. Nos laudemus iuris scientiam, quod probè efficit omnia. quae philosophi moliantur. Tria enim illa nostra iuris praecepta<sup>c</sup>, honestè uiuas, alterum non laedas, suum unicuiq; tribuas, omnium philosophorum libros complectuntur: Nihil namq; aliud agunt nihil fludent philosophi, nisi ut honestè uiuamus ab inferenda alijs iniuria abstineamus, suumq; singulis concedamus. Sed commune hoc legum lateri,

Et philosophorum votum, multò facilius, multoq;  
 commodius ad optatum exitum leges quàm phi-  
 losophorum praecepta perducunt. Cum enim duo  
 sint hominum genera probi, Et improbi, ratione  
 tantum probos permonet philosophia: At iuris  
 scientia, Et improbos compescit, Et utrosq; rectè  
 viuere compellit: bonos ad benè agendum, Et spe-  
 cierecti, et praemiorum spe incitans, malos à sce-  
 lestis operibus poenarum metu deterrens. Nec  
 solum plurimi est facienda legum scientia quòd  
 unà cum homine nata est, quòd à Deo orta, et ab eo  
 per manus summis uiris tradita, quòd hominū ge-  
 neri prae alijs omnibus necessaria: uerum etiam,  
 quòd apprimè est sui cultoribus utilis: diuitias, opes,  
 amicorum copias comparare, honores amplissimos  
 consequi, omnes ferè homines cupiunt; praecle-  
 rum est enim à multis amari. Et coli, rebus ad vi-  
 tam sustinendā necessarijs abundare: unde De-  
 mosthenes διὰ τὴν ἐν οὐρανῷ ἀεικλίαν, καὶ ἀνθρώπων ὁμιλίαν  
 λέγει τὸν ἀνθρώπου γυμνασίαν. Haec si ulla unquam  
 scientia tribuit, haec nostra cum alias semper, tum  
 hac nostra praesertim tempestate praebet. Haec  
 Sulpitio, Capitoni, Iuliano summas diuitias, in-  
 gentes amicorum copias, maximos apud veteres  
 honores est elargita: Haec Aemilio, Papiniano  
 iuueni admodum praetoriam praefecturam con-  
 cessit:



cessit: Haec Didium Iulianum ad Urbis, et Orbis euexit imperium: Haec deniq, ut alios omit-  
tam Iulium III., Pium IV., & Gregorium  
XIII. ad pontificatum extulit maximum, quo  
nihil maius mortalibus dari in terris potest. Lof-  
fredos, Pignones, Spinellos, Annibalem patrem  
tuum, Bartholomeum de Capua, Fab. Iordanum  
Ioannem Carolum Gallum, Camillum de Me-  
dicis, P. Paul. Theodorum sacri senatus Neap.  
Consiliarium, Fabium, ac Horatium Marchesios,  
aliosq, Parthenopeos iurisconsultos, omitto. Sum-  
ma igitur huius scientiae dignitas, ingens utilitas,  
amplissima praemia, honor, et gloria his, qui in  
ea excellunt, eam omnes complecti debent. Quod  
si huic iuris civilis studio, quo nihil (ut dixi) est  
honestius, utilius, facilius, iucundius, sine quo<sup>a</sup> ter-  
rarum Orbis regi non potest, & illustri nepoti tuo  
magis deniq, necessarium, non inhaerebis, Coroebi  
(quod aiunt) maior erit stultitia<sup>b</sup> Vale.  
Aliud epistolae suasoriae exemplū uide apud Cici  
in lib. VII. epist. famil. Exanimatus sum. Dissua-  
soriae uero exemplū uide apud eundē in VII. Philip.

Conclusio.

a Notatur in c. super specula de magis., C. cū ex eo de  
cler. in VI., Abbas in c. licet nobis de praeben.

b Ex Manolesso.

c Adam homo, siue terrenus interpretatur, ex terra enim



quid ego multis tibi verbis gratias agam? an hoc passurus es, qui ne moneri quidem passus es? Utinam eam mihi facultatem aliquandò concedant superi, ut possim hunc animum tui ardentissimum, repotius, quàm verbis declarare. Interea si quiderit, in quo mea vicissim opera utendum putabis, caue rogaueris, sed libenter praecipito: inuenies ad quid vis promptum, et alacrem. Vale.

Quàm plurima apud Cic. inuenies exempla in epist. famil. in lib. X. epist. Immortales ago tibi gratias. In XV. epist. Quanta et tibi curae. Apud eundem ad Atticum lib. XIII. epist. Et si libenter. Apud Plinium lib. V. epist. Accepi pulcherri- mos. Apud Politianum lib. I. epist. Tu verò Hermolae. In XI. epist. Ain' uerò. In eodem epist. Ago tibi gratias. Huic epistolae respondetur, ut per Cic. in epist. famil. lib. X. epist. Quamquàm gratiarum actionem.

Gratias a-  
genti quo-  
modo res-  
pondebi-  
mus.

- 2 In referenda gratia, si modò Hesiodo credimus, debemus imitari agros fertiles, qui plus multò afferunt, quàm acceperunt. Etenim si in eos, quos speramus nobis profuturos, non dubitamus officia conferre, quales in eos esse debemus, qui iam profuerunt? Cic. in I. de offic. Et alibi in eodem lib. ait. Acceptorum beneficiorum sunt delectus habendi, & imprimis quo quisq; studio, uel beneuolentia fecerit, ponderandum est. Multi enim multa faciunt temeritate quadam sine iudicio, uel modo in omnes, vel repentino quodam impetu animi, quasi vento in  
citati

citati: quae beneficia aequè magna non sunt habenda, atq; ea, quae iudicio, consideratè, constanterq; delata sunt. Et idem de Clariis Orat. inquit. Hesiodium illud laudatur à doctis, quòd eadem mensura reddere iubet, qua acceperis, aut etiàm cumulatiorè, si possis.

- b Cic. lib. II. epist. famil., epist. Non dùm erat auditum.  
c Beneficium est beneuola actio tribuens, captrantq; gaudium, tribuendo id, quod agit D. August. de definitionibus.

## DE GENERE DELIBERATIVO.

**G**ENVS deliberatiuum graecè *αἰματιτικόν* appellatum est, quo aliquid fieri, vel non fieri suademus. Huius generis duae sunt species<sup>a</sup> suasio, & dissuasio. Suasio<sup>b</sup> est oratio deliberatiua, qua alicui suademus aliquid fieri debere. Dissuasio est oratio deliberatiua, qua aliter ac in suasionè fieri conamur. Huic generi has species re-  
tè etiàm accommodari posse putauì: nempe suasio-  
riam, dissuasoriam, hortatoriam, commendati-  
tiã, consolatoriam, petitoriam, conciliatoriam,  
amatoriam, monitoriam, et narratoriam: de qui-  
bus separatim, & ordine tractabimus. In hoc de  
liberatiuo genere aduertendum erit, quòd si res po-  
stulabit paucis beneuolentiam captabimus, quod  
quemadmodum fieri debet à rhetoribus satis abun-  
dè fuit praeceptum. Secundo narrationem subij-  
ciemus, in qua omnia breuiter, dilucidè, ac pro-  
babiliter ad suadendum accommodabimus. Ter-  
tio

Narratio.

Diuisio.

Confutatio.

Enumeratio partium à quibus consistet.

Partes à quibus sua detur.

Honestum

Rectum.

Virtus.

tio si res, de qua sumus deliberaturi partes continebit, eas diuidendo proponemus. Quòd si simplex erit ipsi ingenio nostro diuisionem faciemus, et rationum capita, à quibus potissimum sumus suaseri sub distributione enumerabimus. Postremo quoque de singulis rationibus uariè, copiosèq; agemus. Pariter si quid nostrae uidetur obflare, atque officere rationi, principio id statim destruemus, et confutabimus. Sed de rationum inuentione prius, postea, de earum tractatione agemus. Sumuntur autem rationes ab his potissimum partibus, honesto, utili, tuto, iucundo, facili, et necessario. Honestum diuiditur in rectum, et laudabile. Rectum in virtutem, et officium. Virtus in prudentiam, iustitiam, fortitudinem. Prudentia in intelligentiam, memoriam, et prouidentiam. Iustitia in naturam, consuetudinem, et legem. Natura in religionem, pietatem, gratiam, uindicationem, obseruationem, ueritatem, pactum, par, et iudicatum. Fortitudo in patientiam magnificentiam, fidentiam, et modestiam. Honestum est, quod propter se est expetendum, et laudandum. Rectum est, quod cum uirtute fit, et officio. Virtus est animi habitus rationi consentaneus. Vel est habitus electiuus in mediocritate consistens: quoad nos ratione terminata, et ut sapiens terminat

terminat. Officium est uirtutis ad unamquamque personam accommodatio. Id sumitur ab aetate, scientia, dignitate, professione, alijsque circumstantijs: ut aliud est militis, praeceptoris, discipuli, consulis, praetoris, nobilis, plebei, obscuro, senis, uenis, docti, indocti, uiri, foeminae, matrimonio iuncti coelibis officium, quod quidem pro loco, tempore, rerumque ratione uariatur. Prudentia<sup>1</sup> est rerum bonarum, et multarum memoria, et utrarumque scientia: uel est rerum expetendarum scientia. Memoria est, per quam animus repetit illa, quae fuerunt. Vel est signatarum rerum in mente ueligiū<sup>n</sup>. Intelligentia<sup>1</sup> est, per quam ea perspicimus, quae sunt. Prouidentia est, per quam aliquid antequam factum sit, uidetur. Iustitia<sup>n</sup> est aequitas ius suum cuique tribuens. Natura ius est, quod non opinio genuit, sed quaedam innata vis inseruit. Religio est vis insita, quae superiorum metu curam, memoriamque affert. Pietas<sup>1</sup> est, per quam sanguine coniunctis, patriaeque beneuolis officium, et diligens tribuitur cultus. Gratia<sup>n</sup> est officiorum, honorum, et amicitiarum memoria, et remuneratio. Vindicatio<sup>n</sup> est, quae uim, contumeliamque defendendo, aut ulciscendo propulsat, et per quam peccata punimus. Observantia est, per quam aetate, aut sapientia

Officium.

Prudentia.

Memoria.

Intelligentia.

Prouidentia.

Iustitia.  
Natura.

Religio.

Pietas.

Gratia.

Vindicatio

tia

- tia, aut aliqua dignitate antecedentes reueremur.*  
*Veritas<sup>o</sup> est quae breuiter, & immutatè rei ue-*  
*ritatem, & scientiam producit. Consuetudo<sup>o</sup> est*  
*ius non scriptum, moribus, & vsibus populi, vel*  
*à maiori parte ipsius, ratione initiatum, & con-*  
*tinuatum, et introductum, habens vim legis. Pac-*  
*tum<sup>o</sup> est duorum, pluriumue in idem placitum,*  
*& consensus. Par est, quòd in omnes aequabile*  
*est. Iudicatum est, de quo alicuius, uel aliquo-*  
*rum sententijs constitutum est. Lex<sup>o</sup> est, quod uel*  
*à populo, uel ab Imperatore constitutum est: uel*  
*est ciuilis iniquorum directio, castigatioq; malorū,*  
*quae fortuna perpetravit: uel est recti praece-*  
*ptio, et prauis depulsio<sup>o</sup>. Fortitudo<sup>o</sup> est rerū magna-*  
*rū appetitio, rerum humilium contemptio, et labo-*  
*ris cum utilitatis ratione perceptio. Vel est animi*  
*affectio, legi summae in perpetiendis rebus obtempe-*  
*rans<sup>o</sup>. Magnificencia<sup>o</sup> est rerum magnarum, et*  
*excelsarum cum animi ampla quadam, & splen-*  
*dida propositioe agitatio, atq; administratio. Fi-*  
*dentia<sup>o</sup> est, per quam magnis, & honestis in rebus*  
*multum ipse animus in se fiduciae certa cum spe col-*  
*locauit. Patientia est honestatis, aut utilitatis*  
*caussa rerum arduarum, ac difficultum voluntaria,*  
*& diuturna perceptio. Perseuerantia<sup>o</sup> est in*  
*ratione benè considerata stabilis, & perpetua per-*  
*mansio.*

mansio. *Temperantia*<sup>a</sup> est rationis in libidinem, Temperan-  
 atq; in alios non rectos impetus animi firma, mo- tia.  
 derataq; dominatio. *Continentia* est, per quam Continen-  
 cupiditas consilij gubernatione regitur. *Clemen- tia.*  
 tia est, qua animi temerè in odium alicuius inuen- Clementia  
 tionis concitati comitate retinetur. *Modestia*<sup>b</sup> Modestia.  
 est, per quam pudor honestus claram, & stabile  
 comparat auctoritatem. Haec sunt, quae hone-  
 sta uocantur, propter se expetenda: his uerò con-  
 traria turpia sunt, & se propter euitanda. Cae-  
 terum cum virtutibus proxima sint vitia, quidli-  
 bet uel ad laudem, uel ad uituperationem re-  
 trahere minimè difficultas erit: Idq; uel à nomi-  
 nis deprauatione, uel ab aliqua circumstantia-  
 rum. De his autem (quoniam praepositae inser-  
 uiendum est breuitati) luculenter à rhetoribus est  
 pertractatum. *Laudabile* est, quod conficit hone-  
 stam, & praesentem, et sequentem commemora-  
 tionem, idq; ex officio, et uirtute nascitur, neq; un-  
 quam ab honesto separatur. *Utile.* *Utilitas* in conserua-  
 tione praesentium, & comparatione sequentium  
 commodorum, & in eorum, quae his sunt contra-  
 ria, euitatione consistit. *Commodorum* autem, Bona cor-  
 quae bona dicuntur, alia sunt corporis, ut forma, poris.  
 uelocitas, vires, dignitas in viro, uenusitas in mu-  
 liere, valetudo, et quae his sunt contraria: Alia



- f Aphthonius de communibus locis.  
 t Cic. de natu. Deorum.  
 u Idem in III. ad Heren.  
 x Idem in IV. Tuscul. ponit complures alias definitiones.  
 y Idem in II. de inuent.  
 z Idem in II. ad Heren., & II. de inuent.  
 a Idem in I. de finibus.  
 b Idem in II. ad Heren.

## DE EPIST. SVASORIA, ET DISSVASORIA.

**S**VASORIA epistola est, qua aliquid ali-  
 cui persuademus. In hac quinque sunt adhi-  
 benda. Primo à nostra persona benevolentiam  
 captando exordium sumemus, (quamvis non om-  
 nino semper hoc sit exordium necessarium) si osten-  
 demus quàm in ceteris rebus nostrum sit studium  
 perspectum, & quàm benè ipsi cupiamus. Secun-  
 do rem, de qua agendū erit honorificè proponemus,  
 eamue omni ex parte laudabimus: aut si dissuade-  
 bimus, vituperabimus. Si suadebimus, utilita-  
 tem, honestatem, gloriamq;: si dissuadebimus, de-  
 trimenta, turpitudinem, atq; ignominiam cum  
 exemplis proferemus. Tertio si qua nostrae propo-  
 sitioni, aut argumentis contraria videbuntur, per  
 confutationem destruemus. Quarto illum, cui per-  
 suadere conamur, ad eam rem incitando inflam-  
 mabimus, uel ab ea deterrendo auertemus. Po-  
 stre mò, si opus esse videbimus, preces etiam no-  
 stras

A persona  
nostra.

A re ipsa.



*stras in utramq; partem interponemus: & quàm grata nobis ea res futura sit, omni ex parte declarabimus.*

# EXEMPLVM.

ALOYS. ANT. SANCT. PERILLVSTRI

Vincentio Caracciolo à Villamayna Equiti, Ma  
ieltatisq; catholicae militi strenuo.

S. P. D.

**A**VDIO Eques amplissime, tecum inire  
rationem, cui nam studiorum generi Vin  
centium nepotem tuum, velis tradere. Tu  
si meum consilium admittes, suadeo, ut ani  
mum illius ad iuris ciuilis scientiam adiungas.  
Iuris enim cognitio reliquis disciplinis antiqui  
or, magisq; humano generi necessaria est: Per  
scientiam namq; iuris illustratur mundus, & ad  
obediendum Deo, & ministris vita subiecto  
rum dirigitur. Quae namq; ars, scientiae iu  
risperitiae nedum praeferrì, sed comparari po  
test<sup>b</sup>? Quae quàm primum homo hanc lucem  
aspexit, à Deo Opt. Max. sumpsit exordium,  
cum praecepit Adam<sup>c</sup> ex omni ligno paradisi co  
mede, de ligno autem scientiae boni, & mali ne  
comedas: quo enim die comederis, ex eo morte

morieris<sup>d</sup>. Et ut à summo opifice<sup>e</sup> originem pri-  
 mum habuere, sic deinde à praeclarissimis he-  
 roibus iura sunt constituta: Moyses<sup>f</sup> namq;  
 à Deo leges acceptas inter Hebraeos primus pro-  
 mulgavit, Mercurius Trimegistus Egiptijs, Mi-  
 nos Cretensis, Phoroneus Graecis, Solon<sup>g</sup> A-  
 theniensibus, Lycurgus Lacedemonijs, Numa  
 Pompilius Romanis leges tulerunt. Quae cum  
 immenso essent acervatae cumulo, & earum  
 quàmplurimae abrogatae, exoletae, contrariae,  
 eadem, confusaeq; extarent, Lulius Crassus sum-  
 mae eloquentiae uir prius, post hunc Iulius Cae-  
 sar dictator illas in certa genera, rectumq; ordi-  
 nem redigere, atq; ex immensa, diffusaq; copia,  
 optimas quasq; & necessarias in paucissimos con-  
 ferre libros destinarant: quod cum morte prae-  
 uenti, aliq; posteriores principes incuria, igna-  
 uiaq; executi non essent, Iustinianus<sup>h</sup> Augustis-  
 simus uniuerso Orbi leges omnes composuit, &  
 promulgavit. Quibus uiris nulli unquam nec  
 clariores, nec melius de humano genere meriti  
 extiterunt. Quis enim (cedo) uictus esset, si sine le-  
 gibus vitam degeremus. Nonne semper iniuriam  
 à potentioribus pati esset necesse? Quis domum<sup>i</sup>,  
 quis fortunas, quis uxorem<sup>k</sup>, quis liberos, quis pu-  
 dicitiam, quis libertatem<sup>l</sup>, quis uitam deniq; nostram  
 aduer-

aduersus potentiorum vim tueretur, ac defenderet, si legum firmissimo essemus praesidio destituti? Nonne bellarum uitae similis uita nostra amotis legibus esset? Quis igitur non summis extollat laudibus legum scientiam? per quam sancitum est, ut potentiores ab alienis manus abstineant, infirmi, & imbecilles unà cum uxore, & liberis, quietam domi uitam agere, bonisq; suo labore partis sine ullo metu securè frui possint. Quarum item beneficio factum est, ut plurimum inter belluam, et hominem intersit: Leges enim nos, plus Deo<sup>m</sup>, quàm hominibus deferre debere; et qua pietate eundem omnium auctorem, opificem, ac dominum colere debeamus, docent. Leges haereticos<sup>m</sup> malè de Deo sentientes poenis grauissimis persequuntur: Leges quid & quantum patriae<sup>o</sup>, quae nos genuit, et aluit praestandum à nobis sit, demonstrant: improbos<sup>o</sup>, ac perditos ciues à ciuitate expellunt, fortunis, uitaeq; puniunt. Leges admonent filios, ut parentibus<sup>o</sup> parem gratiam referre studeant, eos colant, alant, & per totam uitam obsequantur. Leges magistratus<sup>o</sup>, quo studio bonos tueri, malos persequi debeant, edocent. Leges commonefaciunt subiectos<sup>o</sup>, ut principis dicto sint audientes, et aduersus illum coniurare, engereq; se audentes, & in contumaces grauer animaduertunt.

tunt. Leges pupillis<sup>a</sup>, minoribus, furiosis, qui parentum auxilio sunt destituti, tutores, curatoresq; constituunt. Leges effrenem malorum<sup>b</sup> libidinem grauissimis coercent poenis. Leges ritè iungunt nuptias<sup>c</sup>, recteq; iunctas illibatas sanctè custodiunt. Leges eos, qui alterius vitae ferro<sup>d</sup>, uel ueneno<sup>e</sup> insidias struunt, qui famam bonorum famosis<sup>f</sup> libellis lacerant, fures<sup>g</sup>, foeneratores<sup>h</sup>, impostores ita puniunt, ut poenarum metu, uel inuiti desistant. Leges deniq; quemadmodum suborta controuersia quid ad unumquemq; perineat, diiudicare possimus, suumq; lata sententia singulis reddere valeamus, nos praeclarè instruunt. Laudant alij philosophiam<sup>i</sup>, & iure laudant, iracundiam enim temperat, libidinem sedat, auaritiam coercet, ceteros animi impetus indomitos, & effrenatos reprimit, rationiq; uel inuitos, & repugnantes obtemperare cogit. Nos laudemus iuris scientiam, quòd probè efficit omnia, quae philosophi moliuntur. Tria enim illa nostra iuris praecepta<sup>k</sup>, honestè uiuas, alterum non laedas, suum unicuiq; tribuas omnium philosophorum libros complectuntur: Nihil namq; aliud agunt, nihil student philosophi, nisi ut honestè uiuamus ab inferenda alijs iniuria abstineamus, suumq; singulis concedamus. Sed commune hoc legum latè u,

Et philosophorum votum, multò facilius, multoq;  
 commodius ad optatum exitum leges. quàm phi-  
 losophorum praecepta perducunt. Cum enim duo  
 sint hominum genera probi, Et improbi, ratione  
 tantum probos permouet philosophia: At iuris  
 scientia, Et improbos compescit, Et utrosq; rectè  
 viuere compellit: bonos ad benè agendum, Et spe-  
 ciere recti, et praemiorum spe incitans, malos à sce-  
 lestis operibus poenarum metu deterrens. Nec  
 solum plurimi est facienda legum scientia quod  
 unà cum homine nata est, quod à Deo orta, et ab eo  
 per manus summis uiris tradita, quod hominū ge-  
 neri prae alijs omnibus necessaria: uerum etiam,  
 quod apprimè est sui cultoribus utilis: diuitias, opes,  
 amicorum copias comparare, honores amplissimos  
 consequi, omnes ferè homines cupiunt; praecela-  
 rum est enim à multis amari. Et coli, rebus ad vi-  
 tam sustinendā necessarijs abundare: unde De-  
 mosthenes οὐδὲν inquit χρημᾶτος, καὶ αὐτῶν τῶν  
 ἐστὶ τῶν δευτέρων γινώσκει. Haec si ulla unquam  
 scientia tribuit, haec nostra cum alias semper, tum  
 hac nostra praesertim tempestate praebet. Haec  
 Sulpitio, Capitori, Iuliano summas diuitias, in-  
 gentes amicorum copias, maximos apud veteres  
 honores est elargita: Haec Aemilio, Papiniano  
 iuueni admodum praetoriam praefecturam con-  
 cessit:

cessit: Haec Didium Iulianum ad Urbis, et Orbis euenit imperium: Haec deniq, ut alios omit-  
tam Iulium III., Pium IV., & Gregorium  
XIII. ad pontificatum extulit maximum, quo  
nihil maius mortalibus dari in terris potest. Lof-  
fredos, Pignones, Spinellos, Annibalem patrem  
tuum, Bartholomeum de Capua, Fab. Iordanum  
Ioannem Carolum Gallum, Camillum de Me-  
dicis, P. Paul. Theodorum sacri senatus Neap.  
Consiliarium, Fabium, ac Horatium Marchesios,  
aliosq, Parthenopeos iurisconsultos, emitto. Sum-  
ma igitur huius scientiae dignitas, ingens utilitas;  
amplissima praemia, honor, et gloria his, qui in  
ea excellunt, eam omnes complecti debent. Quod  
si huic iuris civilis studio, quo nihil (ut dixi) est  
bonestius, utilius, facilius, iucundius, sine quo<sup>a</sup> ter-  
rarum Orbis regi non potest, & illustri nepoti tuo  
magis deniq, necessarium, non inhaerebis, Coroebi  
(quod aiunt) maior erit stultitia<sup>b</sup> Vale.  
Aliud epistolae suasoriae exemplū uide apud Cic.  
in lib. VII. epist. famil. Exanimatus sum. Dissua-  
soriae uerò exemplū uide apud eundē in VI. Philip.

Conclusio

a Notatur in c. super specula de magis., C. cum ex eo de  
cler. in VI., Abbas in c. licet nobis de praeben.

b Ex Manolesso.

c Adam homo, siue terrenus interpretatur, ex terra enim



facta est caro. Vnde & Lactantius lib. II. cap. IX. ait.  
Deus hominem figurauit ex limo terrae, vnde homo nuncupatus est, quod sit factus ex humo.

d Genesis cap. II.

e Lex Dei inuentio, & c. Demosthenes (quem retulit Martianus in l. II. ff. de leg.) in Aristoginem, oratione priorē, τὰς inquit, εἰς τὸ μὴ εὐρησθαι καὶ καὶ δῶρα βίαν δὲ μάδο  
εἰρημὴν ἀνδρῶν & c. id est. Omnis lex inuentū, ac munus Deorum est, Decretum prudentium hominū. Cic. Philip. X. Lex, inquit, nihil aliud est, nisi recta, & à numine Deorum tracta ratio, imperans honesta, prohibensq; contraria. Idem in l. de legibus, lex, inquit, est ratio summa insita à natura, quae iubet ea, quae facienda sunt, prohibetq; contraria. Et lex duodecim tabularum trecentesimo anno post Urbē conditā lata est. Gell. lib. XX. cap. I.

f C. forus de verb. signif., & c. Moyses VII. distin.

g Solon quod primus Atheniensibus leges tulerit, vide etiā Iustinum in lib. II. histor.

h C. de nouo Codice faci. in prin.

i Domus qualis cuiusq; esse debeat, docet Cic. in l. de offic.

k Vxor vna caro est cum marito, glo. in l. Quia parentis ff. solu. matri.

l Libertas est naturalis facultas eius, quod cuiq; facere libet, nisi quod vi, aut iure prohibetur. §. I. in Inst. de iure persō.

m C. relatum de senten. excom., c. si dominus, c. resistit, c. Imperatores, c. Iulianus, & c. is, qui praeest XI. q. I. l. I.

n Toro titulo de Haeret., & mani.

o L. II. vbi Bar. ff. de Iust., & iure.

p In auth. de lenonibus.

q Exod. cap. XX. Vbi Deus Opt. Max. promulgata lege pollicetur longā vitam, atq; coelestē benedictionem ijs, qui parentes amore, beneficijsq; fuerint prosecuti. Quod idem docet Ecclesiast. cap. III. ibi. Qui honorat patrem suum, iucundabitur in filijs, & in die orationis suae exaudietur. Qui honorat patrem suum, vita viuet longiore, & qui obe-

dit



dit patri refrigerabit matrem. Qui timet dominum, honorat parentes, & quasi dominis seruiet his, qui se genuerūt. Et vt ait Aristot. I X. Parentibus, ac magistris non potest aequiualens reddi. Plato lib. I V. de legibus. & Quintil. meminit in lib. V I I. cap. V I I. Vide l. si quis à liberis ff. de lib. agnos., l. I. C. de alen. lib.: & l. si. §. ipsum autem C. de bon. quac. lib.

r §. deinde, & §. non permittas in auth. de mand. prin.

f l. quisquis C. ad l. Iul. Maiest.

t l. I. ff. de minor. in Inst. de tute., & in S. furiosi. de curat.

u l. I I I. C. de episcop. aud.

x l. Quamuis in fi. la II. C. ad l. Iul. de adult.

y l. I. C. ad l. Corn. de sica.

z l. I. C. de malef., & mathe.

a l. vnica C. de famo. libel.

b Auth. sed nouo iure. C. de ser. fugit.

c Constitut. Reg. Vsurariorum, Et foenus, inquit Seneca, est humanae cupiditatis extra naturam quaesita nomina. & Cato, ut ait Cic. in II. de offic., foenerari esse hominem occidere, dicebat. & idem Cato in princ. de re rustica scribit: Maiores nostri sic habuere, & ita legibus posuere furem dupli condemnari, foeneratorem quadrupli.

d Triplex est philosophia sic à Platone diuisa. Moralis, Naturalis, & Rationalis: & à Macrobio lib. I I. de som. Cicero uerò ponit aliam diuisionem in I. de Orat. & eiusdem quàm plurimas dixit laudes in I., & V. Tuscul. ibi. O vitae Philosophia dux, o virtutis indagatrix, expultrixq; vitiorum, quid non modo nos, sed omnino vita hominum sine te esse potuisset? Tu vrbes peperisti, tu dissipatos homines in societatem vitae conuocasti. Tu eos inter se primò domiciliij, deinde coniugijs, tum litterarum, & vocum communione iunxisti. Tu inuentrix legum, tu magistra morum, & disciplinae fuisti. Tu vitae tranquillitatem largita nobis es, & terrorem mortis sustulisti. Et contra illius vituperatores scripsit idem in lib. de finibus.

Et est ars, qua constantiam, & virtutem consequimur, quoniam philosophia est ars, & magistra uitae.

e S. fin. in inst. de iust., & iure.

f Iuriconsultorum nomina, & libros, ex quibus pandectae consarcinatae sunt, enumerat Angel. Politia. in lib. epist. I V. epist. I X., quae in principio ff. Ver. descripta est.

g Authent. habita C. ne filius pro patre.

h Stultitia omnium malorum est mater. Cic. in II. ad Heren. & de petit. consul. Estq; maius malum, quam omnia mala; & fortunae, & corporis. Idem in III. de Natu. Deo. & in I. eiusdem ait. Miserius stultitia quid dicere possumus. Et in I. de Leg. inquit. Quid abiecius stultitia dici potest.

## DE EPISTOLA HORTATORIA.

**H**ORTATORIA epistola graecè *παρρησια* appellata, est, qua aliquem ad aliquid peragendum hortamur. In hac epistola, quoniam non tam argumentis, quam de affectibus agitur, de quibus rectè Fabius in exordij, & conclusionis praeceptis: his modis commodè uti posse putavi, nempe laude, spe, metu, odio, amore, miseratione, aemulatione, & expectatione.

A laude dupliciter.

A laude hortabimur, si vel rem, vel hominem laudemus. Rem laudabimus si piam, si magnificam, si gloriosam, raram, arduam, haecenus intentatam, honestam, iucundamq; dicemus. Personam laudabimus si quae pulcherrimè haecenus perfecit, ab omnibus in coelum extolli proferemus,

ut quae feliciter, & strenuè ceperit, pari, aut  
 maiori etià animi magnitudine perficiat,horta-  
 bimur. Si generis claritatem, fortunae splendo-  
 rem, nobilitatem, dignitatem, ingenium, vires,  
 sapientiam, uirtutes, aetatem, rerum usum effe-  
 remus, ac nequid his indignum admittat admo-  
 nebimus. A spe, et metu hortabimur, si commo-  
 da, & quod eis contrarium, breuiter amplifican-  
 do, tamquàm in conspectu ponamus, immortali-  
 tatem, beatitudinem, decus, gloriam, honores,  
 opes, voluptates, tranquillitatem, et ex diuerso  
 quae his repugnant, conferemus. Ab amore hor-  
 tabimur, si eorum, quorum nomine pericula su-  
 beuntur, charitatem commemorabimus, & arti-  
 ficio alleuabimus, ut in patriam, parentes, liberos  
 pietatem, in benemeritos amorem, in amicos ne-  
 cessitudinem, in praestantes virtute viros obser-  
 uantiam. Ab odio hortabimur, si odium, atro-  
 citatem in eos, contra quos dimicatio suscipitur,  
 quàm grauissimè exaggerabimus. A commiserati-  
 one hortabimur, si amicorum solitudinem, ino-  
 piam, luctum, squalorem: & contra inimicorum  
 potentiam, ferociam, audaciam, insolentiamue  
 proferemus. Ab aemulatione hortabimur, si aemu-  
 lorum virtutem, gloriam, studium, conatum, opes,  
 improbitatem non sine amplificatione in medium  
 afferemus

A laude du-  
 pliciter.

Ab amore.

Ab odio.

A commi-  
 seratione.

Ab aemula-  
 tione.

afferemus. Caeterum cauendum est, ne adeò con-  
 certantium laudem amplificemus, ut eius ani-  
 mum, quem erigere conamur, in desperationem  
 abijciamus. Unde comminisci quippiam oportebit,  
 ut aemulos, uel fortunae ui, uel huius lenti-  
 tudine non nihil praeteriisse dicamus, haud uir-  
 tute, eosq; acrius annitendum, ut id dispendij, quod  
 fortunae culpa sit acceptum studio nostro sarcia-  
 mus: et pudorem, quem negligentia contraximus,  
 vincamus industria, siue eorundem ignauiam, in-  
 scitiam, infirmitatem, inopiam per eleuationem  
 proferemus. *Ab expectatione dupliciter hortabi-*  
*mur: nàm haud mediocrem iniiciemus sollicitu-*  
*dinem, si quanta sit amicorum, et beneuolentium*  
*publica, priuataq; de illorum uirtute expectatio:*  
*nominatim quantum sibi promiserunt ij, quorum*  
*ille iudicium, & auctoritatem plurimi facere ui-*  
*debitur, quorumq; causa factururus omnia putabi-*  
*tur, ostendemus non unius illius interesse, sed om-*  
*nium necessariorum, et posteriorum, in quos ea sit*  
*gloria transfundenda. Maximam efficiemus ex-*  
*pectationem à generis nobilitate ab indole palam*  
*spectata, ab educatione. à loci celebritate, ab an-*  
*te dictis, ab ominibus, somnijs, uaticinijs, et alijs*  
*item id genus circumstantijs. E diuerso maleuo-*  
*lentium, et inuidorum expectationem, studiaper-*  
*uersa*

Ab expe-  
 ctatione.

uersa atrociter exaggerabimus, è quibus nominatim aliquos referre optimum erit, quos illi praeter ceteros inuisos nouimus, & quid quisq; aut inuidè dixerit, aut inimicè fecerit referemus.

## EXEMPLVM.

A LOYS. ANT. SANCT. OPTIMO  
Iuris Consulto, Ioanni Petro de Sandro  
affini iucundissimo.

**D**ICI non potest iucundissime uir quanta Principiū à  
me pulcherrima epistola tua voluptate af- laude.  
fecerit, & quod quae ieceris immortalitatis tuae  
fundamenta perspexerim, & quod mihi gratissi-  
mum fuit iuris peritiae te operam nauare cognoue-  
rim. Placet sanè praeclarum istud facinus.  
Quid enim iure civili honestius, dignius, honori-  
ficientiusq;? Amplectere igitur iuris scientiam, Exortatio  
cum laude  
cū ipsa maximè indigeas. Quid autem horta- mixta.  
ri incipiam, ut rem diuinitus ceptam perficias,  
qui eo sis animo natus, ut in studendo non tam  
calcaribus, quàm fraeno indigere videaris. In-  
credibili tamen meo erga te studio compellor cur-  
rentem (quod aiunt) incitare. I bone, quò uirtus  
tua te uocat: i pede fausto: perge iuris peritiam  
absolvere, quam summa cum laude cepisti. Per

Laus à be-  
nè ceptis.

A genere.  
A patre.  
Ab indole.  
Ab erudi-  
tione.

go te natalibus tuis, quibus istud oppidū nihil vi-  
dit praeclarior. patre tuo clarissimo, ac munifi-  
co, ista tua indole, ista eruditione, isto animo rem  
dignam praestare. Impone summam manum im-  
mortalibus monumentis, à quorum absolutione  
non multum abes, quod maximum, ac difficilli-  
mum erat, re ipsa praestitisti, quod desideratur  
plus habet decoris, quam difficultatis. Antestas  
quidem maioribus tuis virtutum magnitudine:  
viciisti & tui studiosorum, & aemulorum inui-  
dentiam: certasti cum maiorum tuorum imagi-  
nibus, quibus tuapte uirtute plus lucis attulisti,  
quam acceperis. Viciisti aetatem, qua cum pro-  
pè adhuc impubes habearis, nihil tamen non forti-  
viro dignum uel gessisti, uel cogitasti. Sed post-  
quam omnia superasti, unum etiā certamen  
reliquum esse puta: nempe, ut te ipsum imiteris,  
tui similis esse studeas, tu te ipsum praecire conten-  
das. Nam, vinci à te ipso tam foedum erit, quam  
pulchrum reliquos excelluisse. Ità si semper tibi  
inles, non deerit qui cum laudibus certare possis.  
Ardua quidem, & difficilis est virtutis uia, sed  
amplissima tibi praemia propone. Decus, immor-  
talitas, imperium, opes, dignitas, felicitas in ma-  
nu sunt, si pertenderis. At si (quod omen Dij  
auertant) defatigeris, non solum pristinae gloriae  
tenebras

A spe.

A metu.



tenebras offuderis, verum etiam in posterum omnem dignitatis spem tibi praecideris: Fac, ut veterum herou pulcherrima gesta tibi ob oculos assidue uersentur. Sed qui nos externa, atq; antiqua repetere volumus, cum domi habeas, qui te ad huiusmodi uirutem incitare debeat? *Andreas* Ab exemplo. Transitus. Exemplu fratris. Repetitio- nes.

frater tuus maximo uir ingenio praeditus est quantis angustijs sua se uigilantia expedituit? Quid ille non petijt? Quid petiuit, quod non obtinuit? Quid obtinuit, quo non summa cum laude sit perfunctus? Debent quidem iucundissime uir paternae, fraternaeq; illa monita tuo fixa pectori manere. Saepè enim uiuens *Antonius* pater tuus te adolescentulum, ut memini, *Virgiliano* illo carmine consueuerat hortari: Disce<sup>b</sup> puer uirtutem ex me, verumq; laborem, fortunam ex alijs. Scio difficillimum uideri, ad quod hortor: Nec ignoro uerum esse, quod dici solet *ut patris a se per aliquando* in humanioribus litteris maiora praestitisti. Eia igitur macte uirtute puer: sic, sic itur ad astra. Age peritissime adolescens, ne defatigare, ne conquesce, donec pulcherrimis ceptis finem imposueris. Maxima studij pars tibi decursa est: hoc alacrius ad metam propera, quo propior es. Nihil est arduum in rebus humanis, quod non efficiat, si sibi imperat animus, dum id magnopere



expetat. Vale dulce decus meum.

Plura huius epistolae exempla inuenies apud Cic. in epist. famil. in lib. II. epist. Epistolarum genera. in fine. In V. epist. Non obliuione amicitiae nostrae, cum duabus sequentibus. In eodem, epist. Gratae mihi tuae litterae fuerunt. In VI. epist. I. In eod., epist. Maculam officio functum. In VII. epist. In omnibus meis epistolis. In eodem epist. Nisi ante Roma. In X. epist. I. In eodem, epist. Binas à te accepi litteras. In eodem, epist. Et si satis ex Furnio. In XI. epist. Ego nullum locum praetermitto. In XVI. epist. Spero ex tuis litteris. Huius hortatoriae epistolae responsionis exemplum uide apud eundem Cic. in lib. epist. fam. X. epist. Gratissimae mihi tuae litterae fuerunt. Dehortatoriae uero in lib. epist. X. Si interest. Aliud epistolae hortatoriae exemplum, et si longiusculum, studioforum gratia, subiiciam, quam olim ad amicissimum dedimus.

Hortanti,  
dehortan-  
tiq; quomo-  
do respon-  
debimus.

**A** Vunculum tuum nudius tertius propè Diui Petri obuiam factum de te fui percontatus, isq; retulit te ab Vrbe profectum, atq; à mense Aprili litterarum studium deseruisse. Quare non potui facere, quin maximo conficerer dolore, cum tuae consuetudinis, necessitudinisq; intermissione, cum quòd ubi tibi grauis aduersaria consiluita,

Et pa-

Et parata quaedam incredibilis expectatio erat,  
 deserueris Romam, ad quam tot periti, om-  
 niumque scientiarum professores, uelut ad cuiusque  
 generis disciplinarum emporium, undique confluent,  
 ex qua totius imperij architecti, totque rerum arbi-  
 tri emanarunt, in qua iura Caesarea, Pontifi-  
 ciaque promulgata, humanioresque litterae, ceteraeque  
 artes, et scientiae inuentae, perfectaeque fuere:  
 ideoque in ea (Cic. teste) sunt addiscendae. Fata-  
 lis quidem Ciuitas, quae exusque ipsis primordiis  
 rerum, orbis cum in humanis, tum in diuinis po-  
 sita fuit semper: Propterea Cicero non ab re Ru-  
 fum ad Urbem, tamquam omnium dignitatum,  
 bonorum, ac virtutum fontem colendam, in ip-  
 siusque luce viuendum, hortabatur. Tuum ergo  
 discedendi consilium neutiquam comprobo, illiusque  
 exitum eximesco. Heu me certe studiorum de-  
 stitutio, atque neglectus acrius perturbauit: cum il-  
 la, ne uel horula quidem sint intermittenda, ab-  
 iiciendaque, immo maiori nunquam non cupidita-  
 te magis, magisque amplectenda: Iam tu uel eò ma-  
 xime, quod, quae quamplurimi desiderant, ti-  
 bi non desunt, naturalis nimirum quaedam vis  
 ad sciendum innata praeclarum ingenium, mens  
 illustris, memoria tenax, auditus acutus, Lyn-  
 ceus visus, uenustaque forma, bona corporis ha-

*bitudo flos aetatis, magnae opes, librorum sup-  
 pellex, negotiorum immunitas, omnis curae, sol-  
 litudinisq; liberatio, & eorum, qui te ad musa-  
 rum penetralia ducunt, maxima copia. Quid  
 igitur deest? Studium: Est autem studium\* (ut  
 planè intelligas) assidua, & uehemens ad aliquã  
 rem applicata magna cum voluntate occupatio.  
 Dic obsecro, ubi nam illa apud te studendi ma-  
 gna animi voluntas? ubi inquam, & cui rei  
 assidua, et uehemens occupatio, si friges? si cessas?  
 si vacas? Cur, si studij usus, atq; vis in te deside-  
 ratur, studiosi nomen usurpas? Vis ne nomen tan-  
 tum? Qua de re tot, tãtisq; beneficijs à natura, for-  
 tunaq; instructus, atq; ornatus, iure ab eis optimo  
 usurpati nominis, & ingrati animi deferri, ac-  
 cusariq; poteris, ita; ut nulla unquam cura hanc  
 animi labem, atq; ingratitudinem ualeas, uel Her-  
 culeo labore diluere. Tum vet eò maxime, quòd  
 omnibus est adeò innatus cognitionis amor, et scien-  
 tia, ut nec valetudinis, nec rei familiaris habe-  
 ant rationem, omniaq; perpeti non recusent, ipsa  
 cognitione, & scientia capti, & maximis curis,  
 & laboribus compensare eam, quam ex discen-  
 do capiant voluptatem, suauitatemq;. In scien-  
 tia enim excellere pulchrum putamus, nescire  
 autem, ac errare, & malum, & surpe duci-  
 mus.*

mus. O felicem hominem, cui sommi, ventris, intemperantiae, superbiae, ingrati animi nota haud inuritur, atq; fraeno, (vi Theopompo) & non calcaribus ad eruditionem parandam opus fuerit. Vir bonus undequa; venatur stimulos ad scientias, quae solae vitam ueram, tranquillam, suauemq; praestant. Etenim absq; his vita hominis mors, & sepultura est, atq; arbor quaedam infrugifera; idcirco senectutis viaticum litterarum eruditione parare debemus; ne insipienti animo deficiamus: litteras enim tamquam baculum infirmo corpori esse repertas, et ex Cassiodori praecepto, ut illas acquiramus, patriam negligere debemus, & à paruulis usq; ad ultimam discere senectutem; cum nulla aetas ad perdiscendum sufficiat. Et ut ait ille. Quotidie senex suo aliquid addiscens: sicut Gorgias Leontinus, qui centum, & septem compleuit annos, neq; unquam in suo studio cessauit. Oterq; quaterq; beatum, qui ad gloriam quaerendam, & breuem vitam memoria sui quam maxime longam efficiendam, animi imperio, quam corporis seruitio magis vitur; qui enim se ipsum norit, intelliget quomodo à natura ornatus in vitam venerit, ad obtinendam, adipiscendamq; sapientiam, qua duce bonum viram,

Gorgias le  
ontinus.

et ob

et ob eam ipsam causam se beatum fore cognosceret. O quam ardentem amorem sui excitaret sapientia, si corporis oculis, quemadmodum animi cerneretur, ut hydropici in temporum momenta avidius bibendi, sic homines propensius discendi cupiditate in dies caperentur. Non enim robur, non praestans forma, non generis claritas, non opes, non maiorum fama, & gesta faciunt hominem beatum, sed sola virtus, quae non morbo, non vetustate deletur, sed viuo, & mortuo semper manet, fortunae ictibus non subiacet, utramque, et secundam, & aduersam iuuat fortunam, animum, & mores excolit, domos, familias, respublicas, principatus confirmat, diuitias, & existimationem praebet, homines ad amandum allicit, ab inuidorum, maleuolorum, atque improborum hominum obtrectionibus, calumnijs, insidijsque tuetur. Qui autem litterarum scientia institutus non est, a ferarum natura non distat, et tam est homo, quam est, quem artificis manus effinxerunt; ubique iacet ignotus, derisus, spretus, expulsus, depressus, expilatus, denique ab omnibus oppressus. Doctus ab indocto differt, quo homo pictus à naturali, viuus à mortuo, seruus à domino, equus domitus ab indomito. Et si quis expeririundi causa nudatos ambos longius peregrinari iusserit

iusserit, indocto homini mendicandum, famulan-  
 dum, aut certè furandum erit. Doctus verò se-  
 cum ferens sapientiae thesaurum, ubiq; domina-  
 bitur, etià astris. Amplectere igitur amplecte-  
 re bonarum artium studia, atq; ingenuas discipli-  
 nas, dùm mollius est ingenium, atq; animus ad  
 formandum facilior: deinceps tempus obstat, aetas  
 labitur, praeterit opportunitas, labor felix terri-  
 tat, aliò mentem trahunt negotia grauiora. Quae  
 studia licet dura primùm, aspera, et amara, su-  
 doreq; paranda uideantur, suauissimos tamen, per-  
 petuosq; ferunt deinde fructus. Et facillimè eru-  
 dieris, (crede mihi) si hoc statueris: cùm non de-  
 sit, qui te fideliter doceat, & velis etià ipse di-  
 scere summo studio, & ardore quodam amoris,  
 nimiaq; exercitationis assiduitate: ita namq; om-  
 nis artis praeceptio, ac disciplina nullo negotio per-  
 cipi potest, iucundiq; erunt acti labores, si discen-  
 di potius labor, quàm uoluptas sit appellandus.  
 Iuuenibus conuenire multos, maximosq; labores,  
 iudicat Plato, ne fructus iuuentutis miserè depe-  
 reat, uescendumq; sit omnino glande pro frugibus.  
 Virtus enim labore, sudoreq; emitur. Ferrum  
 frequēti manuum attritione obteri, saxa quoq;  
 crebro imbri cauari cernimus: labor<sup>1</sup> improbus om-  
 nia vincit: nunquàm à discendi studio, honestisq;  
 artibus



artibus, praeclarissimisq; actionibus feriandum est: sed iugi recordatione potius. percipiendae doctrinae impensius opera danda. Virtus, gloria, & felicitas non somno, non plumis, non futilitio, non corporis voluptatibus, non commensationibus, non uestium ornatu, non diuitiarum copijs, non consuetudine deprauata, non mendacijs, non elatione, et superbia, non ingrato animo, non superiorum inobedientia, sed diligentia, industria, sudore, vigilijs, frugalitate, castitate, modestia, omni animi propensione, Dei timore, crebraq; auriculari sacerdoti peccatorum confessione parantur. Atq; imprimis somnus sex horis prolixior est vitandus, audi Catonem monitorem, Tu vigila semper, nec somno deditus esto, nam diuturna quies vitij alimenta ministrat. Et Bernardus<sup>m</sup> Somnus tuus, sit quies lassæ, non sepultura corporis suffocati. Quid? quòd Aristoteles ille antelucano tempore surgere iubet? quod tum ad rei familiaris curam, tum ad bonam ualitudinem, tum ad disciplinarum studia plurimum confert. Cui nō sunt auditæ Demosthenis<sup>n</sup> vigiliae? qui acerbissimè dolebat, si quādo opificum antelucana uicinus esset industria? An te latet Caesarem vigilantia mirifica fuisse? Quem fugit Bartolum vigilantissimum fuisse? intempestaq; nocte<sup>o</sup> perpetuò surre-

Cato.

Bernardus

Aristoteles.

Demosthenes.

Caesar.

Bartolus.

surrexisset? Natura legibus obtemperandum est,  
 quae hominem non ad somnum, & quietem, sed  
 ad opera, atq; exercitationem nasci voluit. Som-  
 nus quippe intra modum sumptus corpori est sa-  
 nitas, supra modum uerò noxius, morbos afferens  
 hebetia, tarda q; reddit ingenia, estq; mortis ima-  
 go, partemq; vitae tollit. Hinc vigilantibus,  
 & non dormientibus iura subueniunt. Qui dor-  
 miunt libenter, sine lucro, & cum malo quies-  
 cunt: unde Psalmus, & in Prouerbijs Salo-  
 mon. Quousq; dormis piger? vigila, et sobrius  
 esto. Ex quo duo alia prodeunt mala: Prius pre-  
 tiosi, ac irreparabilis temporis nocentissima iactu-  
 ra, qua nulla maior, peiorq; contingere potest:  
 Omne enim tempus, quod studijs non impenditur,  
 perire clāmitabat Plinius: Unde eius ex sorore Plinius;  
 nepotem saepius corripiebat, quòd otiosè deambu-  
 laret, cū uel horulas illas inaniter terere arbi-  
 traretur. Ipse enim semper libellum secum gesta-  
 bat, atq; ubiq; quid otij nactus, studebat: Et Ca-  
 to ille dū Senatus cogeretur, in curiae uestibulo  
 Xenophontis, aliorumq; Graecorum libros lecti-  
 tabat, turpissimamq; temporis iacturam cense-  
 bat. Sed Theophrastus querebatur, naturam Theophra-  
 stus.  
 cornicibus, et ceruis, quibus nihil erat opus, lon-  
 gam praesitisse vitam, hominibus uerò breuem.

Corporis  
voluptate  
nil obſcae-  
nius.

Propterea ſtudia veluti maxima vitæ momen-  
ta, nuſquàm, nullouè unquàm tempore ſunt  
praetermittenda, quinimmo in eis plus olei, quàm  
vini<sup>a</sup> conſumendum. Poſterius ſunt voluptatum  
vitia, quæ quantoperè noceant, attende. *Quid*  
corporis voluptate obſcaenius? quid deterius?  
cùm ſit ſclerum omnium inuentrix, animi, cor-  
porisq; extinctio, ingenij rubigo, furioſa bellua, cu-  
ius blandus, ac molliculus ingreſſus, amarus ue-  
rò, et pernicioſus, longè ſit exitus. Nullam quip-  
pè capitaliorem peſtem, quàm corporis volup-  
tatem hominibus à natura datam, exclamabat Ci-  
cero<sup>b</sup>. Quapropter in eo voluptatis, ac oblecta-  
menti genere eſt verſandum, quod ab omnibus ho-  
neſtiſſimum iudicatur. Sed quid ſolatio,<sup>c</sup> cui lute-  
rarum ſtudia, otiaq; ſunt coniuncta, dulcius? quid  
iucundius? quid honeſtius? adoleſcentiam alit, ſe-  
neſcitutem oblectat, res ſecundas ornat, aduerſis  
perſugium præbet, animum relaxat, ſolum loqui  
docet. Nunquàm enim ſe minus otioſum<sup>d</sup> eſſe,  
quàm cùm otioſus, nec minus ſolum, quàm cùm ſo-  
lus, Africanus ille dicebat. Otioſa oblectatio ſecu-  
dum Senecam ſine litteris, mors eſt, eſt vini homi-  
nis ſepultura. *Quid* dicendum de ſobrietate<sup>e</sup> vir-  
tutum maxima, qua ceteræ omnes complecti vi-  
dentur: contraq; de ebrietate<sup>f</sup> omnium vitiorum  
origine

Litterarū  
ſtudiū ma-  
ximum eſt  
ſolatiū.

Scipio A-  
fricanus.

Seneca.

origine? Equidem tam corporis, quàm mentis & animi ualeitudini summum confert adiumentum, cum castitatis, pudicitiaeque munimentum, criminumque (teste August. ad sacras virgines) & uitiorum omnium sit profuga. Asclepiades aiebat, prima cratera ad extinguendam sitim, secunda ad hy-  
 laritatem, tertia ad voluptatem, quarta ad ebrietatem, et insaniam, namque esse oportet, ut uiuas, viuere non ut edas. Omnium perturbationum fons est intemperantia: "mente enim, ac ratione rectè uti non possumus, multo cibo, ac potione repleti. D. Augustinus.  
 Vnde Diuus Augustinus sic concionabatur. Sobrietas acuit ingenium, memoriam illustrat, virtutes roborat, vitia exterminat, bonam ualeitudinem confirmat, mentis sensa tuetur, arcana non colloquitur, castimoniam haud violat, lectiones capit, bonam famam appetit, temeritatem fugit, pericula cuncta declinat, honestatem amplectitur, superbiam deprimat, domum, familiamque cum ratione gubernat, & moderatur: fidem non fallit, mendacia abhorret; estque mater omnium virtutum. Intemperantia autem corpus destruit (plures enim interficit gula, quàm gladius) vires debilitat, rationem conturbat, mentem laedit, ingenium obruit, memoriam enervat, animi vigorem impedit, ignorantiam, omniaque vitia inducit. Socrates ferotina

Augustus.  
Bartolus.

*tantum refectioe contentus uiuebat: Augustus mi-  
nimo, & vulgari cibo utebatur: Bartolus, ut iuri  
accuratius operam daret, acutiùsq; lucubaret, ci-  
bum, atq; potum praescripto, & leuissimo pondere,  
ac semel in die sumebat. Tantum ergo cibi, & po-  
tionis est adhibendum, ut reficiantur uires, non ut  
opprimantur: quia non corpori solum subuenien-  
dum est, sed & menti, atq; animo multò magis.*

*Hinc Hetruscus poeta canebat. "*

La gola, el tonno, el'ociose piume  
Hanno dal mondo ogni virtù sbandita,  
Ond'è dal corso suo quasi smarrita  
Nostra natura vinta dal costume:  
Et è spent'ogni benigno lume  
Dal ciel per cui s'informa humana uita  
Che per cosa mirabile s'addita  
Chi vuol far d'Helicon nascer fiume.

*Praeterea in cultu obseruandū est, quòd à formare-  
moueatur omnis viro non dignus ornatus' neq; mun-  
ditia sit nimis exquisita, nec effseminata, sed ut agre-  
stem tantum, atq; inhumanam fugiat negligentiam.*

D. Grego-  
rius.

*Audi Diuum Gregorium praecipientē uestes esse de-  
bere simplices, et mediocres, namq; multiplices, et ex-  
quisitae animi mollitiem, & cordis leuitatem indi-  
cant, exterior<sup>da</sup> enim habitus interioris est argu-  
mentum. Enimuerò non curaretur corporis cul-  
tus, nisi prius neglecta fuisset mens inculta virtu-  
tibus*

tibus, & exquisitis ornamentis induti ornamenta corporis, & animae perdididerunt. Quid namq, aliud est homo ornatus, & praetiosius uestitus, quam sepulchrum foris dealbatum, intus autem inquinatum, spurcum, & foetidum? Bonis igitur moribus, virtutibus, & scientijs uestiri, ac ornari, et non cultis ob inanem gloriam uestibus, cuiq, elaborandum est. Nec sunt praetermittendae diuitiae: his etenim ut fluxis, atq, caducis minimè est fidendum: hae namq, ipsae incendio, ruina, naufragio, tempestatibus, latrocinijs, morbo, bello, tyrannide, vi, fortunaeq, imperio eripi, ac surripiri possunt. Magnus in cumulandis labor, maximus in possidendis metus. summus in amittendis dolor: quae flagitij, & turpitudinis potiùs quàm virtutis, ac integritatis ministrae habentur: sunt ignaviae fomenta, corporis uoluptatum incendia, malorum omnium illicia, fortunae ludibria, infinita, & insatiabilis sitis, quae neq, copia, neq, inopia diminuitur: Unde Poeta, Crescit<sup>n</sup> amor nummi, quantum ipsa pecunia crescit. Eaedem animos frangunt, Nostin illud? Quid non mortalia pectora cogis, auri sacra fames? Pernitiosae quidem sunt diuitiae, nisi adsit animus diuitijs superior: qui possit earum usum, non ex copia, sed ex necessitate moderari. Diuitas<sup>22</sup> ergo perimite diuitum esse: tu  
 uero



uerò virtutem diuitijs praefer : nam si uelles diuitias cum virtute comparare, uix satis idoneae uiderentur diuitiae, quae virtutis essent pedisequae. Illae quippè sunt uerae diuitiae, & adipiscendae, quae nos virtutibus diuites efficiunt, & ubiq; locorum comitantur, et quas cum habuerimus perdere nequimus; & in quarum tripudio perpetuum captabimus solatium. Is autem mihi diues est, qui pecuniae habendae uoluntati detrahit. Quid de simulata, fucosaq; amicitia, & corrupta consuetudine dices? Cauendum etenim non secus, atq; peste teterrima à simulatoribus, vitiosisq; socijs usquam est: horum praestigiae, et fallaciae, ne dicam retia, ac uepres intricatissimos, à recta uia ad prauam, peruersamq; animum abducunt, disciplinas conculcant, & in caenum, baratrumq; profundissimum coniiciunt: Eaedem grauissimas inimicitias conciliant, bonos mores corrumpunt patrimoniū dissipant, grande aes alienum constant, bona, pecuniamq; deripiunt: An haec mala, & huiusmodi monstra omni conatu non uites? Cur non dissociaris? An non uelis, remisq; fugias? Num tu pericula subire cupis? num prudens, ac sciens perire? Nullae sunt occultiores (Cic. teste) insidiae, quam quae latent in simulatione officij, aut in aliquo necessitudinis nomine. Obsequium amicos, ue-

ritas

ritas <sup>hb</sup> odium parit. Tempore ueritatis patre operta omnia, aperta patebunt. Melius est ab im probis odio haberi, quàm cum eis consociari. Sicut enim bona multa habet communis uita proborum: ita plurima mala societas affert impurorum. Rerum quippè natura huiusmodi est, ut quoties bonus malo coniungitur, non ex bono malus melior fiat, sed ex malo bonus contaminetur. Talis <sup>ii</sup> merito quisq; habetur, qualis est qui cum uersetur, sociaturue. Propterea inter uirtute praeditos aspera uita suauior, et probabilior est, quàm inter imperitos, sceleratosue, dulcis, & blanda. Cum uiris igitur & doctis, & optimis, quisq; te probiorum, eruditiorumq; faciant, & ad disciplinarum studium accendant: non cum inscijs, prauis, seditiosis, flagitiosis, tuisq; fortunis inbiantibus uersandum. Corruptela enim malae consuetudinis igniculi à natura dati extinguuntur, uitiaq; contraria exoriuntur, & confirmantur. Quid? quod Alexander Leonidis pedagogi prauis moribus adhuc paruulus imbutus ad robustam quoq; aetatem perdurauit? Nostin dictum? Quo <sup>uu</sup> semel est imbuta recens serua-bit odorem, testa diu. Eorum uitia citò effingimus, quorum uirtutes assequi nequimus: Multo enim acrior est memoria, malorum, quàm bonorum. Abdispuadet audita referre, te cum aspicere, eum  
alloqui

Alexāder.

alloqui hominem, eoq; familiarissimè uti, illiq; pecuniam subministrare, qui te ut à studendo auerteret, libros è manibus rapuit, illosq; omnes minimò vendendos curauit, qui te nulla auctoritate, & plurimis etiàm, & grauissimis affecit molestijs: aliaq; ad nefanda non pauca facinora incitauit. tibiq; indies maxima attulit, affertq; detrimenta, perniciem, & calamitatem. Quae mihi credi non possunt, cum sit hominis malè audientis, perfrictae frontis, delirantis, abiecti, ac vim vi repellere diffidentis, à quibus non me praeterit te longè abesse: Amico tamen reconciliato ne confidito, tacitae enim, & occultae inimicitiae magis timendae sunt, quàm indictae, & apertae. Nam cum, qui palàm est aduersarius, facile cauendo vitare poteris: occultus uerò, ac domesticus inimicus insidiatur, et opprimit, praesertim viro, antequàm eum prospicere, atq; explorare valueris: ex Ciceronis <sup>11</sup> consilio. O factum benè, scilicet te adeò studiosè à turpi mendacio abhorrere: Nihil est enim homini libero, quàm mentiri obscaenius, detestabilius, magisq; alienum: Nihilq; interest inter mendacem, & periurum: qui enim mentitur, peierare etiàm consuevit. Omne profectò mendacium prauum est, & modis omnibus fugiendum, cum sit falsa<sup>mm</sup> significatio vocis (ut ait Augustinus) cum intentione fallendi:

lendi: homines namq; penitus dedecorat, & infames, turpesq; reddit. Hinc Psalmus, Odisti omnes, qui operantur iniquitatem, & perdes omnes, qui loquuntur mendacium. Persarum primum praeceptum, vera loqui: mendacium, (auctore Diuo Anselmo) aut fallit, aut nocet; qui veritatem<sup>na</sup> D. Anselmus, occultat, & qui mendacium °° profert, uterq; reus est, & inferos adibit; ille quia prodesse non vult, iste quia obesse intendit. Summoperè autem Superbia radix, initium, & finis omnium scelerum fugienda est: & humanitas principium disciplinarum, turris, ac propugnaculum omnium virtutum amplectenda. Deus enim dispersit superbos, & humanos, mites extulit: nam ubi est superbia, ibi et contumelia; ubi autem est humilitas, ibi & sapientia, ut in cap. XI. Prouerb. ait Salomon: Praeterea benemeritis gratissimi esse debemus: animo enim ingrato<sup>po</sup> nihil est odiosius, nihilq; execrabilius: cum non solum gratus debeat esse is, qui accipit beneficium: verum etiam is, cui accipiendi potestas fuit: <sup>99</sup>nemoq; committere, ut beneficio, nō dicā indignus, sed uictus esse debeat: " qui enim gratiā referre non potest, habeat saltē quantā maximā animus capiat: " Omnes autē immemores beneficij oderūt: " Audi D. Bernardū, D. Bernardus, ingratus se torquet, et macerat, oditq; , ut accepta extenuet, quia redditurus est: simulatas uerò iniurias

rias dilatat, atq; auget: ingratitude nempè est ani-  
 mae inimica, meritorum imminutio, virtutum di-  
 spersio, beneficiorum perditio, ventus vrens fontem  
 pietatis, rorem misericordiae, & fluënta gratiae  
 siccans. Ah, nos dum adolescimus, & obtempe-  
 rare nostris maioribus, & ad litteras enixè operâ  
 conferre debemus, ne tempus irreuocabile frustra  
 nobis elabatur, adolescentia enim superiorum con-  
 cilio; & auctoritate regenda est, & à praua con-  
 suetudine, atq; corporis, & libidinis voluptatibus  
 arcenda, retinendaq; est in officio, & pudore, ut  
 ad scientias capeffendas vigeat industria: Vn-  
 de qui adolescentium peccatis (Cic. teste) ignosci  
 putant oportere, longè falluntur: propterea quòd  
 aetas illa non est impedimento bonis studijs: At  
 hi mihi sapienter faciunt, qui adolescentes acer-  
 rimè castigant: ut quibus virtutibus tueri omnem  
 vitam possint, eas in aetate maturissima velint cõ-  
 parare. Igitur tuis maioribus obsistere non debe-  
 bas, nec illorum auctoritatem defugere. Inobedi-  
 entia ex superbiae tumore procedit, audi Diuum  
 Gregorium, Nullo alio vitio Daemon praecipitem  
 adolescentem perducit ad mortem, quàm cum ne-  
 glẽctis seniorum consilijs suo iudicio sibi confiden-  
 dum persuaserit. Obedientia<sup>m</sup> sola virtus est, quae  
 menti ceteras virtutes inserit, insertasq; custodit.

Melior

Melior est obedientia, quàm victima: quia per  
 eam aliena caro. per obedientiam propria volun-  
 tas mactatur. Reminiscere quotiès hoc anno te  
 liberalium artium gradum, atq; doctoratus insi-  
 gnia quasi peritissimum accepturum iactaueris?  
 Nùm ad apicem peruenisti? caue ne sis omnibus  
 ridiculus, neuè feratur. Parturient<sup>ur</sup> montes, nas-  
 cetur ridiculus mus. Te ipse restitue, ad te redi,  
 ne ab incepto desistas; dantur enim ad studia re-  
 ditus: <sup>tu</sup> tua est in manu te felicem fieri; huc te pa-  
 ra, haec cogita, ad haec te exerceas, sentiasq; id,  
 quod non dubito quin adeptus, intelligas, te facil-  
 limè assequi posse summum; atq; altissimum felici-  
 tatis gradum. Respice Lycurgum, Numam Pō-  
 pilium, Marcum Aurelium, Traianum, plerosq;  
 alios, qui virtutum fama, singulariq; sapien-  
 tia ex humilibus, & priuatis ad imperij culmen e-  
 uocati, atq; perducti fuere? Recole Senecam<sup>um</sup>,  
 qui praeclarissimis virtutibus ex captiuo Impera-  
 toribus superior extitit? Praesta idcirco te eum,  
 qui mihi semper es cognitus, ut omnem gloriam, ad  
 quam à pueritia inflammatus fuisti, magnitudi-  
 nemq; animi tui, quam ego semper sum admira-  
 tus semperq; amaui, omni cura, atq; industria  
 consequare. Intuere Demosthenem, ac Ciceronem,  
 qui obscuro loco nati disciplinarum, sapientia, ad-



Exemplū  
Romanorū

mirabili facundia, vigilijs, assiduāq; exercitatione reipublicae princeps, alter Atheniensem, alter Romanorum evaserunt? atq; eloquentiae patres, & lumina nuncupari meruerunt? Perpende Fabium, aliosq; Maximos, Brutos, Scipiones, Catones, Camillos, Fabricios, Marcellos: Metellos, Caesares, Pompeios, ceterosq; Romanos proceres, atq; heroes, qui singularibus virtutibus diuinarū, humanarūq; rerū notitia, militariq; disciplina urbem collustrarunt. Rempublicam constituerunt, firmarunt, mirificèq; amplificari? Eapropter satage, ne unquam à scientiarum eruditione desistas: magna est hominum opinio de te, magnaq; expectatio: omnes te sequenti anno in Iurisconsultorum numerum ascriptum, relatumveiri sperabant. Enitere, ne spes evanescat, enitere: tuum est hoc munus, tuae sunt partes, à te hoc parentes, uel potius omnes necessarij non expectant solum, sed etiā postulant. Inflamment te Servius Sulpitius, Gallus Aquilius, Scaeuola, Vulpianus, Tribonianus, multiq; alij iurisconsulti, qui profunda legalis scientiae cognitione ex infimo genere ad maximas diuitiarum copias, ad Consulatū, ad Praefecturam Praetoriam, aliosq; supremos dignitatis, & nobilitatis gradus prouecti suere, se seq; clarissimos, ac immortales effecere? Quid? quod nostrates

frates Bartolomeus de Capua, Spinelli, Loffredi,  
 Pignonus, Antonius Orificius, Pisanellus, aliq;  
 innumerabiles, qui iuris summa peritia, vigilijs,  
 labore, atq; industria quacsita ex priuatis ad ma-  
 gnas, atq; firmissimas opes, ad amplissimos hono-  
 res, maximasq; potestates elati fuere? se seq;, suos-  
 q; posteros Baronum, Comitum, Marchionum, Du-  
 cum, ac Principum insignibus, titulis, nominibus,  
 & imperio ornarunt, atq; illustrarunt? Recordare  
 re quòt tuo patri florenti vitæ statu aderant amici,  
 qui simul ac fortuna dilapsa fuit, ceu simulati, su-  
 catiq; omnes, praesertim consanguinei quidam, ac  
 beneficio obstricti, quiq; tueri debebant continuò de-  
 uolarunt? tum praeterea latens, & dissimulatum  
 odium aperuerunt, ac patefecerunt, & pro grati-  
 arum actione multas lites, damna, iniurias ho-  
 stili more intulerunt? falso testimonia, arbitriaq;  
 dixerunt, fines occuparunt, saltum, praedium, co-  
 ductaq; eripi, vestrumq; ab vniuersitate censum  
 dissolui curauerunt? viles, turpesq; homines, de tur-  
 pibus criminibus temerè postularunt, per eosq; non  
 sedit quin totam domum, familiamq; opprimerent  
 penitusq; delerent, tuiq; patris celebri nomen ac exi-  
 stimationem, & dedecorarent, & obscurarent?  
 Numquid puduit domum Iurisperitiae, altarum-  
 q; disciplinarum laurea decoratum (in scriptis si)

Exemplū  
 Patris.

non

non redire? iūm ut in integrum, alio remq; gradum tuis virtutibus domum restituendam, iūm ut paternis fucatis amicis, bonorum occupatoribus, falsis testibus, iniquis, corruptisq; arbitris, & calumniatoribus ingentem gratiā referre posses? Nūm condiscipulos doctrina praeclare, invidos efferrī, inimicos insidiari, simulatores fallere, depravatos socios perdere, ciues contemnere non animadvertis? Collige ergo te ipsum, & praedicta omnia mente volutans ad praeclara studia posthac summa ope, totoq; pectore incumbas, nomenq; magnis studiis immortalitati consecra, eaq; geras, quae ab omnibus summa cum admiratione laudentur. Quod si fueris affectus, euades Parthenopes primarius iure consultus, & patronus, patriae splendor, acerrimusq; defensor, parentum iucunditas, & gloria, domus tuae instauratio, oppressorum perfugium, & subleuatio, invidorum moeror, atq; dolor, aduersariorum repugnantia, obexq; inimicorum terror, ac dissipatio, diuitiarum cumulus, cognationis decus, & claritas, amicorum tutela, & patrociniū, pauperum perfugium, & conseruatio, quisq; gratificabitur, cuiq; rationem habebit, nullus aduersabitur, neq; poterit oppugnare. Sin autem incuria, ignavia, aliove animi morbo deinceps deslitterit: parentes moerebunt probatos consanguineos pudebit, amici

Ab expectatione parentum.

*amici deuolabunt, ciues deridebunt, aemuli<sup>o</sup> antecellent, aduersarij lites inferent, inuidi gaudebunt, inimici insecrabuntur, vicini fines euadent, magistratus expilabunt: Quid non mali superueniet?*

Ab expectatione aduersariorum.

*Tecum habita: In te unum isthaec cudetur faba: Arrige aures, quae cui clausae sunt veritati, salus eius disperanda est. Quae te incommoda sequatur, rursus quae te bona circumstent cogita, ne quando dicas, Quod potui nolui, quod volo adimplere nequeo. Tempus<sup>o</sup> res pretiosissima labitur, & ad ultimum vitae terminum adducit, fugit, uolat, est irreparabile, & irrecuperabile. Sed quid est, quod audeam suadere tibi homini summaque auctoritate, summaque prudentia praedito? quique consilio non egesset, sed potius abundas? Amicitiae quidem nostrae uetus as, & tua magna erga me beneuolentia, quae mihi iam ab ipso tuo in urbem<sup>o</sup> aduentu perspecta est, me hortatur, ut ad te ea scriberem, quae & utilitati, & honori tuo conducere arbitrarer, & non aliena esse ducerem à dignitate. Ipse uero, nostrique condiscipuli in politioribus litteris & graecis, & latinis; in benedicendi doctrina, in Philosophia de moribus; in tam inueniendi, quam iudicandi ratione differendi, ceterisque libero homine dignis artibus elaboramus: in quibus magna animi uoluntate, assiduaque exercitatione non parum*

*parum breui profecturos speramus. Te autem etiam, atq; etiam rogo, obtestorq; , ut tua de valitudine quam primum me certiore facias. Vale.*

- a Nobilitas secundum Platonem quatuor habet species. Qui claris,iustisq; maioribus orti sunt: Quorum parentes fuerunt principes,ac potentes; Quorum maiores fama celebres sint, & opinione,quam ex rebus gestis,& victorijs reportarunt;Et nobilitas generis.Ille autem,ut idem ait, uerè appellatur nobilis,cui non aliena, sed sua virtus ad nobilitatem opituletur. Vide Alexan. in VI. vol. Conf. CCIX. num. VIII.
- b Sic Afcanius apud Virg. in XII. Aen. ab Aenea patre instituitur.
- c Romam quis extruxerit variè scribunt auctores: vide Solinum: & meninit Iustinus lib. XLIII. eiusq; laudes uide apud Ouidium in XV. metamor. & est duplex noua, & verus glo. in rubr. Cod. de Iust. co. confir. & Romanorum genus felix est, ut in prin. tex., cum arma, & leges fecerint eos omnibus nationibus dominari, ut in eadem glo. in verbo igitur.
- d Cic. li. ij. epist. famil., epist. Sollicitus equidem eram.
- e Idem in i. Rhetor., & i. de inuen. Studijq; ratione permittitur, quod alias non. glo. in l. fructus ff. de reg. iu.
- f Voluntas est, quae quid cum ratione desiderat: estq; in solo sapiente. Quae autem aduersus rationem incitata est uehementius: ea libido est, vel cupiditas effrenata, quae in omnibus stultis inuenitur. Cic. in IV. Tuscul.
- g Qui ad studia se reuocat uitae fastidium fugit, nec noctem fieri optat tadio lucis, nec sibi grauis erit Seneca de tranquill. animi ad Serenum.
- h Cic. in I. de offic.
- i Salust. in Catil.
- k Cic. in Parad.
- l Virgil.

Ab expectatione pa-  
entum.

Ber-

m Bernardus ad fratres de monte.

n Valerius Max.

o Nox est umbra terrae. Pli. lib. II. cap. X. quae cessat adueniente sole super terram & dies fit, ut probatur in I. Titius S. Lutus ibi ablescente coelo ff. de lib. & Posth.

p Somnus est mortis imago. Cic. in I. Tuscul., & Ouidius amor. lib. II. elegia IX. ibi.

*Infelix tota quicumq; quiescere nocte.*

*Substinet, et somnos praemia magna uocat.*

*Stulte quid est somnus gelidae nisi mortis imago.*

*Longa quiescendi tempora fata dabunt.*

Sed & lassitudini remedium esse ait Homerus in fine V. li. Odyssae, ubi inducit Minervam Ulyssi fudisse somnum. Et senibus praecipue conuenire ait idem li. ult. eiusdem. Somnum uero nimium esse noxium, inquit idem in XV. eiusdem. Ex quo Hyppocrates deproptisissimè videtur illud Aphorismorum lib. II. cap. III. Ibi somnus, aut vigilia si modum excefferit, malè est. Vide collecta per Tira-

q quel. in tract. de nobil. in cap. XXXI. nu. CIO. III.

Cap. nunciatum LXXXIV. dist. I. pupillus in fi. & l. qui autem S. sciendum ff. Quae in frau. credit.

s Salomon in prouerb. cap. VI.

Vinum moderatum vtile, nimium uero noxium esse colligit Tiraquel. in dicto tract., & cap. nu. CLXXV. cum sequen. Cum luxuriosa res vinum sit, & tumultuosa ebrietas, & quicumq; his delectatur non est sapiens. Prou. cap. XX

t Dictum Architae Tarentini, de quo Cic. de Senect. Et in II. de Finib. maximas dominante voluptate virtutes iacere, scribit. Quam malorum escam Plato appellauit, quod homines ea, uelut hamo pisces capiantur.

u x Cic. in V. Tuscul.

Idem in III. de offic.

y Origenes homelia XXXVII.

z Ebrietas an sit peccatum vide Abbatem in c. à crapula de vita, & honest. cler. Haec duo generat mala: primo men-



tis exilium, secundo libidinem prouocat: ob quam ultimam causam olim sancti patres à vini, & carniū vfu abstinebant. c. ab exordio XXXV. distin. & ca. ante omnia. Et Feli. in c. cognouisset. de accusat. Et prima ebrietas fuit in Noe, quia vineam prius ipse plantauit, vinumq; bibit. c. inebriauerunt XV. q. I. & Gene. XIX. Statilius uero primus aquam vino immiscuit, ut ebrietatem vitaret, ut ait Plin. in lib. histor. VII. c. LVI. Et de ebrij materia latè Romanus in lib. I. ff. de verbo. obl. Nec ebrij possidebunt regnum Dei. Dec. in c. I. de reliq., & vener. sanct.

aa Fuganda sunt à corpore languor, imperitia ab animo, luxuria à ventre, à ciuitate seditio, à domo discordia, & in cunctis rebus intemperantia.

Hierony. contra Ruffi. lib. III.

bb Gula est mater luxuriæ, quia venter, & genitalia sunt vicina c. cum autem XLIV. dist. Et luxuria ab otio, & pigritia generatur teste Ouidio de Rem. ibi.

*Quæritur Egistus, quare sit factus adulter,  
In promptu causa est, desidiosus erat.*

Et cuiusq; etiam rei abusus dicitur luxuria l. ex damni. ff. de damn. infec., & Cic. in oratione pro Sexto Roscio. ibi. Se se hoc incolumi non arbitratur huius innocentis patrimoniū tam amplum, & copiosum posse obtinere damnato, & eiecto sperat se posse quod adeptus est per scelus: id per luxuriam effundere, & consumere.

cc In VII.

dd Argum. glo. in §. pauonum in ver. defierint in instit. de rerum diuis.

ee Qui confidit in diuitijs suis corruiet. Prouer. cap. XI. Et diues difficile intrabit in regnum coelorum. Et facilius est camelum per foramen acus transire, quam diuitem intrare in regnum coelorum. Matthæus cap. XIX. Diuitiæ enim superbos, ac insolentes reddunt, vias inferunt, libidini fomenta subministrant, largitionibus iura subuertunt, tyrannidem augent, ac tutantur. Breuiter, vitij omnibus

bus

bus fenestram aperiunt. Hinc Iuuenal. Saty. VI.

*Nullum crimen abest, facinusq; libidinis, ex quo  
Paupertas antiqua perit, hinc fluxit ad Istros  
Et Sybaris colles: hinc et Rhodos atq; Miletos,  
Atq; coronatū petulans, madidūq; Tarentum.  
Prima peregrinos obscoena pecunia mores  
Intulit, & turpi fregerunt secula luxu,  
Diuitiae molles.*

ff Idem, & Vir. in III Aeneid. Et Horat. in I. epist. ibi.

*Scilicet uxorem cum dote, fidemq; & amicos,  
Et genus, & formam, Regina pecunia donat.  
Ac benè nummatum decorat Suadela, Venusq;.*

Hinc aurum rumpit fores adamantinas, ut ait Lucas de Pen. in l. ad splendidioris C. de diuer. offic. lib. X. & Demosthenes accepta pecunia cōtra Milesios amplius loqui noluit, ut refert Gell. lib. XI. cap. IX. Et quod idem à Persis magno auri pondere aliàs fuerit corruptus asserit Iustinus lib. XI. hist. Aurum item, & argentum pro Dijs olim haberi ex Menandro apud Stobaeum refert Tiraqu. in dicto tract. in cap. II. nu. XII. Cuius verba per Gesnerum versā haec sunt.

Epicharmus quidem Deos esse dicit,  
Ventos, Solem, Terram, Aquam, Ignem, Stellas:  
Ego autē viles esse Deos arbitror  
Argentum nostrum, & aurum.

Nā illos si collocaueris in domum,  
Petē quicquid volēs, assequeris omnia,  
Agrum, domos, seruos, argentea uasa,  
Amicos, iudices, testes: largire solū.

Sic enim uel ipsos Deos habebis ministros.

Et apud Euripidem Bellerophon, inquit:

*Sine me uocari pessimum, ut diues uocer.  
 Nemo an bonus, an diues, omnes quaerimus  
 Non quare. et unde: quid habeas, tantum rogāt.  
 Vbiq; tanti quisq; quantum habuit, fuit.  
 Quid habere nobis turpe sit, quaeris? nihil.  
 Aut diues opto uiuere, aut pauper mori.  
 Benè moritur, quisquis moritur, dum lucrū facit  
 Pecunia ingens generis humani bonum,  
 Cui non voluptas matris, aut blandae potest  
 Par esse prolis, non sacer meritis parens.  
 Tām dulce, siquid uenerit, in vultu micat.  
 Meritò illa mores coelitum, atq; hominū mouet.  
 Vide Ecclesiast. cap. X.*

gg Cic. in IV. ad Heren.

hh Teren. in I. sce.

Et odium suscitāt rixas, & uniuersa delicta operit charitas. Prouer. cap. X. Quid autē differat odium ab ira concinnè docet Aristot. lib. II. rhetor. in cap. de amore, & odio.

ii Cic. in II de offic. in cap. de adolescentis officio. ubi Petrus Marfus.

kk Horat. in lib. I. episto., epist. II.

ll Cicerō fuit Romani eloquij tuba. glo. in I. I. C. de stud. lib. vrb. Rom. lib. XI. Bal. in proem. feud. coll. III. in fi. cum seq., & glo. in arbore exceptionum in ff. Et primus omnium pater patriae appellatus est. Vnde Plin. lib. VII. Ciceronem alloquens ait. Salue patriae omnium parens. Et Iuuenalis saty. VII. inquit.

*Roma patrem patriae Ciceronem libera dixit.  
 Et ita se uocat ipsemet in Oratione antequam iret in exilium,*

*Glo.*

- mm Glo. in l. de aetate S. sicum esset ff. de interro. act. Negus. in proe. consue. nu. CLXII., Cepol. in l. I. S. idem Viuianus nu. LXI. ff. de acdil. edic., & D. Augustinus in lib. de mendacio cap. VII., in Psal. V.
- nn Veritatem celans nocere desiderat, ut in c. quisquis, & in c. I. si de inuestitura inter do., & uas. ori.; & veritas odium parit. Cic. in Laelio, & in Orat. in Vatin. Tantam (inquit) semper potentiam veritas habuit, ut nullis machinis, aut cuiusquam hominis ingenio, aut arte subuer- ti potuerit. Et licet in causis nullum patronum, aut de- fensorem obtineat, tamen per se ipsa defenditur. Et pro M. Caelio ait. O magna vis veritatis, quae contra ho- minum ingenia, calliditatem, solertiam; contraq; fictas omnium insidias, facile se per se ipsa defendat.
- oo Mendacium dicere, & mentiri differunt. Gell. lib. XI. ca. XI. Plaro autem in III. de Repub. dicit, mendacium con- cedendum esse medicis, alijs uero minime.
- pp Inter vitia nullum frequentius, quam ingrati animi. Sene. epist. I. & Teren. in Andr. Adeone me ingratum, aut inhumanum, aut ferum? Et Cic. ad Attic. Nil cognoui ingratius, in quo vitio ni- hil mali uon inest.
- qq Idem de perit. Consul.
- rr Idem pro Planco..
- ss Idem Philip. III.
- tt Idem in II. de Offic.
- uu Obedientia sola fidei meritum possidet. VIII. q. I. in C. sciendum. & melior est, quam victima, extra de maior. Erobod. c. illud. & argum. ad hoc ff. de re milit. l. II. S. in bello. Et in reuerentia exhibenda, mandato suscipien- do, & iudicio subeundo consistit, l. III. dist. in glo. Sumac.
- xx Horat. ad Pisones.
- yy Cic lib. IX. epist.
- zz Seneca fuit Cordubensis, & Neronis praeceptor, cuius iussu incisis uenis obiit. Fuit & alter Seneca poeta Tragi-

cus, & de vtrifq: meminit Sidonius Apollinaris ad Felicem. ibi. Non quòd Corduba praepotens alumnis. &c.

**A** Cicero fuit fabri filius, ut ait Sebast. de Neap. in proem. consuet. Neap. nu. CCLXXVII. Et non generis antiquitate, sed virtutis ornamentis summam laudē fuit consecutus, ut ipsemet ait in fine orationis antequam iret in exilium. Christophorus autem Pannonius in Cicerone eundem equestri loco natum asserit, quod verum an sit vide collecta per Tiraquel. in dicto tract. in cap. XIX.

**B** Capuam Campaniae caput esse refert Sebast. de Neap. in tit. de iure congrui. nu. LXV. Et vberriam, & omnium rerum abundantem esse inquit Cicero in prima oratione de l. Agraria. & in II. eam amplissimam, atq; ornatissimam, & paulò post, eandem imperio dignam appellat. Hic autem pro familia & nobilissima Neapolit. accipitur.

**C** Iniuria non solum in corpus pulsatione, sed etiam conui-  
tijs, famosis libellis, pudicitia attentata, alijsq; modis committitur. S. II. in inst. de iniur. ; & sola dissimulatione tollitur. S. si. cod. tit. ; & remissa censetur per salutationem Felin. in prohe. dec. Gregorius Episcopus num. XIX. Quibus autem, & à quibus fiat docet Aristot. lib. I. rhet. ubi iniuriam facere est nocere sua sponte contra legem.

**D** Aemuli, & inuidi qui sint vide eundem Arist. lib. II. rhet. in cap. de aemulat. & in cap. de inuidia.

**E** Teren. in Eunu. sce. III.

**F** Tempus, ut ait Varro, est mundi, & motus intervallum in partes aliquot diuisum, ab solis, & lunae cursu ; à quorum tenore temperato tempus dictum est. Et Cicero in I. de inuen.

**G** Vrbs propriè Roma per antonomasiam intelligitur, cum cetera dicantur oppida, ut Quintil. ait lib. VIII. cap. II.

## DE EPISTOLA COMMENDATITIA.

**C**OMMENDATITIA Epistola est, qua aliquem alicui pro beneficio, favore, uel aliqua re obtinenda: commendamus. In hac epistola quatuor sunt inspicienda, nostra, illius, quem commendamus, eius, ad quem scribimus persona, & res ipsa. A nostra persona benevolentiam captabimus, si causas, à quibus ad hunc commendandum fuerimus commoti iustas, magnas plurimasq; ostendemus: vel quòd de nostris aut nobis ipsis sit benemeritus vel quòd nos ex necessitudine, familiaritate cognitione, officijs adducti esse dicamus. Ab eius quem commendamus persona benevolentiam eliciemus, si eius modestiam probitatem, eruditionem, integritatem, humanitatem, nobilitatem, inopiam, calamitatem, aut necessitatem commemoremus, quòd ex hoc debet esse commendatissimus. Caeterum si qua uel nostra uel eius, quem commendamus, maiorumue eius in alterum merita praecefferunt, ea summa cum modestia significabimus extenuantes quidem ipsa benefacta, benefaciendi uerò animum exaggerantes. Eius personam, ad quam scribimus beneuolam nobis reddemus, si eius humanitatem, (si sit necesse) benignitatem, liberalitatem naturam

A persona  
nostra.

A persona  
eius, quem  
cōmenda-  
mus.

A persona  
ad quā scri-  
bimus.



Arc ipsa.

naturam, benevolentiam, in omnes studium, dignitatem, nobiscum amicitiam, opes, copiam, auctoritatem, magistratumq; commemorabimus: licet inter familiares amicos haec pars plerumq; negligatur. A re ipsa benevolentiam accipiemus, si eam facilem, illi dumtaxat, cui commendamus, aperiemus. Si piam, si honestam, si utilem, laudabilem, commodam, possibilem, facilemq; reddamus. Tum si eiusmodi erit, ut ex ea ad patrum aliquid laudis, gratiae, auctoritatis, aut emolumenti sit profecturum id diligenter significabimus; si eodem beneficio quamplurimos deinceps aperiemus. Postremo obsecrantes eum et nostri, et commendati nomine illum gratum, & memorem futurum, pollicebimur. Nos idem beneficium, ac in nos ipsos fuisset collatum, demonstrabimus. In calce mutuam operam, studiumq; deferemus. In hac epistola illud imprimis est animadvertendum, quod brevis debet esse commendatio, neq; nimis exquisita, praefertim, si ad eum scribimus, cui sumus admodum probati. Testimonij enim potius pondus, quam disputationis speciem habere debet. Personae item, & res in hac epistola sunt considerandae: nam aliter nos ipsos, aut liberos nostros, aliter amicos, & familiares, aliter hospites, & incognitos commendamus. Magna quoq;

Cómda-  
tio debet ef-  
se brevis.

quoque doctrinae, virtutis, dignitatis, professionis,  
 nobilitatis, fortunae, ceterarumque rerum in com-  
 mendatione habenda est ratio: ut non eodem modo  
 doctum, & indoctum; sacrum, & profanum; ma-  
 gistratum, aut dignitatem aliquam gerentem, ac  
 priuatum; diuitem item, atque inopem, liberum, ac  
 seruum; nobilem, atque ignobilem, commendemus.  
 De unoquoque namque congruenter, & accommoda-  
 te loquemur. Illud denuò haud est praetercundum,  
 ut pluris eum, ad quem scribimus, quam eum,  
 quem commendamus facere uideamur, ne ille aut  
 obtundi, aut paruipendi à nobis putet. Plus enim  
 illi, quam ei, quem commendamus, tribuere debe-  
 mus. Solet haec commendatitia epistola inter fa-  
 miliarissimos succinctius tractari, ueluti si derelin-  
 quamus personam, ad quam scribimus, & quam  
 commendamus, laudare. Opere pretium esse non  
 duxi de omnibus exempla proponere, ut praeposi-  
 tae oblatæ inferuiamus breuitati, ac ne nimium  
 increseat voluminis magnitudo. Quamplurima  
 tamen huius epistolae exempla offendes apud Cice-  
 ronem in epist. famil. lib. I. epist. Aulo Trebonio.  
 in II. epist. Nondum erat auditum. In eod. epist.  
 Fabio viro optimo, In V. epist. Etsi statueram.  
 In VI. epist. C. A. Caecinna. In VII. epist.  
 Siliij causam te docui. In XI. epist. Per magni in-  
 K tereft

terest. In XII. epist. Canicius amiliaris meus.  
 Eod. epist. Non modò te. In XIII. epist. Cum  
 municibus Volaterranis. Eod. epist. Si vales  
 benè est. Cum sequentibus ferè omnibus tertij dè-  
 cimi libri epistolis: & apud Christophorum Lon-  
 golum lib. V. epistolarum, epist. Carissime. in  
 Christofili. De huius epistolæ responsionis exem-  
 plis vide eundem Cic. in epist. fam. lib. V. episto.  
 Grata tibi esse officia mea. Eundem vide ad Att.  
 Numerium Numestium libenter accepi in ami-  
 citiam: & hominem grauem & dignum tua  
 commendatione cognoui. Plin. lib. VI. epistol.  
 Commendas mihi. In eodem, epistol. Rogas ut  
 agam.

- a Epistola commendatitia an scribentem obliget, vide  
 relata per Vital. in tract. Claus. in rub. enuntiatiua ver-  
 ba in epist. prolata.
- b Nobiles habent XXXVI priuilegia, quae ponit Lu. in l.  
 mulieres C. de dignitat. lib. XII. Et ab ignobilibus ex  
 artificio, & conditione dignoscuntur, nam si nobile arti-  
 ficium habent, nobiles dicuntur, si mediocre, burgenfis,  
 si vile, villanus. l. liberto operarum, & l. interdum ff. de  
 oper. libert. Notatur extrà de cler. non resid. C. conque-  
 rente nobis I. glo. in verbo sufficientia. l. humilem C. de  
 incest. nupt. & Alex. VI. uol. Conf. CCIX. col. II.

DERAT. EP. SCRIB. 75  
DE EPISTOLA CONSOLATORIA.

**C**ONSOLATORIA Epistola est,  
qua amicum siue propinquum, siue quem-  
piam nobis carum in rebus aduersis moerore affe-  
ctum consolamur. Huius epistolae tractandae du-  
plex est ratio. Una simplex est aperta, per quam  
argumentis declaramus non esse causam dolendi,  
cum viro sapienti nihil praeter turpitudinem tri-  
ste accidere, neque is à quoquam laedi, possit, nisi  
à seipso. Altera per insinuationem tacite sumen-  
dam, quoties aut animus est infirmior, aut dolor  
recentior, acerbiorue, quam ut aperte patiatursibi  
admoneri manus. Sive cum erectior est ani-  
mus eius, quem consolamur, quam ut videri uelit  
opus habere consolatore. Quemadmodum enim  
quidam sunt tam excelsa animo praediti, ut cum  
grauiter aegrotent, tamen medicum accersere pu-  
dore afficiantur, quod ignauum, fortique animo pu-  
dendum aegrotare existiment: Ita quadam alio-  
ris animi verecundia, quidlibet magni doloris a-  
nimo premunt, atque occultant. His hac erit ar-  
te irrependum, ut solandi nos gratia scribere in-  
ficiemur, cum illius nobis eximia sapientia, ani-  
mique infracta magnitudo fuerit omnibus fortunae  
procellis maior perspecta: Tantum nos illius for-

Duplex cō-  
solationis  
tractandae  
ratio.  
Simplex.

Per insinu-  
ationem.

titudini gratulari velle potius quàm eius dolori  
 medicinam asferre. Porro contracta hac bene-  
 volentia paulatim falsam excipiemus excogitatio-  
 nem. Hoc idem cum his agemus, quorum imbe-  
 cillior animus non admittit medicantis manum.  
 Dicemus nos ad consolandum esse parum idoneos,  
 qui aequè angimur, ac ipse, quem consolamur.  
 Deinde doloris causas exaggerabimus, eamq[ue]  
 exaggerationem non modò à re ipsa, verum ab e-  
 ius etià, qui patitur, atrocitate sumemus, non  
 sine laude quadam eius iniuriam quàm plurimis  
 optimis viris dolori fuisse dicemus. Quod ubi fa-  
 ctum erit medicamentum adhibebimus: Hic om-  
 nia, quae dolorem lenire possunt exquisitè collige-  
 mus. Hoc fiet, si malum, in quod incidit verissi-  
 militer attenuabimus: ac bonum, unde defluit  
 quantum expedit subleuemus. Hic omnes rerum  
 diuinationes, & coniecturas accuratissimè dispi-  
 ciemus, quibus eam spem quàm maximè proba-  
 bilem efficiamus. His omnibus quandam animi  
 adulationem admiscebimus. Etenim si ea sit in-  
 cōmoditas, ut uideri diuturna sit necesse: tunc aut  
 non esse incōmoditatem dicemus aut tam grauem,  
 quàm videatur, non esse demonstrare conabimur.  
 Hoc agemus, si quidquid in eo commoditatis existe-  
 rit, id magna cum cura extollemus. Nihil e-  
 nim

Alter ma-  
 lū extenu-  
 ādi modus.

nim tam triste homini contingere potest, ex quo commodi aliquid excerpi nequeat. Si ullum esse malum habendum denegabimus, quod citra hominum culpam euenerit: ut ait Aristoteles, incundam esse malorum recordationem, quae cum honesta fama coniuncta sunt: ita leuius ferimus, quae nostra haud culpa, sunt contracta. Hic Philosophorum rationes, & illustrium virorum exempla, qui in eisdem luctus incoiderunt, commemorabimus: Hic Regum, ciuitatum, nationum interitus, aedificiorumq; ruinas adducemus. Hic siqua de defuncti conditione dici possint, quae illius vitam acerbam reddant aptissimè proponemus, dicemusq; utilius ei fuisse obitum, quàm perpetuò illo morbo laborare voluisse. Hic barbararum nationum luctu nascentes cantibus verò morientes excipientium exempla ponemus: cum decēs haud videatur nos sapientiae, virtutumq; professores singulis his rebus ab ipsis superari, cum eos in ceteris excellamus. Postremò ad cohortationem veniemus, & ad pristinam animi tolerantiam, magnitudinem sapientiam, eruditionem vocabimur: Praesertim cum stultum sit nolle à luctu, & moerore abstinere, cum ipso nihil proficiamus. In peroratione omnem operam, studium, diligentiam, & ipsi, & omnibus eius, pollicebimur. In  
conso-



locus in cō  
solando fu-  
giendus.

*consolando iocus erit vehementer fugiendus, nisi modicum sit incommodum ut ioco possit exhilarari. Velsi cui scribimus his capiatur rebus quàm blandissimè iocandum erit; ita tamen, ut verae consolationes cum iocis permisceamus. Cauendum est praeterea, ne non tam amicè consolari, quàm praecipere uideamur, nisi vehementer erit familiaris ad quem scribimus: Ne tamquàm sani aegrotantibus imperemus, neuè quid de nostra, aliorumue felicitate commemoremus, ne Tytirim illum Virgilianum rusticè imitemur:*

*O Melibee Deus nobis haec otia fecit.*

*Vi enim societas miseriam leuat, ita alienae immunitatis recordatio, aegritudinem exasperat. De qua cum satis abundè praeceptum putemus, exemplum subiiciemus.*

ALOYS ANT. SANCT. PAVLO

Portarello Sacerdoti candido, & ciuidi

S. P. D.

**E**X nonnullorum litteris Kalend. Februarijs de tui patris obitu mihi fuit nuntiatio, & ob hoc te vehementer discruciar. Quod fortunae telum ueteri nostra necessitudine commune putans, non potui non dolore<sup>b</sup> affici maximo, tristem-

irrisilemque lugere casum, ut si coram fuisset, clari-  
us inspexisses. Et quamvis consolatione mihi sit  
opus, cum tamen paululum acquieverim, quin  
aliqua in medium afferrem, praeterire nolui, qui-  
bus dolorem premas, ac modereris, immo abijcias,  
bonique consulas: Quae te licet non fugiant, dolo-  
re tamen impeditus non cogitas. Quid est cur tu  
vir, & sciens, & prudens id quam primum ra-  
tione non termines, quod ab imperitis paucorum  
dierum spatium impetrat? Quis est tam hebes,  
& ignavus, qui patris, vel coniunctissimi cuiusque  
mortem lugeat, cui tempus non primum aegri-  
tudinem leniat, deinde penitus etiam adimat?  
Unde recte Stoici mortuorum luctum, et inuti-  
lem perniciosumque ijs, quibus impenditur, graue,  
molestumque amicis, familiaribus, vitaeque socijs da-  
narunt. His enim, quae non fortunae iniuria, sed  
naturae cursu, atque ordine inducuntur, ex quibus  
maximi, minimique obnoxij sumus, moerere, atque  
immoderatus angere, contra quippe naturam, ex-  
tremamque uecordiae est. Quis ignorat quemlibet  
hominum ea lege natum, ut quandocumque Deus  
vocarit, sit protinus hinc emigrandum? Et qui  
mortem hominis lugeat, quae so quid aliud, quam  
se mortalem esse deslet? Et cur occasum potius,  
quam ortum non cupiamus, (more Thracum  
qui

qui nascentes luctu excipiunt, exeuntes autem è  
uita glatulationibus prosequuntur) cum uterq; sit  
iuxta naturam? Nonne ignaviae genus esse vi-  
detur ultrò malum malo addere, & cum fati ia-  
cturam nulla ratione sarcire possis, spontè tamen  
tibi perniciem accersere? Quid inexorabilius, quid  
rigidius morte? Ea nec formae parcit, nec opi-  
bus, nec aetati, nec imperijs: Hinc Horat.

Pallida mors aequo pulsat pede pauperum tabernas,  
Regumq; turres, ò beate Sestii.

Et Homerus.

οὐδὲ γὰρ οὐδὲ βικν' ἄλλῃ οὐ γ' ἔκλ' ῥα

id est

Nec uis Herculeæ fatum euitavit acerbum.

Et propterea ut inenitabilis, omnibusq; communis  
aequioreferenda est animo. Succurrat tibi De-  
mosthenis exemplum, qui unica, dilectaq; filia or-  
batus statim candido uestitu populum adiit, publi-  
cèq; appositè dixit. Respice Q. Fabium<sup>m</sup> Max.  
qui filio consulari, egregijs rebus gestis claro, uita  
functo, consul in concionem se contulit, filijq; en-  
comium recitavit. Intuere Corneliam, quae  
duos filios T., & C. Graccos<sup>1</sup> & trucidatos, &  
insepultos aspexit, conso antibusq; amicis, mise-  
ramq; dicentibus, respondit nunquam me infeli-  
cem existima bo, quae Graccos peperit. Perpende  
Fregellarum oppidum<sup>m</sup> quondam florentissimum  
Romani

Romani imperij acmulum, magnisq; copijs ad-  
 versarium, quod nunc prostratum, dirutumq; ia-  
 cet; ut urbem adiens circumspexi. Reminiscere  
 insulae Cypri, quae tot clarissimorum virorum  
 millibus refertissima erat; nunc Turcarum Chri-  
 stiani nominis hostium immanitate penitus immu-  
 tata, eversa; cernitur: Carthaginem, Corin-  
 thum, Numantiam, aliasq; dirutas civitates  
 omitto, Et nos homunculi si quis nostrum, licet hu-  
 milis, & abiectus perierit, indignamur. Heu re-  
 cordare quam constanti animo patris mei florenti  
 quidem aetate, acerbum, immaturumq; interitum  
 pertulerim? Quis huiusmodi patre orbatus, non  
 miserè perpetuò deploraret, ac se lacrymis confice-  
 ret? cum esset summa eruditione uir, suaeq; pa-  
 triae Montis fortunae splendor, ac primarius, op-  
 pressorum portus, & refugium, amicorum tutela:  
 clientum optimus patronus, dignitate insignitus,  
 decore ornatus, religiosissimus, omnibusq; corporis,  
 & animi bonis refertissimus, omniaq; ita modera-  
 batur, ut amaretur ab omnibus, odio haberetur  
 à nemine. Cumq; innumerabilia occurrant exem-  
 pla ad rem hanc magnis philosophiae praesidijs non  
 est opus. Vnde rectè poetae mortaliū genus  
*καταρακτα* cognominarunt. Cumque quis-  
 que animo suo uolutare debeat quam calamito-

sa sit nostra omnis uita : Quòt periculis, quòt  
 morbis, quòt casibus, quòt incommodis, quòt in-  
 iurijs obnoxia, quàm fugax, ac praeceps, ut prope-  
 modum gratulandum sit ijs, qui maturius eam re-  
 liquerint, quòd huius uitae calamitatibus finem  
 faciant, & de caligine in lucem, de periculis in  
 tutum, de morte ad uitam, de tòt malis ad sum-  
 mum bonum, de caducis ad aeterna, de terrenis  
 ad coelestia, et in illam felicem libertatem, et im-  
 mortalitatis portum postliminio redierint. Dei-  
 q; aspectu fruuntur : Cum hic ciuitatem perma-  
 nentem non habeamus, sed futuram inquiramus.  
 Et propterea de tui patris obitu, ut immaturo con-  
 queri non poteris, cum nulli sit certus dies, prae-  
 scriptus, sed is, quem Deus opt. max. esse uoluit.  
 Et ex tòt hominum millibus, quàm paucis datum  
 est senectutis limen pertingere, ex in tanta uitae  
 breuitate minimè refert, paulo serius, aut matu-  
 rius eximi. Vita enim est quidam perpetuus ad  
 mortem cursus, umbra, & somniū, & nauigan-  
 ti similis : is enim, qui nauigat stet, sedeat, iaceat,  
 semper uadit. Rectè factis existimāda est aet-  
 tas, ut is diū uixisse dicatur, qui rectè egerit, non  
 qui plurimos annos vixerit. Tuus pater quinquā-  
 gesimum annum attigerat, filios duos adulta ae-  
 tate, gnauos, solertes, perspicaces, sibiq; ipsis non  
 parum.

parum sapientes, teq; sacerdotem humanarū litterarū longè peritum, benè institutum, decoratūq; reliquit. Quid autem de tuo fratre Constantio dicam? qui mundi huius derelictis illecebris, religiosam vitam adolescens elegit, seq; in societatem integerrimorum ac doctissimorum patrū Iesuitarum abdidit, in qua sanctissimè uiuit, & eruditissimè docet. Est igitur mollienda, immo penitus Conclusio omnis à te abijcienda moestitia, quae mentis, nedum corporis robur attenuat. Sed an ipse, qui tuā modestiam, prudentiā, constantiamq; multis iam annis cognouerim, te his egere existimem? Susq; Minervam doceam? At herclè ea scripsi, tum ut quantitatē facere perspicuè intelligere posses; tum ut fungerer officio beneuolentissimi, & amicissimi viri, quem me tibi, & fuisse semper putes uelim, & futurum esse confidas. Benè vale.

## ALI VD EXEMPLVM.

**Q**UID iucunditatis ex nuperrima epistola tua ceperim ex hac colligere poteris, et hoc praesertim tēpore, in quo tum animus agitat, tum vires depressae reperiabantur. Haec omnes penitus animi, & corporis irribles substulit affectus: ex moesto enim laetus, desesso animosus,



de lento agilis factus sum, idq; oculis obijci meis  
 visum est, cuius cupiditate sanè ut cum maxima  
 alliciebar: Cumq; illud affectus esse videaris,  
 quo nec quicquam gratius, iucundiusq; expeten-  
 dum nobis esset. Etenim de felici, incolumi, tu-  
 toq; itinere tuo primum tibi gratulor, deinde etiam  
 istuc te non commoditatis paululum inuenisse, atq;  
 ex huius temporis malignitate effugisse placet. Ad  
 id enim deuenimus, ut in vulgi<sup>2</sup> opinione perma-  
 neamus oporteat, quo nihil instabilius, qui procel-  
 larum in morem sursum, ac deorsum fluctuat.  
 Nec quemquam constanter aut odisse solet, aut a-  
 mare, ut praesentem etiam odio habeat, sublatum  
 ex oculis quaerat; ut non omnes sint amici, qui  
 videantur, ut qui commoda, emolumenta q; sectan-  
 tur tandem sint amici, quoad utilitatis ratio co-  
 ram floret, qua defluente amicitia nulla est; ut tan-  
 diu sint amici, donec perfruantur operatis. Quod  
 si quid tristius accidat, nusquam sint. Ad id  
 quoq; deuenimus, ut amicorum causas, contro-  
 uersiasq; tueri, laborantibus succurrere, aegris  
 mederi, afflicto consolari, nequeamus. Haec  
 equidem temporis<sup>2</sup> mala uix proferre queo, cum  
 in his te procellis implicitum perspiciam; Sed spe-  
 ro proditores<sup>2</sup> omnes, causasque, quarum ratio-  
 ne istuc permales prodendas esse, & inimicorum  
 falla-

fallacias, quorum minima non inest copia fore detrudendas. Fortunam, quam uitare nemo potest incepta iuriscientia aduersatam perspicio. Sed contra illam quid agendum? forti ergo sis animo, & prudentia utaris, & patientia, speresq; fore, ut praestanti, ingentiq; uirtuti tuae nihil tandem, neq; ad dignitatem, neq; ad emolumentum deesse possit. Itaq; ut ad Battum ait Corydon.

Fidere Batte decet, melius cras forsan habebit,  
Sperandum est uiuis, non est spes ulla sepultis.

Nunc pluit, et clarus nunc Iuppiter aethere surgit.

Quare confide etiam propediem tibi melius fore.

Quandiu uiuimus nos bona spe duci conuenit, nam post imbrem serenitas sequi solet. Atq; tu eris patiens, & fortis, ut amicis luctum non augeas, utq; inimicis uoluptatem non praebeas. Tu contra audentior ito, quò te tua fortuna sinet. Ducunt uolentem fata, nolentem trahunt. Tu dum ista te conscientia, iste animus, ista uirtus, istae litterae, ista rerum gestarum memoria, comitabitur, caue te apud Samnites putes exulem, etiam si ubicumq; locorum, quocumq; sub coelo erit uiuendum, etiam si ultra Gaetas relegatus esses. Vale. Plura huius epistolae exemplaria apud Cic. in epistol. familiar. nancisceris. In lib. IV. epistol. Posteaquam mihi renunciatum est in eod. epistol.

Quaeren-

*Quaerenti mihi. In V. episto. Et si unus ex omnibus. Eod. epist. Et si egomet. In VI. epist. Peto à te. Eod. epist. Noui quod ad te scriberem, cum epist. sequ. Eod. epist. Ego quanti te faciam. Eod. epist. Gratulor tibi mi Balbe, cum epist. seq. Eod. epist. Et si cum ad te scriberẽ. In VII. Persaepẽ mihi cogitanti. In IX. epist. delectauerunt me i'te-  
ra tuae. Locos habes consolatorios in lib. ad Brutum epist. Fungerer officio. Circa huius epistolae responsionem est sciendum, quod primum consolatori pro officio gratias agere debemus, deinde laudabimus ingenium, quod nihil adduci potuerit ad leniendum dolorem, quod ille non summa discendi facultate disseruit. Postremò quod illius ex prudens, & erudita, & grauis; deniq; cumpri-  
mis amica epistola, aut bonam doloris partem nobis ademerit, aut totum excusserit. Aut si nobis non profuit illius consolatio, laudabimus animum, studium, illiusq; ingenium: quò tamquam bonus, ac peritus medicus nullum non remedij genus ad-  
mouerit, sed arte maius esse malum. Aut ita imperioso consolatori respondebimus: Facile cum ualeamus, recta consilia aegrotis damus. Tu si hic sies, aliter sentias. Huius exemplum uidetur apud eundem Cic. in epist. fam. lib. IV. epist. Ego uerò Serui uellem. In V. epist. Quamquam ipsa con-  
solatio.*

Huic epist.  
quo modo  
respondebi-  
mus.

*solatio. Et de consolatoria haftenus.*

- a Cic. in IV. epist. famil. epist. Neq; admonerete audeo.
- b Nil agis dolor, ait Posidonius, quàmuis molestus sis: ta-  
men nūquàm te esse malum cōfitebor. de quo Pl. li. VII.  
Ter. Dies adimit aegritudinem hominibus;
- c Ouidius XV. Metam.

*Tempus edax rerum, tuq; inuidiosa vetustas  
Omnia destruitis, vitiataq; dentibus aeni  
Paul atim lenta consumitis omnia morte.*

Idem Fast. libr. VI.

—Sed longa vetusta<sup>s</sup>

Destruit, & saxo longa fenestra nocet.

& lib. IV. de Pon. eleg. VIII. inquit.

*Rapida consumit ferrum. lapidemq; vetustas.  
Nullaq; res maius tempore robur habet.*

- d Solon mortuum se desleri vetuit: & Ennius, nemo me  
lacrymis decoret, inquit, neque funera fletu. Cic. de sen.
- e Deus à Pythagora (Lactantio teste) ita diffinitur. Est  
animus per vniuersas mundi partes; omnemq; naturam  
commeans, atq; diffusus, ex quo omnia, quae nascuntur  
animalia uitam capiunt.
- f Tiraq. in tract. de nobilita. ca. XXXI. nu. CCCCLVII.
- g Mors omnia soluit S. deinceps in auth. de nupt., & ut in-  
quit Plato, est solutio corporis, & animae: & est omni ac-  
tati communis. Cic. de senect.; Et terribilis est his, quo-  
rum cum vita omnia extinguntur, non his, quorum laus  
emori non potest: ut idem in Parado. Eandem uerò timo-  
re naturale est. glo. in c. Non solum el II. q. III, licet timo-  
ris iste negligatur à Platone in Socratis apologia, ubi  
mortem (inquit) timere nihil aliud est, quàm sapientem  
videri eum, qui non sit sapiens: quippè, cum id sit scire ui-  
deri, quae nescias. Nemo enim scit, utrum mors omnium  
honorum summum, homini contingat: Metuunt autem

*perin-*

perinde, ac si eam malorum esse maximum non ignorent. Cui uerò dubium esse debet, quin haec ipsa inscitia sit maximè uituperanda, per quam aliquis se putat scire, quae nesciat? Et grauior est expectata, quàm illata, quia certi supplicij dilatio poenam auget. Vnde Ouid. in I. de Pont.

*Et gratia longa sit mea poëna mora.*

Et III.

*Mitius ille perit, subita qui mergitur unda,  
Quàm sua qui liquidis bracchia lassat aquis.*

Hinc Suetonius Tranquil. Iulium Caesarem subitam, ac celerem exoptasse mortem scribit. Et Philippus Rex Macedonum, quis finis homini maximè optandus esset, interrogatus: qui subitus, & celèr inopinato ferro possit accidere, respondit, ut Orosius lib. II. cap. XIV. Mors autem bonum sit, an malum: plenissimè primò Tuseulanar. Cic. & in dialogo, qui Cato maior inscribitur.

h Cic. in Senect. in prin.

i Consul, qui consulatum gerit; Consularis, qui consulatum gessit, & consulatu dignus. Idem pro Milone, Tribunum virtute consularem.

k Cornelia fuit Scipionis Africani filia.

l Gracclii propter L. Agrariā, quae populi fauore proponebatur, tamquàm seditiosi interfecti fuere. Tyberius à Scipione Nasica. & in Tyberim proiectus: Caius uerò L. Opinio Conf. insequente à Policrate seruo in nemore trans Tyberim occisus est. Appia. Alexand. de bello ciuili lib. I.

m Meminit Cic. in IV. ad Heren. in cap. de exornat. uerb. & ut ait Liuius lib. VIII. ab urb. cond. Fregellae ciuitas fuit Campaniae, quae à Romanis defecit, quo tempore Latini cum Campanis defecerunt, & ob eius perfidiam diruta fuit.

n Carthago Romani imperij aemula in III. bello Punico à Scipione fuit euerfa. Appian, Alexand. de bello Carth. in cuius medio Dido Beli regis Phoenic. filia LXXII.

*annis*

annis antèquàm Roma condita esset Byrsam arcem condidit: vt Strabo lib. VII. & Iustin. lib. XVIII. Qua constructa confluentibus eò vicinis instar ciuitatis fecerunt, & sic fallum de Aenea, Didoneq; dixit Virgilius.

o Corinthus Achaïæ caput ex quo Romanorum legati superbè fuerunt à Critolao appellati, uiolatiq; à L. Mummiò fuit funditus demolita: licet aliam Cicero rationem assignet in oratione de L. Agraria.

p Numantia vrbs, Celtiberorum in Hispania fuit ab eodem Scipione deleta, ut idem Appia. testatur de bello Hispano.

q Dignitas est alicuius honesta, & cultu, & honore, & uerecundia digna auctoritas. Cic. in II. de inuentione.

r Periculum salutis discrimen significat: Vir. in III. Aene. *Obscoenamq; famem, quae prima pericula uitæ.*

s Morbus est habitus cuiusq; corporis contra naturam, qui usum eius ad id facit deteriorè, cuius causa natura nobis eius corporis sanitatem dedit. l. I. S. Sed sciendū ff. de aedil. edic. & Cic. lib. IV. Tusc. & morbi, & uitij appellatione quid contineatur uide Gellium libr. II. cap. II. & glo. in d. S.

t Postliminium est ius amissae rei recipiendae ab extraneo, & in statum pristinum restituendae, inter nos, ac liberos populos, regesq; moribus, & legibus constitutum l. Postliminium ff. de capti. & postli. reuer. De qua definitione differit. Cic. in Topicis, in loco ab etymologia.

u Hebreorum. XIII. cap.

x Vita triplex est, voluptuosa: ciuilis: contemplatiua. Cic. in Catone Maiore.

y Grego. I. registri. & D. Ambrosius. & Seneca in episto. LXXVIII. ait. Respice celeritatem rapidissimi temporis, per quod cisisunè currimus. Et Horat. libr. IV. ode VII. *Quò pius Aeneas: quò Tullus diues, & Ancus. Puluis, & umbra sumus.*

Et Hetruscus Poeta.



La vita fugge, e non s'arresta vn'hora;  
Et la morte vien dietro à gran giornate.

- z Vulgus pars populi ignobilior à uolucendo dicitur, quòd inconstanter, stultèq; huc illuc uoluitur; unde etiā Vir- in I. Aen. ignobile uulgus appellat, ibi.

---Saeuitq; animis ignobile vulgus,

Et in II. eiusdem. ibi.

*Criminibus terrere nouis: hinc spargere uoces  
In vulgum ambiguas, et quaerere cōscius arma.*  
Et Horat. in II. serm. saty. III.

- a Tempus est pars quaedam aeternitatis, aut annum, aut diurnum, aut nocturnum spatium significans. Cic. in I. de inuent. Vel est mensura motus secundum prius, & posterius. Arist. in III. phi. Vel est certa dimensio, quae ex coeli cōuersione colligitur. Macro. in Saturn. lib. I. cap. VIII.  
b Proditor quis dicatur vide gl. in c. Nolite timere XI. q. III.  
c Cic. Dolo. fam. IX. fortunam autem insanam, caecam, & brutam esse perhibent philosophi, saxiq; ad instar globosi praedicant esse uolubilem: Quia quò saxum impulerit fors, eò cadere fortunam autumant. Caecam quia nihil cernat, quò se applicet. Insanam, quia atrox, incerta, instabilisq; sit. Brutam, quia dignum, aut indignum nequeat internoscere. Vnde Ouid.

*Pasibus ambiguis fortuna volubilis errat,  
Et manet in nullo certa, tenaxq; loco.*

Cic. in II. ad Heren. in cap. de vitiosa ratione. Et Seneca in trage. de Atreo, & Thyē. ibi.

*Quem dies vidit veniens superbum,  
Nunc dies vidit veniens iacentem:  
Nemo confidat nimium secundis,  
Nemo desperet meliora lapsus.*

Vide Macro. lib. V. ca. XVI. ubi fortunā nesciuit Home-  
rus

rus: Virgilius autem nouit, & eam omnipotentem fecit.  
**d** Iuppiter (ut dixit Ennius) est is, quem Graeci aerem ap-  
 pellant, qui ventus est nubes, imber postea dictus, quia  
 mortales, atq; arbores, herbasq; omnes (Var. teste) iu-  
 uat. Et ut ait Macr. lib. I. in somnio Scip. cap. XVII. apud  
 Theologos Iuppiter est mundi anima. Hinc Vir. Aegl. III.  
*Ab Ioue principium Musae, Iouis omnia plena.*

- e** Virg. in VI. Aeneid.  
**f** Cic. in orat. pro Milone à conscientia arguit: ibi  
 Magna uis est conscientiae &c.  
**g** Animus est coelestis ex altissimo domicilio depressus: &  
 quasi demersus in terram locum diuinæ naturæ, æterni-  
 tatiq; contrarium. Cic. de senect. Ex cur tardior sit ad vir-  
 tutē. Arist. in I. politic. ibi. Non perinde animi pulchritudi-  
 nē, ut corporis cernere. Quotuplici autem sensu accipiatur  
 nomen animi uide Macro. in somn. Scip. lib. I. cap. XIV.  
**h** Coelum est Dei domicilium supernum, quod ponitur  
 quoq; pro aere: & ut Aelius scripsit dicitur celatū, id est si-  
 deribus sculptū; & ab omni parte terræ, aequaliter distat,  
 ut Macro. lib. I. de somn. Et vniuersi mundani corporis  
 sphaeræ nouem sunt: prima illa stellifera, quæ proprio  
 nomine dicitur coelum arcens, & continens ceteras. Haec  
 ab oriente semper uoluitur in occidentem. Subiectæ sep-  
 tem, quas uagas dicimus ab occidente in orientem ferun-  
 tur, Nona terra sine motu. Octo sūt igitur quæ mouētur.  
 Macro. lib. II. de som.  
**i** Terent. in Andria scen. I.

## DE EPISTOLA PETITORIA.

**P**ETITORIA epistola est qua ab amico  
 aliquid petimus. In hac epistola est animad-  
 uertēdū quòd id, quod petimus, aut est amabile, ue-  
 luti si petamus cōsilium, et tunc aperte praesādū esse

- suadebimus: aut uerò est uerecūdū, ut si mutuū, aut  
reparium honestā petamus, et tūc circuitione in pe-  
titionem obrepemus. Si petitio nostra erit ama-  
bilis, tunc à quinque beneuolentiam sumemus, à  
persona ipsius, à quo petimus, à persona nostra,  
maiorum, aduersariorum, & à re ipsa. Ipsius  
personam à quo petimus, beneuolam reddemus,  
si ipsam in omnes, & praesertim in nos libera-  
lem, beneuolam, humanamq; fuisse, dicemus.*
- A nostra. A nostra persona beneuolentiam captabimus, si  
nos illius semper studiosos, beneuolosq; fuisse osten-  
demus. Ob maiorum utriusque personam ip-  
sum nobis ex animo propensum faciemus, si u-  
triusq; parentes ob mutua officij munera coniun-  
ctissimos nunquā non fuisse, commemorabimus.*
- Ab aduersa. Ab aduersariorum persona, si cum ijs nos con-  
tendere exponemus, qui etiā illi, à quo petimus  
molesti existant. A re ipsa beneuolentiam alli-  
ciemus, si honestam, dignam, laudabilem, iustam  
piam, necessariam, facilem, & utilem, ac possi-  
bilem esse declarabimus. Hac petitione usa fuit  
Iuno, dum supplex ab Aeolo petijt, ut Aenae  
classē deiceret, ut etiā animaduertit Serui-  
us libr. I. Aeneid. Secundo principaliter, si pe-  
titio sit uerecunda, tunc nostram necessitatem non  
parum amplificabimus, iniquum esse dicentes rem*

*tantam ab eo petere, de quo nihil unquam pro-  
meriti sumus: Caeterum illius humanitate freti,  
qui ignotis etiam, nedum cognitis opem ferre solet,  
illud petere ueriti minimè fuimus. In hac vere-  
cūda re petenda debet pudor adhiberi, ne id, quod  
petimus, efflagitare uideamur. Debemus quoq;  
pro viribus breuissimam efficere petitionem, ita* Petitio de-  
bet esse bre-  
uis.  
*ut aequivocationem potius, ut uocant, hoc est ver-  
bo plura, quàm uniuocationem, id est unum plu-  
ribus, imitemur. In huius deniq; epistolae calce,  
si licebit aliquid praemij pollicebimur, sin autem  
nos ipsius memores, beneuolos, studiosos, obseruan-  
tes, deninctosq; perpetuò fore spondebimus.*

## EXEMPLVM.

FABRITIVS SANCTORELLVS

Illustri admodum & Reuerendissimo Abel-  
linensium Antistiti. S. P. D.

**E**T S I ea sapientum virorum sanè laudan-  
da opinio fuit (Praesul amplissime) benefi-  
cis hominibus dignas gratias<sup>b</sup> persoluedas esse: ip-  
se tamen, qui ob tua singularia in me collata be-  
neficia plurimum debeo, hoc facere non uideor, ex  
quo quidem omnes mihi ingrati animi notam in-  
urere

urere possent; uerùm si paulò diligentius considera-  
bunt, cur à me hoc factum fuerit, non dubito, quin  
meam rationem facile probauerint. Nàm cùm  
tua opera, et in me, meosq; parentes singulari hu-  
manitate in hoc collegium sim ingressus, nullam  
penè (ut rectè nosti) in bonis litteris progressionem  
feceram. Quocirca hoc mihi summo impedinen-  
to erat, ut ego, qui neq; aetate, neq; ingenio uale-  
bam, aliquid ad te scriberem. Nunc uerò cùm  
paulò grandior sim, atq; in politioribus aliquid  
profecerim, tua praecipuè adiutus benignitate,  
eas gratias, quas antea agere debueram, nunc  
quàm maximas habeo. Verùm cùm tibi nostrum  
pergratum animum exposuerimus, ac gratias,  
quas potuimus persoluerimus, quid nunc restat?  
Cùm diù, multumq; mecum ipse cogitasssem quid  
aliud tibi per litteras significarem, illud in men-  
tem uenit, quod & parentes mei, praecipuè uerò  
Ioanes Angelus Sanctorellus, qui ab incunte ado-  
lescentia te obseruauit, semperq; dilexit, summo-  
perè petierunt, ut quoniàm eo officio fungeris, quo  
ecclesiarum sacerdotia distribuis, aliquod eorum  
pro tua summa erga me, meosq; beneuolentia con-  
cederes: Et quamquàm meam hanc audaciam,  
qua tecum uti soleo meritò accusare potes, tuà ta-  
men penè diuina uirtus, meaq; necessitas, ac pa-  
rentum

rentum assidue cohortationes faciunt, ut tam liberè, atq; apertè loquar. Hoc autèm ut facias te etiàm atq; etiàm rogo; illud uerò (quod ad me attinet) à Deo opt. max. assidue precibus contendam, ut te in hoc uitae curriculo incolumem seruet, et patronum optimum mihi quàm diutissimè tueatur. Vale.

Plura huius epistolae exempla inuenies apud Cicer. in epist. fam. in libr. II. epist. Officium meum. In III. epist. Ad XVI calendas lunias. In V. epist. Litterae Q. Fratris. In eod. epist. Coram me tecum. Eod. epist. Si vales bene est, ego ualeo. Si tuam consuetudinem. In VI. epist. Si mihi tecum. In IX. epist. Non tu homo ridiculus es. In X. epist. Ita erant omnia. In XIII. epist. C. Curtius Mithres. In responsione illud est perspicuum, quòd aut petitionem concedimus, aut negamus. Primo loco, aut erit facilis, aut contrà. Si facilis erit, tunc oblatam nobis esse facultatem ei gratificandi uehementer laetatos fuisse dicemus, et nostrum animum maiorem in alijs rebus fore, cupere demonstrabimus. Rogabimusq; ut opera nostra frequentius, maioribusq; in rebus uti velit. Sin autèm petitionem difficilem concesserimus, tunc difficultatem omnem prae oculis ponemus, exposita tamen prius amici petitione, dicemusq;

Huic epist. quomodo respondebimus.

Si petitio sit facilis.

Si difficilis



Si eam inficiabimus.

musq; nos uel ob ipsius virtutem, uel amicitiam uel nobilitatem, uel necessitatem quasq; difficultates superare, ac cuiuslibet fortunae discrimini obijcere uoluisse, Secundo loco, si petitionem amico inficiabimur, tunc facta prius petitionis expositione, eam uel ob naturae, uel ob nostrae imbecillitatis, uel ob loci, temporis, uel aliarum similium rerum culpam consequi, & concedere haud potuisse optimis rationibus demonstrabimus. Rem quoq; si poterimus, ei uel inutilem, uel incommodam, uel eius persona indignam ostendemus. Postremò rogabimus, ut acquiore ferat animo ea, quae nullatenus fieri possunt: atq; ea nos excusatione utemur, ut per nos non stetisse, quominus efficeretur, clarè cognoscat, nostramq; sibi gratificandi voluntatem, beneuolentiam, fidem, diligentiamq; in posterum omnibus in rebus cupidissimè pollicebimur, ne quid ex hac negatione amicitiae detrahatur. Exemplum huius petitionis inuenies apud Cic. in epist. fam. in lib. V. epist. Si uales, bene est, ego quidem ualeo. De Dionisio tuo. In VII. epist. I. Eod. epist. Mandatum tuum. Eodem epist. Vide quanti apud me sis. In VIII. epist. I.

- a Facile dicitur, quod sine magno, aut sine ullo labore sumptu, molestiaq; quàm breuissimo tempore confici potest. Cicero in II. de inuent.

b Aufonius ait.

*Gratia, quae tarda est, ingrata est, gratia nāq;  
Si fieri propter gratia, grata magis.*

DE EPISTOLA CONCILIATORIA

**C**ONCILIATORIA epistola est, qua illum nobis conciliamus, quicum antehac nulla intercessit amicitia. Amicitiae species sunt sodalitas, propinquitas, cognatio, & quaecunq; eiusmodi. Ad amicitiam autem conciliandam valent gratia, et si haud quaquā rogatus fecerit, & postquam fecit, non indicarit. sic enim sui causa videtur, & non alterius. De inimicitia uero, & odio; perspicuum est, ex contrarijs esse scrutandum: nam ad inimicitiam concitandam valent ira, incommodatio etc. ut Aristot. in lib. II. rhetor. in cap. de amore, & odio. Quocirca in ipsa pertractanda tria adhibebimus. Primum enim ab eius persona, cum qua familiaritate coniungi optamus, deinde à nostra benevolentiam eliciemus, postremo adulationis suspicionem amovebimus. Ipsius personam in nos benevolam faciemus, si eius humanitatem, benignitatemq; in omnes ostendemus, qua confisi uehementer fuerimus in eius amicitiam posse adiungi. Nostram personam illi benevolam

A persona eius quem conciliamus.

A nostra,

N redde

Adulatio-  
nis scrupu-  
lum auferē  
dum.

reddemus, si nos illius eximijs uirtutibus ex cōmu-  
ni omniū uoce sublatis ad amandū inflāmatos fu-  
isse, proferemus. *Adulationis* scrupulum auferere  
mus, si ipsum, ut incredibili nostro amori, cui obtepe-  
rare non possumus, ignoscat orabimus: haud etiā  
in scj, quā uir omni laude superior, suarum  
uirtutum praedicatione offendatur. Obsecra-  
mus deniq, ut nos (licet nouos amicos) in suorum  
necessariorum numerum asciscat: spondentes ma-  
ximē nostram in illum fidem, studium, opes, &  
quidquid opera nostra praestare poterit.

## EXEMPLVM.

AL. ANT. SANCTOR. ILLVSTRI

Fabio Iordano Neap. I. V. D. praestantiss.

S. P. D.

**I**GNORO uir doctissime quonam pacto non  
nulli uirtute, ingenio, et doctrina excellentes  
quosdam usq; adeo in amorem sui, & admiratio-  
nem rapiant, ut non sinant eos quiescere donec se  
se (quātalibet locorum inter capedine separati sint)  
illis aliquo pacto adiungant. Audiui mansuetudi-  
nem tuam, modestiam, comitatem, candorem, re-  
liquas animi tui pulcherrimas dotes, et ingenij or-  
namen

namēta, et mehercule non possum facere, quin vltro me ingeram. Orote igitur, ut me quoq; (licet non adeò fortè idoneum amatorem) in amicorum tuorum numero asciscere digneris, ut istic habeam te vel unum, qui cum familiariter subinde, & iucundè colloquar. Non ausim tibi promittere in me plurimā eruditionem, virtutum cumulum, ingenijq; amplas dotes, quas nec ipse profectò in me deprehendo, verum sincerum amorem, fidem integram, nituamq; beneuolentiā fidentius, offero. Habebis me siquidem tui semper amantissimum, cui utò omnia committas. Vale vir ornatisime, & te amantem redama.

a Nulla in amicitijs pestis est maior, quàm assentatio, blanditiæ, adulatio, Cic. in Laelio.

## DE EPISTOLA AMATORIA.

**A**MATORIA epistola est, qua quempiam amare demonstramus: Amare autem est, amico ea velle, quae bona arbitratur, illius causa, non autem sui, eaq; pro uiribus efficere. Amicus est, qui amat, & redamatur: & existimantur amici esse, qui his censentur modis inter se affecti. Qui simul laetatur commodis, & condolet incommodis, non ob rem aliquam aliam.

sed propter illum; gaudent enim omnes, ubi eueniunt ea, quae uolunt dolent uerò contrarijs, quare uoluntatis signum sunt dolores, & uoluptates. Et quibus eadem bona, & mala sunt. Et qui sunt ijsdem amici, & qui sunt ijsdem inimici eadem enim, ut hi uelint, necesse est. Alios pulcherrimos modos uide apud Arist. in lib. II Rhet in cap. de amore, & odio. Duplex autem haec epistola esse proponitur, honesta, & turpis. De honesta plenissime in conciliatoria praecepisse putamus: Nam cum nobis aliquem conciliare studemus, simul & illum amare uidemur. Haec tamen conciliatio, & amor non debet esse cum aliquo, cuius potentiam perhorremus: nam amor non potest cum timore misceri: cum eo tamen, quem colimus. In turpi uerò tria in medium afferemus. Primum ab eius persona beneuolentiā sumemus, ad quam scribimus, deinde à nostra, postremo à re ipsa. Eius personam nobis beneuolam reddemus, si eam à forma, in qua aliquod bonum constituit, quae uel maiorem in amore habet efficaciam, aetate, moribus, genere cultu, opibus, laudabimus. Personam nostram beneuolam faciemus, si sine arrogantia conditionem nostrā, summumq; amorem magna cum desperatione coniunctum, animi quodam affectu, blanditijs, querellis, supplicationibus, miseria

refer-

Amatoria  
duplex:

In amato-  
ria turpi  
quid agen-  
dum.

A persona  
eius ad quē  
scribimus.

A persona  
nostra.

refertis, & lacrymis, quas etiã supra epistolâ effusas emisimus, aperiemus. A re ipsa benevolentiam captabimus, si amorem laudando non humanum, nec vulgare esse dicemus. Hic aliarum etiã illustrium puellarum, quae in amore positae, felicem fuerunt vitam affecutae; & contrâ quarundam amoris succumbere nolentium, quae crudeliter vitam transegerunt, afferemus exempla. Postremò nostrum amorem honestissimum ostendentes, ut poterimus verecundissimè obsecrabimus, ut si amantem redamare non dignetur, saltem amari se citra incommodum, aequo ferat animo: Quod nisi exoremus, decretum est apud nos quouis modo crudelem abrumpere vitam. Est alia etiã amatoria epistola, quae quàmvis inhonesta videatur, re tamen ipsa à nequitia prorsus abest: Ut si honestae puellae scribamus, quam uxorem ducere optamus. Nam quàmvis blanditias, lacrymas, querellas, suspiria, somnia, ceteraq; adhibeamus, non tamen turpia quidem illa, sed ineptiora, & ad aliquam nequitiae speciem accedentia. In his igitur plus erit difficultatis, & uberior exercendi ingenij materia, quoties pauper diuiti, obscurus claro genere natae, deformis formosae, senex puellae nuptias ambit.

Quocirca hic ingenij rationes laudabiles excogitabimus

A re ipsa.

Alia amatoriae species.



*tabimus, quibus nos absq; arrogātia laudabimus. Nisi tales erimus, ut hoc affectandum sit necesse: Ut est apud Virgilium Corydon, & apud Terentium Thrafo. Huius epistolae exempla uide apud Hieronymum Paraboscum, Carum, Bembum, Campesatum, Guidiccionem, & Sansouinum.*

- a Macrob. in lib. I. Saturnal. in cap. XI. & Arist. in loco praecalleg.
- b Blanditia et si vitiosa est, & turpis in cetera vita, tamen in petitione necessaria. Q. Cic. de Petit. Consul.
- c Somnia fieri ex reliquijs inhaerentibus earum rerū, quas vigilans gesseris, aut cogitaris, ait Cic. in II. de Diuinat.

## DE EPISTOLA MONITORIA.

**M**ONITORIA epistola est, qua amicum, uel quempiam nobis familiaritate coniunctum monemus, ut aliquid agat, uel vitium aliquod uitet. In hac epistola dicemus nos ob praecipuum erga illum amorem pati haud potuisse, quod tot eius egregiae virtutes unius uitij naeuo obscurerentur, alijs uerò non idem facturos. Rogabimus, ut pari erga nos liberalitate utatur, nisi forte minus amet. Id enim proprium est amicitiae, ut libera sit admonitio, ac mutua. Deinde ipsum vitium, uel ab aetate, uel ab imprudentia extenuabimus

bimus. quod mutare facile sibi erit, cū ex animi liberalitate, uel alia uirtute proficisci dicemus. Quod si alicui scribimus; cuius potentiam perhorremus, cuiusq; aures reprehensionem non sint admissuræ, tunc eum falsò laudantes reprehendemus, ueluti si eas in ipso virtutes prædicemus, à quibus prorsus est alienus, uel si aliorum execranda vitia numeremus, à quibus illum longè distare dicemus, tacite eum admonendo, quid mutare, quidue sequi debeat. Vbi uerò sine reprehensione, quid agendum sit, ostendemus, auctoritatem quandam nobis constituemus, sine eius, quem monemus, iniuria. Idq; uel ab ætate, qua illum longè præcedimus: uel à multarum rerum usu, qui in eo tantus per ætatem nondum esse potuit: uel à diuturno studio, in quo nos simus plurimis annis uersati, illo nunc ingrediente, pollicebimur nos amantissimè, & fidelissimè consulturos. . Demum grauitate quadam sermonis, quid quomodo fieri conueniet non sine probatissimorū uirorum crebris exemplis, ostendemus. Veluti si admonēbimus amicum nimis morosum ut magis sese ad mores omnium accommodet. Sit magis comis in uxorem, mitior in liberos, clementior erga famulos, obsequentior erga amicos. Siem si sit liberioris linguae, ut circumspēctius loquatur: si sit deditus aleæ, ut reuocetur  
ad

*ad alios lusus: si ferocior ad modestiam: si incogitans, fiat vigilans: Et alia huiusmodi.*

## EXEMPLVM.

PAVLVS PETRILLVS. I. V. D. AL.

Ant. Sanct. Iurecon. Neap. ex Sorore filio  
iucundissimo S. P. D.

**Q**VONIAM Roma reuersus Neapoli inter tuos viuere decreuisti, eritq; tibi & pro tua eruditione, et nataliū splendore, et uitae dignitate in omniū oculis summa cum expectatione viuendum, oras ut senex iuueni optimam quandam viuendi formā commōstrem, quō possis, et malorum reprehensionem effugere, et optimi cuiusq; iudicio probari, deniq; et animi trāquillitati, et corporis valetudini consulere: incredibile dictū est, quantū iām nunc ista animi tui maturitate delecter, qui iuuenis adhuc, ea, quae senes pleriq; negligimus, mediteris. Optima (inquit in officijs Cic.) est vitae eligenda ratio, quam iucundam reddet consuetudo. Quare quamquā singularis tua & eruditio, et praematura quaedam animi magnitudo, monitore non egeat, tamen quantum aetate, qua sola te vincimus: quantū longo rerum usu, qui pruden-

prudentes efficere solet: quantum multorum annorum studio consequi potuimus, institutum quàm optimum prae scribemus. Quod ~~est~~ veterum pleròq; tenuisse video; me quoq; quantum potui, secutum esse gaudeo: ne te quidem secutum fuisse poenitebit olim. Principio, quod semper fecisti, cum animũ obtine. qui nihil acerbum, nihil durum existimet, quod sit honestum. Qui nullo, uel metu, deterritus, uel spe captus, ab officio deflectatur. Quàm optimos tibi adiungito. Malos ne laceſſito. Tua ne iactes: aliena ne carpas. Fac cum omnibus sis antefereendus, ipse te nemini praeferas. Amicum (ut ait Salomon) ita ames, tanquàm aliquandò osurus: inimicum ita oderis, tanquàm olim amaturus. Cũ bonis officijs certa: nemini aduerseris: omnibus te affabilem praebeas: domi hilaris, foris compositus. Nemini tua arcana committas, memor quàm fallax sit multorum amicitia. Beneficium confer libenter, inuitus accipe. Morositatem imprimis fuge. Officiorum diutissimè meminisse oportet, iniuriarum faciliè obliuisci. Gloriam si contemnes, ultrò te sequetur: sin sequeris, fugiet sequentem. Cum praepotentibus, aut nulla sit consuetudo, aut comis. Nullus sumptus tibi sit pretiosior tempore: diem in operas partire. Ieiunus stude, aut scribe: pransus hilariora quaedam

agito, cessa nunquam. His rationibus si diligenter uteris, et animi tranquillitati consules, et carus quā plurimis, nemini esse poteris odiosus. Corpus uero moderatis agitationibus exerce, ne ignavia torpescat, neue immodicis laboribus frāgatur. Cibis sit temperatus, ac tempestiuus: prande liberalius: coena parcus: potus non quantum libidini, sed quantum naturae satis est, sume. Vale. Responderi posset monenti hoc modo. Raras tuas quidem (fortasse enim non perferuntur) sed suaves accipio litteras, uel quas proximè acceperam, quā prudentes, quā multi & officij, & consilij. Etsi omnia sic constitueram mihi agenda, ut tu admonebas, tamen confirmantur nostra consilia, cum sentimus prudentibus, feliciterq; suadentibus idē uideri. Cic. in lib. epist. I. epist. Quod epistolam, respondet hoc modo. Quod autem me mones, ualde gratum est: idq; ut semper facias, rogo. Videris enim mihi uereri, ne si istum habuerimus, rideamus. In lib. X. epist. Gratiſſimae mihi. In eodem, epist. Plura tibi. Monitoriae deniq; epistolae alia exempla uide apud eundē Cic. in lib. IV. epist. Accepi per breues. In VI. epistol. Dederā triduo. in IX. epist. Rufum istum. In eod. epi. Cum ipsum Furnium. In XI. epist. In maximo meo dolore. In XIV. epi. Considerandū uobis.

Monenti  
quomodo  
responden-  
dum.

## DE EPISTOLA NARRATORIA.

**N**ARRATORIA epistola est, qua rem apud nos, vel alios gestam exponimus. Huic accidunt sex personae faciens. Res gesta, Tempus circa quod, Locus, in quo transacta, Modus quo pacto, Causa propter quam, quae hoc versiculo continentur.

Narrationi  
quot acci-  
dunt.

Quis, Quid, ubi, Quibus auxilijs, Cur, Quomodo, Quando.

Narratio (ut Fabius in IV.) est re factae, aut ut factae utilis ad persuadendum expositio. Haec (ut Cic. in I. ad Her.) debet esse brevis, dilucida, & verisimilis. Breuiter aliquid alicui narrabimus, si inde narrare ceperimus unde, rem cognoscere poterimus, neq; ab ultimo initio repetemus. Ut si quis Romanam nobilitatem laudare volens, ab aduentu Aenae in Italiam incipiat: quod licet in historia tolerari possit, cum in ea causas rerum, initiaq; explicare sit necesse: in epistola tamen non conuenit. Breuiter etiam narrabimus, si generatim, & summatim, non particulariter explicabimus. Quale est illud: Cicero vesperi domum applicuit, ex equo descendit, domum ingressus est, pallium deposuit, suos salutauit. Quae omnia satis intelligentur, si domum tantum

Narratio  
quid sit, &  
qualis esse  
debeat.

Breuis.



venisse Ciceronem dixerimus : nisi quid ex particularibus illis ad rem nostram , caussamq; conueniat : ut si velimus inferre , insidias Ciceroni a domesticis in illa salutatione fuisse paratas . Breues item erimus si transitionibus , et digressionibus non utemur : ut sunt aliquandò in Metamorphosis Ouidij , qui fabulam fabulae interponit . Sed quod in eo poemate uirtus est , in epistola , aut historia vitium est . Rem etià bis , aut saepius non repetemus . sic : Athenis <sup>a</sup> Megaram uespere aduenit Simo : ubi aduenit Megaram , <sup>b</sup> insidias fecit virgini : insidias postquam fecit , vim in loco attulit . Ita etià breues esse poterimus , si ita dicetur , ut nonnunquàm ex eo quod dictum sit , id , quod non sit dictum , intelligatur : ut si dicas . Inde cum reuersus essem è prouintia : cum enim dicis reuersus , ostendisti te profectum in prouinciam , & peruenisse , postremò reuersum . Etenim ubi narratio ad finem aliquem laudis , deliberationis , iudicijue dirigitur , non ea modò , quae obsunt , sed ea etià , quae nihil prosunt , praetereunda sunt . Sanè Graeci eam narrationem *τιμωτος* , id est concisam , cum necessaria deessent , appellarunt : illam autem *βραχυ* , id est breuem , ubi nec minus , nec plus dicatur , quàm oporteat . Hinc Horat. ad Pisones.

Quid

Quicquid praecipies, esto brevis: ut citò dicta  
 Percipiant animi dociles, teneantq; fideles.

Oportet igitur, ut brevis, non tamen concisa sit, alioquin illud eiusdem accideret, Brevis esse laboro obscurus fio. Tàta enim uti breuitate nō debemus, ut quae cognoscenda essent cognosci nequirèt: nam (ut Arist. in lib. rhet. III. in cap. de narratione) oportet narrationem non longam adhibere, perinde atq; neq; prooemium. neq; fides longas afferre: narrationi quaecumq; ad tuam virtutem pertineant attexere: quia in hac parte virtus sita non est in breuitate, aut concisione, sed in modo: hoc autem est, ea dicere, quae rem declarent, aut quae adducant ad opinandum fecisse; aut iniuste fecisse, aut ea quantavis, tanta esse, aduersario verò contraria. Dilucidè narrabimus, si id, quod primum gestum erit, ita exponemus, ac rerum, temporum, personarumue ordinem seruabimus: si nihil, quod extra rem sit interponemus: si nihil obscure, nihil contortè, nihil concisè, aut contractè proferemus: si proprijs, atq; vsitatis tum verbis, tum sententijs rem exponemus: si ambitu, (sive ut Cicerò appellat) comprehensione verborum longiore, quàm necesse est, non utemur: si circuitiones, & quasi ambages omitemus: si non deerrabimus ab eo, quod ceperimus: deniq; si ea; quae paullo ante tradita -

Dilucida.

*tradita sunt breuitatis praecepta obseruabimus.*

Verisimilis

*Verisimilis erit nostra narratio, si omnia locis, rebus, personis, temporibus congrua proferemus: si res gesta est, aut geri potuit, ita narrabimus: si nihil difficile, nihil incredibile, nihil fabulosum, aut à facultate hominum, memoriae remotum, & monstro ferè simile proferemus: si rei, quam narrabimus, argumenta, signa, testimonia, quatenus egere videbitur, ostendemus: si eam probabilem nostram, aut illustrium virorum fide, assueuratione, aut auctoritate faciemus. Qualis est illa Ciceronis narratio in Oratione pro Pompeio ad Quirites. Sed si delectationis causa narratio sit suscepta, & omnia, quae id facere possunt, exequenda sunt, & lectoris animus nunc rerum uarietate, nunc iucundis digressionibus detinendus est: Omnia uerò lepidius, urbaniusq; narranda.*

Narratio  
quomodo  
concludenda.

*Deniq; claudenda est epistola, uel aliqua iucunda, acutaq; sententia: uel similium nunc rerum pollicitatione, nunc expectatione: cum finienda non sit epistola cum ipsa narratione, quia inanis, & frustra suscepta narratio videretur. Huius epistolae narratoriae exempla offendes quamplurima apud Cic. in epist. fam. in lib. II episto. Tu uide. In eod. epist. Cum ad me Decius. In VII. epist. Illuferas. In eod. epist. Ego uerò iam. In X. epist.*

*Si uales*

*Si vales bene est. In XI. epist. Dubitanti mihi.  
In XII. epist. I. In eod. epist. Scelus affinis. cum  
duabus seq. In eod. epist. Nos hic cum homine. In  
XVI. epist. I.*

*Exemplum narrationis brevis, dilucidae, et veri-  
similis: ex oratione Cic. pro Pompeio.*

*Atq; ut inde mea profiscatur oratio, unde haec  
omnis causa ducitur, bellum graue, & pericu-  
losum uestris uectigalibus, atq; socijs, à duobus po-  
tentissimis Regibus infertur, Mithridate, & Ti-  
grane, quorum alter relictus, alter lace situs oc-  
casionem sibi ad occupandam Asiam oblatam esse,  
arbitratur. Equitibus Rom. honestissimis viris  
afferuntur ex Asia quotidie litterae, quorum ma-  
gnae res aguntur in uestris uectigalibus exercendis  
occupatae: qui ad me pro necessitudine, quae mi-  
hi est cum illo ordine, causam Reipub. pericula-  
q; rerum suarum detulerunt: Bithyniae, quae nunc  
uestra prouincia est, vicos exustos esse complures,  
Regnum Ariobarzani, quod finitimum est ue-  
stris uectigalibus, totum esse in hostium potestate:  
Lucillum magnis rebus gestis ab eo bello discede-  
re: huic qui succurrerit, non satis esse paratum ad  
tantum bellum administrandum: Unum ab om-  
nibus socijs, & ciuibus ad id bellum Imperatorem  
deposci, atq; expeti: eundem hunc unum ab hosti-  
bus*

*bus metui; praeterea neminem.*

*Aliud exemplum narratoriae civilis vide apud eundem Cic. in oratione pro Milone. ibi. P. Clodius cum statuisset omni scelere in Praetura vexare Rempub., etc. Narrationem historicam uide apud Orosium lib. II. cap. VIII. ibi. Cyrus Persarum Rex Scythis bellum intulit. etc. Poeticæ uerò narrationis exemplum uide copiosius apud Ouid. Metamorphos. lib. IV. Ubi admonet ea fabula, nimis infelicem exitum habituros, qui parentibus immorigeri foedis amoribus se se contaminarint. ibi.*

*Piramus, et Thybe iuuenum pulcherrimus alter Altera, etc. cum CXI. uersibus subsequentibus. Possent aliae epistolarum species cum hoc genere deliberatiuo connecti, uerum cum ad praecedentia reduci possint, breuitati, ordiniq; praefato studentes ad genus iudiciale, eiusq; species transeamus.*

- a Athenienses hominum primos fuisse scribit Isocrates in Panegyrico, cum alijs relatis per Tiraquel. in tract. nobil. in cap. XIX. . Et de illorum nobili origine uide apud Iustinum lib. II. hist. Athenasq; omnium doctrinarum inuentrices, in quibus summam dicendi uim, & inuentam esse, & perfectam inquit Cic. in I. de Oratore.
- b Megara urbs Aethiae fuit Euclidis Geometrae patria, de qua meminit Plin. lib. IV. cap. VII. & Seru. Sulpiti. ad Cic. lib. IV. epist.
- c Quirites à Quirino, & Romani à Romulo appellantur. S.

*sed*

sedius, in institut. de iure nat. gent. & ci.

## DE GENERE IVDICIALI.

**G**ENVS iudiciale *δικαστικόν* græcè dictum, est, quod habet in se accusationem, uel defensionem. De hoc genere uerba non faciemus, cum de singulis huius locis à Rhetoribus fuerit optimè præceptum: Cumq; non alio artificiosè pistola scribatur, quàm oratio. Tamen quoniam in epistola breuitas esse debet, & singulos locos persequi non licet, ea, quæ potissimum ad rem spectant, excerpemus, multaq; in suspitione relinquemus. Tantùm has species, quas utiliores fore putauimus, subiiciemus. Nempè criminatorem, exposulatoriam, exprobratorem, et conquestoriam, de quibus ordine dicemus.

## DE EPISTOLA CRIMINATORIA.

**C**RIMINATORIA epistola est, qua aliquem de aliquo crimine accusamus. In hac epistola aliquadò ex abrupto initiū sumemus, ut rem atrociorē demonstrēmus, ut si ab exclamatione, uel conquestione incipiamus. Deinde uerisimiliter narrabimus, amplificadō rem ipsam

P à loco



Criminato  
riaequo mo  
do respon  
dendum.

à loco, tempore, persona, modo, frequentia, uel  
ab alijs similibus: de quibus plenissime à Cicer. in  
suis partitionibus fuit praeceptum. Posthaec proba  
bilibus argumentis rem docebimus, & peroratio  
nem, uel aliquid ipsius loco subiiciemus. Huic e  
pistolae quonam pacto respondendum sit, elegantis  
sime docet idem in libr. VII. epist. famil. epist. ad  
Gallum. *Miror cur me accuses.*

## DE EPIST. EXPOSTVLATORIA.

**E**XPOSTVLATORIA epistola est,  
qua ad amicum scribentes, de eò conqueri  
mur, quoties eorum officium requirimus. In hac  
epistola est aduertendum, ne adeò amicum auda  
citer expostulemus, ut nostra alienetur amicitia.  
Quocirca in ea uelioco, uel dissimulatione utemur,  
nisi sit adeò intimus noster, ut quauis nostra in eum  
expostulatione neutiquam irascatur. Porro remip  
sari damnabimus, sed uoluntatem quantum lice  
bit excusabimus. Mirari nos deniq; dicemus quid  
incaussa fuerit. quiduis suspicari malle, quam illu  
ab officio cessasse. Veluti si dicamus hoc modo.  
*Hem isti mandes, siquid rectè curatum uelis.*  
*Tene ita dormitasse in rebus amici tam serijs?*  
*Sed ego tibi non succenseo, mihi succenseo, qui tibi*  
*mea*

mea curanda mandauerim, non ignarus quā in  
 tuis ipsius negotijs soleas esse indiligens. Complura  
 huic epistolae peruestigabis exempla apud Cicer. in  
 epist. fam. lib. III. epist. Cum meum factum. In V.  
 epist. I. In XI. epist. Litteras tuas legimus. In lib.  
 V. ad Atticum, epist. Praeposteros habes tabel-  
 larios. Huius epistolae purgatione, atq; excusa-  
 tione respondebimus, ostendentes nos illius exposu-  
 lationem non modò non esse offensos, uerùm mirificè  
 ablectatos fuisse. Deinde suspicionem obiectam gra-  
 uiter abominabimur. Postremò efficacissimas ra-  
 tiones, quibus exposlulationem purgemus, affere-  
 mus: quamquā huic generi mirè uario, uix ulla  
 ratio praescribi potest. Ex re igitur, ex tempore,  
 ex personis consilium sumendum est. Exemplaper  
 eundem Cic. in epist. familiar. demonstrantur lib.  
 II. epist. I. In III. epist. Etsi quantum ex litteris.  
 In V. epist. Si tu, exercitusq; ualeatis. In VII. epi.  
 Miror cur me accuses. In X. epist. Si vos, liberiq;  
 vestri ualeatis. In XI. epist. Nondum satis consti-  
 tuti. In eod. epist. Magnam voluptatem. In XII.  
 epist. Quod extremum fuit.

Exposu-  
lationi quo-  
modo res-  
pondendū.

## DE EPIST. EXPROBRATORIA

**E**XPROBRATORIA epistola est, qua aliquid alicui uitio, culpaeq; damus In hac epistola exaggeratione utemur, cum inimicis, et in gratis exprobramus. Caeterum cum omnis exprobratio ab humanitate recedere uideatur, nos tamen ob ipsius ingratitudinem coactè id facere dicemus: uel ob nulli tolerandam illius ingratitudinē: uel ob insignem hominis stoliditatē, uel quòd nos maledictis quotidianis ad id compulerit: uel quòd cum impudentissimis hominibus impudentius sit agendum, & malo nodo, malus quaerendus cuneus, & id ab optimis uiris saepe facilitatum admo- nebimus. Et reliqua, quae ad hanc sententiam faciunt, proferemus, aut certè per dissimulationem ad exprobrationem ueniemus. Conscientiam ipsius deinde testabimur, rem ipsam artificiosa narratione ante oculos ponemus: in qua perpetuo et nostram in illi beneuolentiā, et illius in nos ingratitudinē amplificabimus. Exemplū apud Cic. deprehēdemus in epist. familiar. lib. V. epi. Et si statuerā.

## DE EPISTOLA CONQUESTORIA

**C**ONQUESTORIA epistola est qua apud amicum aliqua de re conquerimur:

nam

nām inter commoditates, quas multas affert amicitia; commemoratur & illud, quod siquid dolet licet in amici sinum effundere: quae res solet bonā aegritudinis partem adimere. In hac epistola tria potissimum adhibebimus. Primum ab eius, ad quē scribimus persona benevolentiam captabimus, si eius animum in nos beneuolum semper cognouisse dicemus, & ob hoc siue mali, siue boni quid inciderit, cum eo id semper communicauerimus. Deinde ab aduersariorum persona benevolentiam sumemus, si ipsos quantum poterimus in odium deducemus: siqua uerò in illos nostra intercesserint beneficia, ea amplificatione quadam proferemus, ut ipsos de nobis benemeritos semper fuisse cognoscant. Postremò facta rei expositione ipsum in huiusmodi re iudicem constituemus.

A persona  
eius adque  
scribimus.

Ab aduer-  
sariorum.

A re ipsa.

## E X E M P L V M.

## ILLVSTRIBVS AC DOCTISSIMIS

Iure Consultis Iulio Caesari Protonobilissimo

Neap. atq; Horat. Ruslo Cosentino Com-  
patri, ac Vespasiano Azzolino.

S. P. D.

S V M M A uestra in me benevolentia doctis-  
simi viri, ut hac potissimum tempestate vobis

dem

dem litteras, impellit: cum ad captandam consolationem, tum etiam, ut mihi pro vestra in me coniunctione par pari referatis: Amici namque officium esse censetur, ut tam in secundis, quam in aduersis rebus aliquem sibi casum communem esse putet. Cum igitur diebus his superioribus fuerim à Sempronio temerè lacesitus iniuria, quem admodum res se se haberet ad vos conscribere in animo habui. Scitis profecto quid laboris, ut antehac ingratisimo eiusmodi homini gratificarer suscepim: Quàm accurate honorem quoque eius dignitatē, remque familiarem tutari studuerim, haud ignoratis. Modò tamen ipse omnis omnibus officiis his, tanquam rerum inimicior, bonique viri officium non sectatus, cumque in sacro Senatu cum quibusdam aduersariis meis quaedam esset controuersia, ut probitatem suam omnibus aperiret, non solum operam suam, quam omnibus, etiam ignotis praestare solebat, mihi denegauit, uerum etiam in me acriter est inuectus. Haec (uiri eximij) sum passus, tanquam laborum meorum praemia, quos pro ingrato viro suscepi. Nunc nil mihi longius est, quousque vestram consolationem praemanibus non habuerim. Ipsum quoque Sempronium certiore faciat, ut si mihi operam suam praestare nolit, molestiae saltem esse desinat. Valete.

Similia

Similia exempla deprehendes apud Ciceronem in  
epistolis familiaribus in libro IV. epist. Vehementer  
te esse sollicitum. In V. epist. Omnis amor tuus.  
In VIII. epist. pudet me tibi confiteri. In eod. epi.  
Ergo me potius. In X. epist. Balbus quaestor. In  
XIV. epist. Accepi ab Aristocrito.



**A**CILIVS ut addisca-  
mus epistolas componere, nō  
absurdū visum fuit aliquas  
etiam orationis partes inse-  
rere: quibus in deliberandis  
potissimum genere, nobis vi-  
llet. Nā ubi latine loqui-  
exposita sūq; epistolarum species transferre didiceri-  
mus, inventionem prius habeamus, quam rerum  
excogitationem appellabimus, deinde dispositionem  
inquiramus, & ipsam (si necesse fuerit, ipsamq;  
dederit argumentum) in sex partes distribuamus.  
in Exordium, quod est principium orationis, per  
quod animus auditoris praeparatur ad audien-  
dum, & in hoc eius virtutes, ad quem scribimus,  
vel eius in nos merita, vel pietatem, necessitudinem  
referendo epistolam exordimur. Narratione, quae  
est rerum gestarum, aut perinde ut gestarum ex-  
positio: Hanc quoad fieri poterit breui perstringe-

Dispositio  
in quot par-  
tes diuidi-  
tur.  
Exordium.

Narratio.



- Diuisio.** *mus oratione. Diuisionem, quae est declaratio aequi, & iniqui, ac quibus de rebus dicemus expositio. hac quid conueniat, quidue non liceat ostendimus.*
- Confirmatio.** *Confirmacionem, quae est nostrorum argumentorum expositio cum asseueratione: Hac utimur, quoties argumenti expositio cum affirmatione liquet.*
- Cōfutatio.** *Confutationem, quae est contrariorum locorum dissolutio: Hac res contrarias obiectione dissoluimus.*
- Conclusio.** *Conclusionem, quae artificiosus est terminus orationis. Hac deniq; cum uel operam nostram pollicemur, uel narrata artificiosa oratione concludimus, utemur.*

## DE ELOCUTIONE.

**E**LOCUTIO est idoneorum verborum, & sententiarum ad inuentionem accommodatio. Haec debet esse perspicua, nam oratio, si non declarat, officio suo non fungitur: non tamen humilis, neq; elata, & supra dignitatem sit, sed decorata: poetica enim fortasse humilis non est, uerum orationem non decet, ut ait Arist. lib. III. rheto. Elocutioni studemus, cum eius membra, quae tria esse dicit Cic. in IV. ad Herenn. Elegantiā, Compositionem, Dignitatem omni studio sequimur: Et quia elegantiam, orationisq; dignitatem ipsa parit

com-

compositio, quae apta, variaq; uerborum structura perpolitam reddit orationem: propterea compositionem ipsam in tres partes iuncturam, numerum, et ordinem distribuemus: de quibus ordine dicemus.

Cópositio  
in quot par  
tes diuida  
tur.

## DE IUNCTURA.

**I**UNCTURA est concinna litterarum collocatio, ac syllabarum in contextu uerborum ab omni aurium offensione remota. Haec est duplex, aspera, quae in uocalium concursu saepe hi-  
antem reddit orationem, ut ille aere emit Eunuchus:  
et lenis, quae benè sonantium uocalium concursu dulciorem reddit orationem: ut virtutis enim laus  
omnis in actione consistit. In hac iunctura multa  
sunt vitia fugienda. Ne uocalium fiat concursus,  
et praesertim in a, e, et o, simul concurrentibus,  
ut Ego omni officio, ac potius pietate ergate. Vel  
quando sunt consonantes asperiores, ut sunt s, f: ut  
Remus dux sexcentorum Senonum. Item s, r, ut  
Sestus Roscius, et r, ut error Romuli. Item t,  
et s, ut amant sicut sincerus debet socius. Item m,  
et n, ut numerum cum nauibus aequat. Ne  
eiusdem litterae, syllabaeq; nimia assiduitate u-  
tamur, ut

Iunctura du  
plex.

Multa in  
Iunctura cui  
tanda.

O. Tite, Tute, Tati, tibi tanta tyranne tulisti.

Q Ne

Ne ultimae syllabae prioris dictionis, principium sequentis existant, ut caeca calligo, dorica castra, reliqui quinis, ille legit, amor Romae, ò fortunatam natam me. Ne plures dictiones finiant cum duabusmet syllabis, uel tribus saltē eiusdē ultimis syllabis, ut illorum bellatorum, atq; Imperatorū pugnatorum labor admodum commendatur. Ne pluribus participijs idem significantibus, uel in idē desinentibus utamur, ut flentes, plorantes, lacrymantes, obtestantes. Ne eadem dictione pluries utamur, ut non est rationis ratio hominē rationem non habere, ut est in exornatione traductionis, repetitionis, complexionis, nisi ornatus caussa repetatur. Ne integra dictio ineptē diuidatur, ut

— Haec ad te Luci misimus Aeli,  
pro Lucili emisimus: Inque vicem, pro inuicem.  
Nām in his simplicibus dictionibus reprehenditur Caecilius à Cicerone in lib. rhet. IV. Ne nimia deniq; verborum suspensione utamur: nām etsi in prooemijs interdum conceditur, non omnibus tamen competit: uelut ijs, quae in attenuato, uel mediocri genere uersantur. Erit itaq; suspensionis illa prolixitas in progressu orationis, & in ijs, quae dixi generibus, & in principijs orationis vitiosa: In exordio autē grauis figurae non reprehēditur illa suspensio, prout fecit Cicero in oratione pro eius  
reditu

reditu ad Quirites. Ibi. Quod precatus ab Ioue Opt. Max., ceterisq; Dijs immortalibus sum Quirites, eo tempore cum me, fortunaſq; meas pro ueſtra incolumitate, ocio, concordiaq; deuoui: ut ſi meas rationes inquam ueſtrae ſaluti antepoſuiſſem, ſempiternam poenam ſuſtinerem mea uoluntate ſuſceptam: ſin ea, quae geſſeram, conſeruandae ciuitatis cauſa geſſiſſem, & illam miſerrimam profectione ueſtrae ſalutis gratia ſuſcepſiſſem: ut quod odium ſcelerati homines, & audaces in Rempubl. in omnes bonos conceptum iamdiu continerent, id in me uno potius, quam in optimo quoq;, & uniuerſa ciuitate deſineret: hoc ſi animo in uos, liberosq; ueſtros fuiſſem, ut aliquando uos P. C., Italiamq; uniuerſam memoria mei, miſericordia, ac deſiderium teneret, eius deuotionis me eſſe conuiſtum iudicio Deorum immortalium, teſtimonio Senatus, conſenſu Italiae, confeſſione inimicorum, beneficio diuino, immortalisq; ueſtro, maxime laetor Quirites.

## DE NUMERO

**N**UMERVS eſt elocutionis pars, ordinis dignitatem, & concinnitatem iuncturae, & ſtructurae in ſe continens. Hic uitandum eſt

ne, *versum faciamus, dum dicere, seu scribere uolumus numerosa, & modulata: nam grauis erit oratio, & numerosa, si a longis syllabis exordietur, celerior uero si a breuibus. Construitur autem soluta oratio ex commatibus, colis, & periodis.*

*Ex uerbis fit comma, ex commatibus, colon, ex colis periodus. Comma est sensus nondum expleto numero conclusus, sed plerumq; pars membri, inter dum ex singulis uerbis constans, & fit hoc modo: Colon est sensus a toto corpore abruptus ex pluribus commatibus confectus, & fit hoc modo: Periodus est sensus termino conclusus, qui non longior solet esse, quam, ut uno spiritu preferatur, & pluribus colis compactus, & fit hoc modo.*

*Colon.*

*Periodus*

## DE ORDINE.

*Ordo duplex, R D O est concinna uerborum compositio aptis & accommodatis locis. Et est duplex naturalis, ut prius viros, quam foeminas, prius ortum, quam occasum aperiamus, ut si dicamus mater genuit, peperit, aluit filios, non autem contra, uidelicet aluit, peperit, genuit. nam uitiosum esset. & ab oratorum usu multum abhorret: cum alioqui apud poetas frequens huiusmodi locutio sit, ut illud Virgilij.*

Moria

Moriamur, et in media arma ruamus. Ille  
Oceanum interea surgens Aurora reliquit,  
In portis iubare exorto delecta iuuentus.

Artificialis, ut oratio crescat, & augeatur, ut  
magnificus, illustris; crudelis, immanis; fur, sa-  
cilegus. Caeterum antequam ad compositionis or-  
dinem deueniamus quaedam sunt obseruanda: In compo-  
sitione quae  
sunt seruā-  
da.  
Ut nomen scribentis, ad quem scribitur, praepo-  
natur sine impositione domini proprijs nominibus,  
sed dignitatis nomen, siue magistratus post nomen  
proprium addi potest: ut dicit. glos. in rub. prooem.  
instituit. in principio. Quod etiam in epistolae calce  
subscribatur nomen loci, ut Romae, Neapoli;  
mensis, ac dies, ut Kal. Aprilis, Maij. Item sub-  
scribatur tempus, ut MDIO. Quod sit stylus fami-  
liaris, facilis, & subiectae materiae conueniens,  
uerbis quotidianis contextus, non antiquissimis,  
relictisq; aut nouitatis durae, et illepidae; uerbū-  
q; inusitatum tamquam in freto scopulus fugiatur:  
nec audacius translatus, aut obsoleta uetustate,  
aut poetica licentia sumptum aut decrepitum in  
epistolis deprehendatur. Augustus  
Caesar. Increpabat enim Augustus  
M. Antonium, insaniaeq; ascribebat, quod ea  
scriberet, quae mirari potius, quam intelligere,  
quisquam posset. Et ad Agrippinam neptem idem  
sic scripsit. Est opus dare te operam, ne molestē  
scribas



scribas, & loquaris: Illud nimirum eloquentiae genus probauit, quod purum, quod clarum esset: putauitq; nihil perspicuitate orationis, aperta q; di-

Adrianus. ctione praeclarius. Adriano uerò uetuslum, obscurumq; dicendi genus placuit: adeò quòd Virgilio Ennium. Ciceroni Catonem, ac Sallustio Caecilium praeferebat. Cicero autem perfacile in lib.

Cicero. De claris oratoribus Sisennam illum irrisit, qui inusitatis uerbis libentissimè utebatur: nam cum in defensione Chrytilli aduersus C. Ruscium accusatorem dixisset quaedam sputatilica esse criminatum, circumuenior, inquit, Ruscus iudices, nisi subueniatis: Sisenna quid dicat, nescio, metuo insidias: Sputatilica, quid est hoc? Sputa quid sit scio, Tilica nescio. maximi inde risus. Quòd epistola sit perspicua: nulla est enim oratio, quae non intelligitur. Eò magis necessaria est perspicuitas, facilitasq; sermonis: quoties serium quippiam petitur ab homine semidocto, moroso, aut uehementer occupato: nisi fortè eruditus cum erudito litteris, locisq; uelitetur. quos nolit à quouis intelligi, quia tunc potest obscure scribere, cum obscuritas scribentis non sit, verum indocti non intelligentis, cui Ciceronis oratio tenebris obuoluta quoque uidebitur: qua quid candidius, quid apertius? Quòd epistola non sit illaborata: nam et sic eam scribere poterimus

extem-

ex tempore. & in illa ponere quidquid in buccam  
 venerit, ita tamen agemus, ut ad Atticum fecit  
 Cicero; & ex hoc non sunt improbandae, sed opti-  
 timae indicandae ueterum epistolae, quae omni  
 sint cura, arteq; elaboratae. Quid enim unquam  
 exquisitius, accuratiusq; scripsit Cicero, quam  
 illam prolixam ad Lentulum: rursus illam, qua  
 Milonem Curioni commendat. et pleraq; ad M.  
 Varronem: praecipue uero eam, qua Luceio per-  
 suadere conatur, ut res ab se gestas, litteris man-  
 det: quam ipse uelut accuratè, feliciterq; scriptam,  
 Atticū uti legat hortatur. An hiseas anteponemus,  
 quas ad Terentiam, Ciceronem, Tironem, aut  
 Acilium scripsit? Seneca tamen in epistola XL. ad  
 Lucilium sic ait. Minus tibi accuratas a me epi-  
 stolas mitti frustra quereris: quis enim accuratè  
 loquitur, nisi qui uult putidè loqui? Qualis sermo  
 meus esset, si unà sederemus, aut ambularemus,  
 illaboratus, & facilis, tales uolo esse epistolas meas.  
 Quae nihil habent exercitum, nec fistum: Sed si  
 fieri posset, offendere, quàm loqui mallet: non me  
 hercule ieiuna esse, & arida uolo, quae de rebus  
 tam magnis dicentur: neq; enim Philosophus inge-  
 nio renuntiat: multum tamen operae impendi uer-  
 bis non oportet. Quòd epistola sit breuis quoad e-  
 ius fieri potest, cum teste (Seneca in lib. epistol. VI.  
 epi-

Demetrius  
Phalareus.

epist. XLV., cuius verba haec sunt. Ne epistolae modum excedam, quae non debet sinistram manum legentis implere, in alium diem hanc litem dialecticis differam) breuitate potissimum epistola gaudere soleat. Et ex hoc Demetrius Phalareus longam epistolam orationem appellat. Verum hac breuitate, cum ad incognitos, morosos, simulatos amicos, aut ualdè occupatos scribimus, utemur. Quid enim est breuitatem sectari, nisi maximam rerum vim pro viribus in pauca conferre, non pauca scribere: alioqui indoctissimus quisq; haberetur. Omnes namq; epistolae, in quibus, quae adhiberi sunt necesse, si omittantur, breues nimis sunt: pari ratione, quae superuacaneis refertae sunt rebus, nimis longae sunt. Quare pro ratione materiae, locorum, personarum, negotiorum, temporum, rerumq; gestarum scribenda est epistola, quae licet longissima fuerit, eius tamen urbanitate, & concinnitate saepius, saepiusq; lecta placuerit. Deniq; finem epistolae finis negotiorum affert: idcirco Brutum Cicero increpat, quòd in medio ardore belli civilis breues ad se litteras dedisset, cum negotia flagitarent, ut explicatius sciretur, quid ageret, quidq; esset acturus. Animaduertendum est etiàm in ordine, quòd oratio non sit squalens, ieiuna, cōcisa, aut arida. Quòd ad unum scribentes plurali

numero

numero non utamur: nam barbara erit elocutio, praeterea diminuitur alterius dignitas; ut uos Orlande pie inimicos excelluistis; & saluete unum salutando; & uestra liberalitas ad unum scribendo. Usus tamen obtinuit, ut in prima persona plurali numero uti liceat, modestiae gratia, utq; arrogantia uitetur: ut Cicero. Nos quantum in utroq; profecerimus, aliorum sit iudicium. Quod in substantiuis nominibus propria epitheta apponamus, ut albus cygnus, niger coruus. Quod etiam saepius eandem elegantiam, eademq; vocabula non iniiciamus, sed synonymè loquamur. Quod in re tristi non nimium lasciua oratio; aut in laeta nimis inculta; aut horrida in aduersis existat. Et Fabius existimat eum optimum dicendi genus sequi, qui pro re, pro loco, pro tempore, pro qualitate auditorum quàm appositissimè dicit. Itidem & ego eam epistolam optimam iudico, quae à vulgato hoc, & indocto litterarum genere quàm longissimè recedat: quae sententijs exquisitissimis, uerbis electissimis, sed aptis constet, quae argumento, loco, tempori, personae, quàm maximè sit accommodata, quae amplissimis de rebus agens, sit grauiissima: de mediocribus, concinna: de humilibus, elegans, & faceta: in iocis, acumine delectet, ac lepore: in encomijs, apparatu: in exhortando ue-

hemens, & animosa : in consolando, blanda, &  
 amica : in suadendo, grauis, & sententiosa : in  
 narrando lucida, et graphica: in petendo, verecun-  
 da : in commodando, officiosa : in rebus secundis,  
 gratulabunda: in afflictis, seria. Tandem (ne, quae  
 sunt infinita, persequar) sit versipellis, ac quem-  
 admodum polypus se met ad omnē subiecti soli ha-  
 bitum, ita sese ad quemuis argumenti, reliquarūq;  
 circumstantiarum habitum attemperet. Neq; e-  
 nim rei solū obsecundabit epistolae stylus uerum,  
 ut dignum est egregio quopiam Mercurio (nām  
 nunciij uice fungitur epistola) temporum, persona-  
 rumq; rationem habebit : nec eadem de re quouis  
 tempore, nec apud quosuis loquetur : alia specie  
 sese offeret senibus, alia iuuenibus, alia tetricis, ac  
 seueris : alia ijs, qui festiuiore sunt ingenio: alia au-  
 licis : alia philosophis: alia familiaribus, alia igno-  
 nis: alia uacuis, alia negotiosis, alia fidis sodalibus,  
 alia fictis amicis, ac parū benē uolentibus. Ve-  
 rūtamen in epistola nullum est delictum, cui non  
 sit parata uenia. Erit loquacior, scripta dicetur  
 iūm auido, tūm ocioso. Elaboratior erit, & lu-  
 cernam olens, scripta est erudito. Habebit artifi-  
 cium, talem decebat mittere artificis. Carebit ar-  
 tificio, scripta putabitur ei, cui placebat simplicitas,  
 aut imperitiori. Laconismum habebit, occupatus  
 scrip-

*scripsisti occupato. Fucator erit, ac pistor, scripta dicetur curioso: priscis verbis, antiquario: blandior, amico: licentior familiari: asperior, improbo: adulantior, ambitioso putabitur.*

- a Epistola an requirat nomen, & cognomen scribentis uide Felinum in C. scripta in V. colum. circa prin. de fide instr.
- b Vide Gell. lib. XI. cap. VII. & Macrob. lib. I. Saturnal. cap. V.
- c Hic Demetrius primus inflexit orationem, & eam mollē, teneramq; reddidit: & suavis, sicuti fuit, uideri maluit, quā grauis: magis itaq; Athenienses delectabat, quā inflam-  
mabat, ut in Bruto ait Cicero.
- d Idem in I de offic. in cap. Qualis sermo. Et Horatius ad Pisones.

*Telephe, uel Peleu, malè si mandata loqueris,  
Aut dormitabo, aut ridebo. Tristia moestum  
Vultum uerba decent: iratum, plena minarum:  
Ludentem lasciuia; seuerum seria dictu.  
Format enim natura prius nos intus ad omnem  
Fortunarū habitum: iuuat, aut impellit ad iram:  
Aut ad humum moerore graui deducit, et angit:  
Si dicentis erunt fortunis absconsa dicta:  
Romani tollent equites, peditesq; cachinnum.*

- e Polypus graecè πολυπύς, piscis est ex genere τὸν μαλακὸν, μύη, id est corum, qui molli teguntur cute, à multis pedi-  
bus, appellatus, & vulgò Phyce dictus; ut meminit Plin.  
lib. IX. cap. XXVI. qui quidquid brachiorum flagellis nā-  
ciscitur arctissimè retinet, & ad similitudinem loci, cui ad-  
haeret, colorem immutat. Hinc metaphoricè omnium o-



rarum hominem polypum uocamus, qui se omnium inger-  
nijs, omniq; tempori nouit, accommodare. Est etiã po-  
lypus, narium morbus, de quo, & eius remedio uide apud  
Celsum lib. VI. cap. VIII.

## DE SERVANDO COMPOSITIONIS ORDINE.

**I**N compositionis ordine sunt haec animaduer-  
tenda, Quòd oratio crescat, et augeatur, hoc  
est, quòd id, quod sequitur maius sit eo, quod prae-  
cedit: ut Andreas Loffredus non modo liberalis,  
verũ etiã est Eques superillustris. Quòd uerba re-  
bus, de quibus agitur sint accommodata, ne plus,  
minusue, quàm rei dignitas significat, uideatur:  
ut Illustrissime Tripaldae Dux, Excellentissime  
Abellinensium Princeps, Christianissime Rex  
Galliae, qua de re infra latius dicemus. Quòd stu-  
dendum sit uarietati, ac dictionum commutationi:  
ut optimè cùm te ualere acceperim mirum in mo-  
dum tibi gratulor Ioannes Bernardine Hercoline  
Compater, ac vir praestantissime. Ut prius obli-  
qui, & postea recti, postremò & uerba sint collo-  
canda: ut superioribus his diebus binas abs te mi-  
hi litteras eodem exemplo Octavius Sanctorellus  
reddidit. Ut aduerbium iuxta uerbum sibi locum  
asciscat: ut, Te cùm familiarissimè utar, tibi de-  
esse non possum. Ut praepositio inter adiectiuum,

& substantiuum ponatur: ut, Tuam ob unius  
 humanitatem, quominus id abs te facile conse-  
 quar, minimè vereor. Ut adiectiua praecedant  
 substantiua: ut, Qui tibi ex me fructus debeantur,  
 cum idonea mihi facultas offeretur, quàm uberrimi  
 mos experieris, Quòd negatiua dictio in fine po-  
 natur: ut, Quem te magis diligam, habeo profe-  
 ctò neminem. Quòd possessor ante possessionem lo-  
 cum habeat: ut, Ioannis Columnae viri perillu-  
 stris, & prudentia, & summa solertia, cum te es-  
 se qualem spectamus, egit. Quòd gerundiuis no-  
 minibus progerundijs utamur: ut, Hoc potius ex-  
 citandi tui studio ad virtutes capeffendas, quàm  
 tui arguèdigratia scripsi. Quòd relatiuum plerū-  
 q; cum subsequenti proprio, potius quàm cū antecede-  
 dente congruat appellatiuo, ut est locus in carcere,  
 quod Tullianum appellatur. Quòd relatiuum  
 cū suo antecedente in subsequenti posito congruat:  
 ut, Quem in te summum amorem habeo, id tibi  
 significare impellit. De augmento positiuorum cū  
 per, & ut: exempli causa, Te mihi aequè carū,  
 & periucundum, ac fratrem esse exploratum ha-  
 beas. De superlatiuis cum, longè, multò, & quàm  
 ut, Multò, uel longè omnium me tui esse amanti-  
 simum, mihi crede: uel quàm maximas tibi gra-  
 tias ago. Quòd adiectiua veritatur quandoq; in  
 sub-

*substantiua: ut tua mihi uerba utilitati, iucunditatiq; fuerunt. Ut inter adiectiuum, & substantiuum eiusdem casus aliqua orationis pars interponatur: ut, Non exiguam Cicero gloriam, & apta dicendi copia, & scribendi eleganti charactere fuit consecutus. Quod oratio, ut plurimum ab adiectiuis, uel participijs, quandoq; à relatiuis, incipiat: ut, Lectis tuis litteris ad tibi respondendum continuo me accinxi. Distributiuis, & partitiuis eleganter uti possumus, cum alicuius negotij partitionem facere volumus, aut certum aliquod animi consilium declarare nitimur: ut, Innocentius Brunus, & Hieronymus Pecorarius à Societate Iesu patres integerrimi à me plurimum diliguntur, neq; id est immerito, nam alteri has debeo litteras, alter uero plurimis me beneficijs ornauit.*

*Quod oratio frequenter obliqua sit, id est à posterioribus in recta constructione incipiat: ut, Neminem posse ad eloquentiam accedere Crassus inquit, nisi qui multarum prius rerum scientia erit instructus. Casus temporales plerumq; in accusatiuo locentur: ut, Tres cum annos Iacobum Galum Comitem, ac virum illustrem audiueris, iam doctoratus insignibus deberes esse decoratus. Quod ablatiuus coniunctim positus plurimum orationem exornat: ut, Superioribus annis iam florebat Ro-*

ma maxima in pace vivebatur. Quòd relatiuum  
 qui, quae, quod non ponatur immediatè cum ali-  
 quo antecedente, sed inter relatiuum, & suum an-  
 tecedens interponatur verbum: ut. Ciceronem ad-  
 mirantur omnes, qui apud, uel inter latinos elo-  
 quentiam auxit. Quòd relatiuum is, ea, id im-  
 mediatè positum antecedens collocetur: ut, Pu-  
 blius Africanus is, qui Carthaginem vicit, om-  
 nes summos bellorum duces gloria antecessit. Ut  
 fini orationis, uel praepositionis verbum aliquod  
 personale, uel impersonale, finitum, uel infinitum,  
 aut actionem, aut passionem significans, sit collo-  
 candum: ut, id equidem facìle impetrassem, si a-  
 mor, si gratissimus animus quibusdam in homi-  
 nibus esset. Praetereundum deniq; non opinor, quòd  
 figura Themesis: ut, satis tibi feci, pro satisfeci  
 tibi. in simplicibus dictionibus non utimur, ut su-  
 pra diximus, nec in omnibus compositis, nisi in  
 quibus apud probos auctores reperitur vsitatum.  
 Cicero. Postea verò quàm, pro postquam. Iuue-  
 nal. Inque uicem pro inuicem. Virg. Septemq;  
 triones pro septemtriones. Cicer. Satis ipse omnibus  
 feci, pro satisfeci omnibus. Idem. Quam rem pro-  
 cul inquit dubio dixisset, pro procul dubio. Idem.  
 Rem uerò publicam penitus amisimus, pro Rem-  
 publicam. Teren. Quae meo cumq; animo libi-  
 tum

Themefi  
 nō utimur  
 in simplici-  
 bus.

tum est facere, pro quaecumq. Idem: Thais maximo orabat opere, ut cras redires, pro maximo-pere. Plautus. Sed ego stultus, qui Remcuro publicam, pro Rempublicam.

# DE NON COMMVTANDIS DICTIONIBVS.

**A**T semper praeponitur in oratione. At in carmine sequente vocali; sed ac, item que in medio locatur. Nec, neq., uel, aut caeterum enim uero, uerum, si, sin, quatenus, siue, ni, nisi, nunquam nisi in maioribus principiis, non aliunde dependentibus, locabimus. Quae, uel quidem, quoque, autem, uero, enim posponuntur: praesertim, autem, quae, enim, uero, ne, uel, post primam dictionem locabimus. Quoniam, cum, quamuis, etsi, quamquam, licet in primis initiis. Quocirca, quapropter, quomobrem, & quare in minorum initiorum ad aliud dependentium fronte locabimus.

Ergo, & igitur in breuioribus conclusionibus. Itaque, ut plurimum in maioribus collocantur. Sin, nunquam ponitur, nisi praecesserit, si autem intelligatur. Utque, posponitur. Non autem dicitur, non uero non dicitur. Sanè uero, dicitur, sanè autem, non dicitur. Iam uero, enim uero tum uero, at uero, uimur. Iam autem, enim autem, at autem; non uimur.

tumur. Nec enim, neq, enim dicimus, Tum, tum; & et geminamus quando partes sunt aequales, uerum quando partes sunt inaequales, ponimus cum in minori, tum uerò in maiori cum propositione. Versus ferè semper postponitur. Tenus frequenter postponitur, ut messe tenus, propria uiue. Inter, propter, circa, et similia saepe postponuntur. Omnes cū positiuo, & comparatiuo, ut omnes docti. Quisq, cum superlatiui, & postponitur.

## DE SVPERSCRIPT. EPITHETOR.

**E**PITHETVM est, quod unicuiq, personarum conditioni, & dignitati accommodari solet, Hoc tribus de causis nominibus additur, Discretionis, ut Phrygiae molimur montibus Idae. Est enim Ida Cretae mons aquis, fluminibusq, abundans, ut Ouid. IV. Fast. ibi.

Dindymon, et Cybelen, & amoenā montibus Idae. Proprietatis: ut,

Terribili implexum, setaq, & dentibus atris.

Epithetum

Ornatus: ut, Alma Venus. Differt autem Epithetum ab Antonomasia, quod numquam solum ponitur, sed nomini proprio alicuius adijcitur:

Antonomasia autē (ut Diomedes ait) per se proprii

Antonomasia quid.

nominis vice ponitur, & eius loco fungitur. Ut est Arma, virumq, ubi intelligitur Aeneas: Haec

Quibus modis fit.

S autem



autem tribus fit modis: ab animo, ut magnanimus Anchisiades, id est Aeneas. A corpore, ut ipse arduus, id est Polyphemus. Extrinsecus, ut, Infelix puer, atque impar congressus Achilli, hoc est Troilus Priami, Hecubaeque filius, cuius iuta inter Troianorum fata numerabatur: nam eo uiuo Troia capi non poterat. Hic adhuc adulescētulus ausus cum Achille Graecorum omnium fortissimo congredi, ab eodem occisus est. Sed has Antonomasiae partes, unā cum epitheti discretionē, et proprietate, cum ad rem propositam minimē faciāt, missas faciamus, et ad personarū ornatus, et epitheta hoc modo deueniamus. Beatiſſ., ac Sanctiſſ. in Christo Patri Gregorio XIV. diuina prouidentia Christianae Resp., ac Sacrae sanctae Romanae Ecclesiae dignissimo summo Pontifici. Illustriſſimo, ac Reuerendiſſ. Cardinali, Reuerendiſſ. Archipraefuli, et Praefuli. Reuerendo Abbati. Venerabili Canonico, et Archipresbitero. Honesto praesbitero. Religioso monacho. Venerando Decano. Reuerendae, dignaeque Abbatissae. Imperatori Augusto, uel Caesariae Maiestati, Christianae Reipublicae tutori, fauissimō, pientissimō, vexillifero, triumphatori fortissimō. Serenissimō, ac inuictissimō catholico Hispaniarum Principi. Christianissimō Francorum

Regi

Regi. Illustrissimo, & Excellentissimo Principi.  
 Illustrissimo Duci. Consuli vigilantissimo. Sena-  
 tori splendidissimo. Censori grauiſſimo. Aedili  
 magnificentissimo. Iudici incorruptissimo. Prae-  
 tori integerrimo. Theologo graui, absoluto, syn-  
 cero, sacro, diuino. Iurisperito iuris consultiſſimo,  
 legum prudentissimo, iuris utriusq; docto. Rhetori  
 disertissimo, suauiloquenti, facundissimo. Poe-  
 tae sacro, diuino, claro, nobili, inclito. Medi-  
 co peritissimo, fido, eximio, humanae salutis mo-  
 deratori, auxiliatori, tutori, morborum curatori,  
 & propulsatori. Dialectico arguto, inuictō. Mix-  
 tē docto undequaq; uel undiq; doctissimo. Schola-  
 stico erudito, docto, litterarum studioſo. Tabella-  
 riopudenti. Artifici experto, prouido. Amico-  
 amabili. Cui magistratui magnifico. Equiti au-  
 reato, equeſtris ordinis viro, militiae decori, incli-  
 to, magnanimo, forti, strenuo: generoso. Fortissimo  
 militi, & iuris clarissimo interpreti. Militi for-  
 tiſſimo, & exercitatisſimo. Oratori ſpectabili gene-  
 roſo. Patri optimo, honorando, obſeruando. Matri  
 indulgentiſſimae. Fratri carissimo. Patruo obſer-  
 uando. Vxori ſuauisſimae. Filio dulciſſimo, dilectiſ-  
 ſimo, ſuauisſimo. Nepoti, genero, affini, ſodali, com-  
 militoni incundiſſimis. Cui nulla eſt officiij digni-  
 tas, ueluti diuiti auctoritate praestanti, dicemus

optimati, summati, primario, nobili, graui, grauissimo, ornatouirtute, aut moribus ornatissimo, eruditione praecellenti, obseruando, honorando, colendo, absoluto, eximio, egregio, prudenti, suspiciendo, spectato, perspicaci, circumspecto. Opifici industrio, solerti, perito, exquisito, accurato. Adolescenti ingenioso, probato, modesto, optimae spei, eximiae, generosae indolis. Matronae primariae, optimae, integerrimae, probae, pudicae. Puellae lepidae, formosae, amabili, optime moratae, pudicae, iucundae. Philosopho sophiae filio, naturae exploratori, speculatori, sapientiae amatori. Mathematico arithmeticae, geometriae, sideralis scientiae professori, factorum expositori, diuini numinis conscio, phaetorei cursus exploratori, immobilis magnitudinis metitori, discretae quantitatatis supputatori, accuratissimo, subtilissimo, acutissimo, prudentissimo, perspicaci, excellentissimo, diuino, sapientissimo. Musico coelestis armoniae imitatori, Pieridum filio, Musarum alumno. Grammatico latini sermonis exploratori, humani studij principi, auctorum interpreti, humaniss., disertiss., accuratiss., copiosiss., ornatiss., doctiss. His epithetis quomodo Vir., alijsq. auctores fuerint usi, uide Macrobius in lib. Saturnal. VI. cap. V., et Arist. in III. Rhetor. cap. II.

## DE KALENDIS.

Nonis, &amp; Idibus.

**K**ALENDAE<sup>a</sup> sunt primus dies uni-<sup>kalendae.</sup>  
 us cuiusq; mensis. Dicuntur à ~~xxx~~, id est  
 voco: tunc minor Pötifex calata, id est vocata in Ca-  
 pitoliū plebe. quòt dies à Kalēdis ad nonas super  
 essent, pronuntiabat. Et ideo minor Pötifex numerū  
 dierū, qui ad nonas superessent, calando prodebat,  
 quòd post nouam lunam oportebat nonarum die  
 populares, qui in agris essent, confluere in urbem,  
 ut addiscerent quid eo mense in diuinis, humanisq;  
 rebus facto opus esset. Nonae sunt quasi nouae ini-<sup>Nonae.</sup>  
 tium obseruationis, uel quòd ab eo die semper ad  
 idus nouem dies putentur. Sunt autē hae nonae  
 in Martio, Maio, Iulio, & Octobri sex illi dies,  
 qui Kalendas sequuntur: reliqui uerò menses qua-  
 tuor tantum habent nonas. Idus in Martio, Idus.  
 Maio, Iulio, & Octobri, dies est decimus quin-  
 tus, in reliquis decimus tertius. Diclae sunt idus  
 à uerbo iduare, quod est diuidere, propterea quòd  
 circa medium mensis existētes, in duas partes pro-  
 pemodum aequales diuidere uideantur. Ab idibus  
 autē denominationem sumunt septē dies, nonas im-  
 mediatē subsequentes: non quòd ipsae sint idus, sed  
 quòd eas antecedāt. Vnde octauo, septimo, sexto, quin-  
 to, quarto, tertio, & pridie idus. Vnde uersus.

Prima

Prima dies mensis prisco dat more Kalendas.  
 Post numero nonas, post idus, postq̃ Kalendas  
 Sex Maius nonas, October Iulius, & Mars.  
 Octo tenet Idus mensis generaliter omnis.  
 Iunius, Aprilis, September siue Nouember.  
 Triginta lucas reliquis tamen una supersit.  
 Octo, & viginti Februarius accipit ortus,  
 Si bissextus erit, tunc vnus iungitur illi.  
 Idibus expletis quòt lucas quaere supersint,  
 Inde diem mensis primum super adde sequenti.  
 Exēplū sex nonas, vnū et triginta dies habentium.  
 Kalendis Martij, il primogiorno de Marzo: nām  
 omnium mensium prima dies Kalēdas, vel Kalen-  
 dis fit, eò quia hunc diem, qui ex his diebus, qui ka-  
 larentur primus esset, placuit Kalendas vocari.  
 Sexto nonas, il secondo: ex secundo enim die usq̃ ad  
 septimum quinque numerantur: cū addimus a-  
 liū sex erunt, quocirca sexto nonas dicemus. Quin-  
 to nonas. alli tre: nām inter tres, & septem dies  
 quatuor intersunt, alio adiecto quinque fient, idcir-  
 co quinto nonas. Quarto nonas. alli IV. Tercio no-  
 nas alli V. Pridie nonas Mar. alli VI., & sic sci-  
 endum est, quòd secundo nonas, secundo idus, & se-  
 cundo kal. numquā dicitur, sed pridie, hoc est die  
 nonas, idus, & kalendas praecedente. Nonis alli  
 VII. Post has nonas idus cuiq̃ mensi octo sumemus:  
 inter

inter octo dies, & quindecim septem intercedunt alio addito erunt octo. Octauo idus Martij alli VIII. de Marzo. Septimo idus alli IX. sextoid. alli X. Quinto alli XI. Quarto alli XII. Tertio alli XIII. Pridie alli XIV. Idibus alli XV. Sextus decimus dies à trigesimo primo quindecim superatur, huic si duos alios iniiciemus, fiet decimus septimus, idcirco decimo septimo Kalendas Aprilis alli XVI. de Marzo: & ita kalendae à mense sequenti capiuntur. Sextodecim kalendas April. alli XVII. Quinto decimo alli XVIII. Quarto decimo alli XIX. Tertio decimo alli XX. Duo decimo alli XXI. Undecimo alli XXII. Decimo alli XXIII. Nono alli xxiv. Octauo alli xxv. Septimo alli xxvi. Sexto alli. xxvii. Quinto alli xxviii. Quarto alli xxix. Tertio alli xxx. Pridie kalen. Apriles. uel Aprilis alli xxxi. de Marzo. Exemplum quatuor nonas, triginta & dies habentium Kalendis Aprilis à il primo d' Aprile. Quarto nonas alli ii. Tertio nonas alli iii. Pridie nonas alli iv. Nonis alli v. Octauo idus alli vi. Septimo alli vii. Sexto alli viii. Quinto alli ix. Quarto alli x. Tertio alli xi. Pridie alli xii. Idibus alli xiii. Decimo octauo kalendas Maias alli xiv. Decimo septimo alli xv. Sextodecimo alli xvi. Quinto dec. alli xvii. Quarto decimo alli xviii.

Tertio



Tertio decimo alli xix. Duodecimo alli xx. Undecimo alli xxi. Decimo alli xxii. Nono alli xxiii. Octauo alli xxiv. Septimo alli xxv. Sexto alli xxvi. Quinto alli xxvii. Quarto alli xxviii. Tertio alli xxix. Pridie kalendas Maias alli xxx. d' Aprile.

Haec deniq; praecipua sit regula, quòd finitis idibus, menses, qui unum, & triginta dies habent, si quatuor nonas habent, incipiunt à decimo nono kalen., si sex habent nonas à decimo septimo kalen. Februarius autem semper à decimo sexto kalend. incipit: sed si sit bissextus cum tunc xxix. habeat, dies duplicatur vi. kalendas ob quod bissextus dicitur. Et haec satis dicta de Kalendis. Inditio autem quae sit, à quo, et quare inuenta vide Speculatorem in tit. de instrum. edit. in prin. Et quomodo annum instituerit Romulus, & Numa, vide Macrobi. in Saturn. lib. i. cap. xii. & xiii.

a Macrobi. in I. lib. Saturn. cap. XV., & glo. in c. Data Romae de reg. iur. in VI. ubi plenè Ioan. Andr., l. cum bissextus de uerb. signif., not. in institut. de testam. ordi., & plenè in c. propter cli. ubi per Archidi. post glo. ibi in uerbo talibus XVIII. distin., Albertus in suo dictionario in uerbo Kalendae.

b Februarius cur solus octo, & uiginti retinuerit dies, uide Macrobi. in I. saturn. cap. XIII.

c Aprilis dicitur ab aperiendo uer, quòd omnia aperit, ut

Varro scribit. Ovidius quoq; lib. IV. Fast. ait.  
 Nàm quia uer aperit tunc omnia, deniq; cedit.  
 Frigoris asperitas, faetaq; terra patet.  
 Aprilem memorant ab aperto tempore dictum.

FINIS.

PAULI PORTARELLI  
 ad Lectorem Epigramma.

**S**I te cura tenet summorum quaerere Regum  
 Lector, amicitias, eximiumq; decus.  
 Et Latium totum scriptis ornare disertis,  
 Ut te posteritas plus Cicerone legat.  
 Hunc versare uelis noctesq; diesq; libellum.  
 Scribendi hinc ratio nam tibi tota patet.  
 Argutè, breuiterq; Auctor quid epistola, qualis  
 Debeat esse, oculos subijcit ante tuos.

SCIPIONIS MAZZELLAE.

**Q**UILatio sermone cupis contexere chartas  
 Candidiusq; ipso uel Cicerone loqui,  
 Haec Sanctorelli percurrat scripta disertis:  
 Et decus eximium posteritatis eris.

T F.FE-

F. FELICIS MILENTII

Laurinensis, Augustiniani

Epigramma.

NOSCERE si cupiat: si scribere ami-  
cus amico.

Hanc legat; ut lecta, scribere ritè queat.

Consulat, excuset, faueat, soletur, & oret,

Laetetur, moneat, quae cupit Arte capit,

Ars, qua Mercurius claret, modo claret in Arte;

Ars artis clari vincitur Arte viri.

Exiguo magnum quoddam nux clausit Homerum:

Orbe: hoc priscorum plurima condit opus

Quò Natura fugis? nunquid superaris ab Arte?

Tunc rubescis? io: siste, resiste, rape:

Circuit ecce rota, & mutatur temporis ordo:

Ipsa imitans quondam, tuq; imitare modo.

Effuge: quid facies? Ars ambit pectora, mentes:

Sig; per astra uolas, Fama per astra uolas.

Ne uacua pagella remaneret, apponere hic volui Epigram-  
ma à nobis compositum in mortem clarissimi iure consulti Fa-  
bii Iordani huius operis censoris, ut tanti viri memoria in a-  
mici opere extaret. qui (quae erat viri humanitas) historiã,  
quam de Vrbe Neapoli in manibus habebat, quamq; breui  
in lucem erat editurus, mea causa intermisit.

IN

IN MORTEM FABII IORDANI  
Iureconsulti clarissimi Aloisij Ant. Sancto  
relli Iureconsulti Epigramma.

**V**T Lachesis magni Iordani stamina rupit,  
In Latio, quo non doctior alter erat,  
Phaeбус. et Aonides, & Pallas funus acerbū  
Fleuerunt omnes interitumq; viri.  
Visa est & Siren atras assumere uestes,  
Eq; suis manibus deposuisse lyram.  
Turbidus, auctus aquis Sebethus in aquora fluxit  
Nymphae dum largis stetibus ora rigant.  
Heu iacet extinctus vates, non ille Maroni  
Inferior, Fabij si monumenta legas.  
Heu tibi Parthenope creptū est decus omne uetustā  
Hic de te cunctam texuit historiam.  
Spargite humo flores igitur, date i thuris honores,  
Dicite, Iordani molliter ossa cubent.

ERRATA SIC CORRIGITO.

|                                 |                         |               |
|---------------------------------|-------------------------|---------------|
| 45.                             | Somni                   | somni.        |
| 46.                             | in margine inficiabimus | inficiabimur. |
| Pag. 102                        | liberalitate, lege      | libertate     |
| 119.                            | didicerimus,            | didicimus,    |
| Cetera legentis religio purget. |                         |               |

*Imprimatur,*  
*Brutus Farnetus Vic. Gen. Neap.*

Fr. Petrus Robertus Theologus Archiepiscopatus Nea-  
poli vidit.



NEAPOLI, Apud Iosephum Cacchium  
M. D. LXXXXI.

The first of the  
~~first of the~~  
 first of the



